




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CfMAGL 1.7.82/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.82/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.82/4

IUSTI LIPSI
EPISTOLARVM
SELECTARVM
CENTVRIA
SINGVLARIS

Ad Italos & Hispanos, quive in iis locis.



ANTVERPIÆ,
EX OFFICINA PLANTINIANA,
Apud Ioannem Moretum.

CLD. IDCI.

Cum Privilegiis Casareo & Regio.

ILL^{MO} ET REV^{MO}
F R E D E R I C O
B O R R O M Æ O,
S. R. E. CARDINALI, &
Archiepiscopo Mediolanensi.



NIMVS iamdiu me impulit,
munus aliquod ad te mittere:
& caussas habui à beniuolen-
tiâ, imò & beneficiâ tuâ.
An non sic interpreter huma-
nissimam ad me scriptionem,
cùm in hæc loca primitus venissem, quâ me
non dicam in Italiam, sed in domum tuam in-
uitasti? Et iterasti hanc benignitatem sæpius:
vt iure obligatum me fatear, nexu quem pro-
fiteri magis, quàm soluere ego possim. Et ec-
ce profiteor animo, ore, stilo: & hoc nomen
in fronte huius libri proscribo. Quem non
donum, sed syngrapham ad te mitto. quî au-
tem donum, quod nec meum quidem dixe-
rim? nisi collectione fortasse & ordine: cùm
singulæ Epistolæ singulos suos iamdiu domi-
nos habeant, ad eos missæ & inscriptæ. Hoc
tamen meum, quòd sparsas vel errantes rede-
gi in numeros & CENTURIAM: si vel eo no-
mine ac titulo leuis hic miles dignus: qui
† 2 adeò

adeò arma aut ornamenta non habet, vt vix
vestimenta. Simplex rotum genus est, à cultū
omni nudum: & quod sola extemporali-
tas vel commendet, ve excuset. Prodeunt
tamen tuis auspiciis in lucem, imò in aciem:
& quidni aciem? ita multi, velut famæ præ-
dunculi, in subseffis hodie sunt, vt properos
& incautos istos sermones excipiant. quid ad
me? imò ad te iam Ill^{me}, cui perire eos dein-
ceps aut viuere proclamo, domo ac manu meâ
semel missos. Tibi militent. & quam à viri-
bus suis non spondeant vitam aut victoriam,
à tuâ virtute & prudentiâ consequantur. quæ
vtraque in te clara sunt, &

— *quæ nec ventura silebunt*

Lustra, nec ignotâ rapiet sub nube vetustas.

Viuit etiam nunc in te, & heroicâ istâ indole,
vel PIVS QVARTVS Pontifex Maximus,
proauunculus tuus; vel patruus CAROLVS
BORROMÆVS, magnum vterque æui nostri
fidus: cui alteri Concilium Tridentinum, ab-
solutum promulgatumque, Christianus or-
bis æternum debebit: alter ea pietatis & virtu-
tis eximiæ signa impressit, vt non cum nostræ
stirpis hominibus, sed

(Fas mihi sanctorum veniâ dixisse parentum)

cum illis è primâ & purâ Ecclesiæ luce com-
parandus, multis & præponendus, videatur.
Itaque Mediolanum vestrum talem Antisti-
tem

tem optat semper, nunquam sperat: nisi in te
fortasse, qui ut nomine & sanguine, sic virtu-
te accedis. nam ut contingere te dicam, bonâ
tuâ gratiâ non possum. Sed illum & te omit-
to: quia, ut poëta cecinit,

Fucati sermonis opem mens conscia laudis

Abnuat:

& una ac verissima hæc illius laus est, ex vero
non posse laudari; tua, nec velle. Ad me &
munus meum redeo: quorum utrumque ti-
bi confesco. istud vile aut leue, ut dixi: me,
utinam talem, qualem aut iudicas, aut optas!
Louanij, pridie Kal. anni noui ∞. 1661. quem
felicem tibi, aliosque, ire voueo, ut ex bono
publico,

Iliacos aquare senes, aut vincere possis.

† 3

AD



A D L E C T O R E M.

EN tibi, Lector, hanc CENTURIAM, nouo exemplo ad duarum regionum populares tantum scriptam. Causse mihi huius abiunctionis fuerunt, tum ut confusio tolleretur, in omni miscellaneo populo timenda; tum ne iteratio ad varios, eadem de re, eodem tempore, nauseam gigneret in animo lectoris. Est et alia causa, quam ego scio, alius suspicetur: et tres istae effecerunt, ut eligerem disparare. Nec sane omnes etiam ad eas ipsas duas gentes edo. qui possum? perierunt mea aut amanuensium incuria multa, et quaedam felicius fortasse nata: nec magis recolligam, quam vates illa sua folia, Quae dispersa volant rapidis ludibria ventis.

Qui etiam debeam? sunt quaedam graues, seriae, et in quibus de rep. aut consilia sunt, aut iudicia: quae submittere hodiernis linguis aut censionibus, non dicam parum tutum esse, sed et hominis parum tuti. Ego in his paucis si puncta suffragij tui feram, excitabor ad colligendas reliquas: tui, inquam, suffragij, qui inter bonos doctosque es, et cuius mentem liuor aut imperitia non habet. Nam de talibus, quid ad me? scio et Momum cum Venerem carpere non posset, sandalium eius obtrectasse: ita hic tales tale aliquid, quod in factioso isto auro non sit ad huius aut illius gustum. Equidem inter eos esse me fateor,

—quos nec

Falsus honos iuuat, aut mendax infamia terret:

tamen si bonis etiam ista non bona, desino, nec scopum me ultra propono. Euripidem magis audio:

*Simplex
malum cum
liceat, haud
feram du-
plum.

*Απλᾶ; δε λύπας ἔξον, οὐκ οἶσιν διπλᾶς.

INDEX EPISTOLARVM CENTVRIÆ III.

AENEAE Visanio Doctori
Medico xxij.

Alfonso Ciaconi Doctori Theolo-
go vj.

Andrea Schotto è Societate Iesu
xxxvj.

Angelo Spanochio, Patricio &
I^a. xxvij.

Antonio Conarruuia vij, lxxvij.

Antonio Possenino Soc. Iesu lxij.

Afcancio Columnæ, Cardinali xl,
lxix, lxxxvj.

B.

Balthasari de Zuniga, Legato Re-
gio lxxxij, lxxxix.

Benedicto Aria Montano Theolo-
go iv.

Bonauentura Calataieronensf, So-
daliū D. Francisci supremo
Prefecto lvj.

C.

Cesari Baronio ix. Cardinali
lxxj, xc.

Carolo Lafaillo lxxxj.

Cynthio Aldobrandino, Cardinali
xcvj.

E.

Emanueli Correa Lusitano xc.

Emanueli Sarmiento de Mendo-
za, Doctori Theologo lxxxix.

Erycio Puteano lvij, lxxix.

F.

Ferdinando Diazio Lusitano ij.

Flaminio Moro xvij, xxvij,
xxxv.

Francisco Bencio xj.

Francisco Houio lxxvj.

Francisco Leonino xxj.

Francisco Orano, XII. viro litibus
iudicandis. xxxix.

Francisco Sfortia, Card. ij, lxiv.

Frederico Borromæo, Cardinali
xix, lxxij, xcij.

Fuluio Vrsino xlvij.

G.

Gabriel Palæotto, Cardinali xlv.

Garcia Figueroa, Regi à cubiculo
lx.

Gaspari Schoppio lxxxv.

Gastoni Spinula, Gubernatori
Limburgensi xlv, lxxx, xcj.

Guilielmo Scarbergero suo c.

H.

Hieronymo Mercuriali j, vij,
xlv, lxvij.

I.

Iacobo Maria Campanacio xxv.

Iacobo Sirmôdo Societatis Iesu ij.

Innocentio Maluasia, Nuncio
Apostolico xx, xxxj.

Ioanni Baptista Hansenio xc.

Ioanni Baptista Sacco xiv,
xlix,

<i>xlix, lvij, lxv, lxx, lxxij.</i>		<i>Cancellario</i>	<i>xxx.</i>
<i>Ioanni Costao, Doctori Medico</i>		<i>Nicolao Micaultio</i>	<i>lix, lxxxvij.</i>
<i>xxxix, xxxvij.</i>		<i>Nuno Mendozio Lusitano, à cu-</i>	
<i>Ioanni Ferdinando Velascio, Co-</i>		<i>biculo Principis</i>	<i>lxxxiv.</i>
<i>mestabili Castelle</i>	<i>xlviij, lxj.</i>	<i>O.</i>	
<i>Ioanni ab Hollandt</i>	<i>lxxv.</i>	<i>Ostauio Episcopo Tricaricensi,</i>	
<i>Ioanni Idiaqueo, ab interioribus</i>		<i>Nuncio Apostolico</i>	<i>xxxvij.</i>
<i>consilijs Regi</i>	<i>xxxij, xlvj.</i>	<i>P.</i>	
<i>Ioanni Michaelio, Equiti, Procu-</i>		<i>Paulo Monelia Genuensi Patri-</i>	
<i>ratori sancti Marci</i>	<i>xvj.</i>	<i>cio</i>	<i>xij, lv, lxvij.</i>
<i>Ioanni Ramirezio ab Arellano I^{to}</i>		<i>Petro Enriquez Comiti Fontano,</i>	
<i>liij.</i>		<i>Gubernatori Belgica</i>	<i>xlj.</i>
<i>Ioanni Veraflegui, Praefidi Censo-</i>		<i>Petro Pantino Decano Bruxel-</i>	
<i>rij tribunalis</i>	<i>xliij.</i>	<i>lensi</i>	<i>lxxv.</i>
<i>Ioanni Vincentio Pinello</i>	<i>lxvj,</i>	<i>Petro Pendasio</i>	<i>xxxij.</i>
<i>lxxvij.</i>		<i>Philippo Pigafetta</i>	<i>xcij.</i>
<i>Ioanni Vouerio</i>	<i>xciv, xcix.</i>	<i>R.</i>	
<i>Iulio Casari Velio</i>	<i>lxxxij.</i>	<i>Roberto Bellarmino Cardinali</i>	
<i>L.</i>		<i>xcvij.</i>	
<i>Ludouico Perezio</i>	<i>l.</i>	<i>S.</i>	
<i>Lupo Dionysio à Castella</i>	<i>liv.</i>	<i>Stanislao Rescio, Legato Regis Po-</i>	
<i>Lupo Soárezio, Episcopo Portale-</i>		<i>lonie</i>	<i>xij.</i>
<i>grensi</i>	<i>v.</i>	<i>T.</i>	
<i>M.</i>		<i>Thoma Segeto</i>	<i>lxij.</i>
<i>Martino Idiaqueo, Regi à secretis</i>		<i>Triumviris Instauratoribus Aca-</i>	
<i>xxxiv.</i>		<i>demie Patauina</i>	<i>xv.</i>
<i>Matthiae Ouando, Doctori Theo-</i>		<i>V.</i>	
<i>logo</i>	<i>lj.</i>	<i>Valenti Acidalisio</i>	<i>x, xxvj.</i>
<i>Melchiori Zoppio</i>	<i>xxij.</i>	<i>Ulyssi Aldroando</i>	<i>xvij, xxiv.</i>
<i>N.</i>			
<i>Nicolao Damantio, Brabantie</i>			

ERRATA.

Pag. 48. lin. 1. cum in aliorum. lege, cam.
Pag. 54. lin. 26. CLXXVII. scribe, CLXXXVII.

IVSTI LIPSI
EPISTOLARVM
CENTVRIA III.

EPIST. I. *Pisas.*

IVSTVS LIPSIVS HIERONYMO MERCVRIALI S. D.



CERTE rarò inter nos scribimus, & id pro affectu meo in te dolet. Quid mihi gratius, quàm te affari & alloqui, quem amo & æstimo vnum nunc pænè Italogum? Sed loca nos seiungunt, vt vides; atque etiam miserie istæ temporum, & dissidia animorum. Cui rei tamen medicina nunc in parte. Nam ego me abduxi à locis, in quibus vixi hætenus, & transtuli in Germaniam ad loca puriora. Puto me capis. atque occasio erit non solum sæpius inter nos scribendi, sed etiam liberius, remoto omni metu illo suspicionum, quæ me frustra premebant. Ego bonus sum, fui, & magis palàm ero. Tibi, pro amicitia nostra, liberè hoc indicatum volui. De Magni Ducis Etruriæ honestâ conditione, quam mihi defert; nihil adhuc accepi, præter ea quæ litteræ tuæ strictim delibant. Tamen, vt nunc valetudo & res meæ sunt, parere & obsequi vix possum, etsi benignissimè vocanti. Italiam vestram amo supra omnes terras, sed frui eâ & vobis multa nunc verant: vtinam tamen vel cursim iterum possem inspicere, & vos tales amplecti! digito videar mihi cælum tangere, & beatus esse supra omnes beatos. Videbo quid valetudo feret, in quâ curandâ nunc totus sum, & ad fontes acidulos me confero, ad intemperiem hanc mitigandam aut (ô vtinam Deo visum) tollendam. Vale vir maxime, & semper mihi care. Francofurti ad Mœnum, xviii. Kal. Maij. ∞. 10. xci.

A

EPIST.

FERDINANDO DIAZIO LVSITANO.

SICVT ij qui in suaui concentu Musico fuere, sonores & harmoniam in auribus secum ferunt; sic nobis à tuo suauissimo conuictu Hamburgi factum, & te, sermones, conuiuia loquimur etiam, non solum cogitamus. Nam, per Deum, quæ tua in nos comitas, quæ liberalitas? quæ vita & mores? Cepisti me, è pectore dico: & æternum inhabitabis hoc ipsum pectus. Enimuerò hominem ignotum ignoto eam benignitatem & prothymias, vt cum Plauto hoc dicam, exhibere, mihi hactenus ignotum: & adscribam meritò occulto alicui astro, quod me tibi temperat & iungit. Iam mores tui, quales? non melius quàm Poëtæ verbis descripserim:

——— *fecunda quies, virtusque serenâ*
Fronte grauis, seuisque decor, luxuque carentes
Deliciæ. ———

Habes opes, industriam, litteras: sine iactantiâ, procaciâ, vanitate. Felicem animi & iudicij! mane in hoc limite, & inoffenso pede ad calcem decurre. Nec patria te moueat, de quâ in vltimis verbis tuis querebare, & tristiora præfagebas, quàm in re sunt aut erunt. Audi me. nihil noui ei factum, redijt à quibus auulsa est, & post annos CCCC LX. amplius, reliquo Hispaniarum corpori est inserta. At decus eius & imperium periit! regna alia considera, non nouum. Illud Syriæ, Ægypti, Iudææ, Macedoniæ vbi est?

——— *quicquid in altum*
Fortuna tulit, ruitura leuat.

* Omnia
 que sunt,
 velut in Eu-
 ripho, sursu
 ac deorsum
 vertuntur.
 Plato.

& sapiens ille verissimâ imagine: * πάντα τὰ ὄντα ἀεχρῶς, ὡς ἀπὸ
 ἐν Εὐριπῶ, ἀνὰ τὴν κατὰ σπέσεται. Hæc meditemur, philosophemur.
 & sicut nube ingruente sub tectum confugimus: sic in calamitate
 ad Sapientiæ hanc arcem, quam fortuna nullis machinis euer-
 tit. Mihi quoque opus, ô amice. & priuatim calumniæ, incom-
 moda, damna circumstant: sed vt gubernator fluctus assilientes
 negligit, manum in clauo habet, oculos in astris: sic nos oportet,
 quod benè agimus agere, & mentem ad Deum referre. Ego in eo
 sum, & consilium meum nosti. neque profectò decebat, cui na-
 tura

tura cum bonis esset, vitam vltra cum aliis esse. Vale, & nouum quidem, sed ex asse amicum habe. Aquis Spadanis, xvii. Kal. Iul. ∞. id. xci.

EPIST. III.

Romam.

IACOBO SIRMONDO *Societatis Iesu.*

GRATIAS tibi mi Sirmonde habemus & dicimus, quo nomine? inquires: hoc ipso, quod tam grata illa ad me misisti. Et si enim non à te, tamen per te accepi. & ut in digniore munere, etiam grati aduersus baiulos sumus, & munusculo prosequimur; sic ego te isto litterarum, cuius operâ & curâ sacra illa donaria accepi. Estne causa scribendi alia? etiam, simpliciter enim agere debeo. Audiui à nostro Delrio ea de studio non virtutis solum, sed eruditionis tuo, quæ excitarunt me ad amorem. Eum seriò nunc defero: si referre placet, fiet amicitiae nexus & copula, quæ ante extremum diem metuatur solui. Urbem urbium, in quâ nunc agis, à Bencio meo desertam, tenui famâ acceperam. cur non autem ipsius litteris? nisi si subitum hoc iter fuit, ut solent vestra. Nos breui, nisi fallor, Louanium, idque habitandi causâ: nec aliâ re magis aut spes aut sermones inciderimus improborum. Nisi enim decreto bonus essem, an sic me darem in ipsam bonorum arcem? Et possent nos reuocare aliqua: ut quod locus nunc infrequens, quod limitaneus & parum tutus: sed Pietatis illo aspectu omnia spernimus, & cum Pindaro, * θεὸς δὲ ἐξ αὐτοῦ ἀρχὴν, εἰ δὲ ἐν δὴ τὸ καὶ λυόν. Vale mi Sirmonde, & vota pro me interpone. Leodici, postid. Idus Iulias. ∞. id. xcii.

* Deo dirigente, nihil est quod av-
cent.

EPIST. IV.

Hispalim.

BENEDICTO ARIAE MONTANO *Theologo eximio S. D.*

MIRA & sagax tua benivolentia. ego vix has oras attigi, & litteras tuas video, aduentum gratulantes. Quis indicium fecit, nisi fama illa, cui ad stipulari nunc possum celeritatis, vel ab hoc exemplo? Sed ita me Deus & omnes cælites, ut iucunda mihi hæc tua gratulatio. illa tantum? beneficentia adiuncta, & munus vnâ mittis. Nec hoc, sed offers etiam alterum, & inuitas me in

A 2

Hispa-

Hispaniam, & tuam urbem, inò domum: nec ut hospitem, aut amicum, sed (eo verbo utendum est) quasi filium. & quis mihi credet? te viuo rerum tuarum consortium, mortuo successionem ex asse offers. O pectus benignum, effusum, & cui quid aut quomodò respondeam? Profectò redigor ad silentium, non excitatus beneficiis tuis, sed oppressus. Atque hæc delatio mihi maior, quia à tali viro. Inter vetera scitè dicta, Crispi Passieni, opinor, hoc est, *Malle se à Claudio beneficium, ab Augusto iudicium*: at à te ego ecce utrumque accipio, cuius vel iudicij vnus elogio censuerim me beatum. Sed age mi Aria, tu illum imitare ad quem accedis. dà beneficia, offer beneficia: non aliter quàm arbor pomis grauida, quæ ramos demittit, & quasi inuitat ad carpendum. Ego me communiter olim tuum, qui totum nomen Belgarum opitulando & subleuando in asperis illis temporibus deuinxisti, nunc propriè sic obstrictum sentio, ut non dicam paria facere, sed nec linguâ, stilo, mente concipere possim. Sicut aqua multa per exiguum canalem, quæ vult egredi, impetu ipso sistitur & se includit: sic mihi fit, qui copiâ beniuolentiæ simul & beneficentiæ tuæ obruor: atq; hanc remitto, illam intimis votis, ut in me serues, depono. De rebus nostris, pauca adhuc scripserim, recens etiam de viâ: sed aut bonæ erunt spero, aut ego bonas faciam interpretando. Vale vir optime, maxime: & æternum me ama tu, parè dixerim, æterne. Certè ingenio iam effecisti, ut mortalitas tua finiri possit, non vita. Louanij, Nonis Septembris, ∞. ID. XCII.

EPIST. V.

*Vlyssiponem.*LVPO SOAREZIO, *Episcopo Portalegrensi.*

QUID hoc esse dicam non affectus, sed vero verbo ardoris, quòd nulla à te epistola ad Plantinum, quin de me & sollicitè quæras, & benignè iudices, & amanter salutes? Diu sustinui manum, pronam scribere, & affectum reponere (quid minus possum?) sic prouocanti: donec hæc vltima epistola tua laxauit, in quâ eò descendis, ut vota & cupidinem etiam interponas mei videndi, atque amplectendi. Significas dignitate auctum te, & opes non animum tantum esse ad benè faciendum. Itaque etiam inuitas. Maçte ô antistes! cui utinam similes (nam pares nolo dicere)

cere) plures Europa nostra habeat, felicius tranquilliusque regenda. Sed pretium quod artibus istis apud nos sit, pudet vel patriæ causâ dicere: iacent profectò, atque ij qui eas præferunt & profitentur. Sicut pueri trochos, pilas, pupas & leuia rerum admirantur, securi vitium: sic plerique è nostris ad vana diuertunt, honesta non neglegentes solùm, sed illudentes. Sed & publicè oleum huic lucernæ parcè infunditur: quod dicere tamen magis me scito, quàm queri. Nam ego cum illo veteri,

Felicem sciui, non qui quod vellet haberet,

Sed qui per fatum non data non cuperet.

In hoc æuum nati, in hanc sortem sumus: apto me ad illud, & hanc fero, sublimi animo, vtinam corpore tam valenti! Sed illud me deserit, lentum, languidum, & abiungi palàm minatur. Quid nouum?

—— *ibimus omnes,*

Ibimus, immensis urnam quatit Æacus umbris.

Atque hæc talia in Thrasæâ nostro inclusa; de quo quæris, & elicis frustra. Ille caput non profert, & in vtero abortit hic infans. Vale vir Reu^{me} & magis tuo merito, quàm Regis beneficio magne. L. Bat. x. Kal. Ian. ∞. 10. XC.

EPIST. VI.

Romam.

ALFONSO CIACONI *Doctori Theologo. S. D.*

SVADET affectus meus, sed & tuus, vt ad te scribam. De meo; quomodo non is ad te inclinet, qui me ignotum beneficio, & quidè in re summâ, affecisti? nec enim ignota nobis sunt, quæ Romæ gesta. De tuo; illū ipsum amicū mihi esse, tūm sermo quorūdam, tūm propugnatio ea famæ scriptorumque meorum, palàm ostendit. Quam etsi iudicio datâ arbitror, & cupio; tamen quòd tam prompta, quòd tam sollicita, adscribo etiam certè amoris. Gratum me esse dicā? sum animo: verbis ægrè possum, minùs factis. Delego hoc nomen superis, & illos voto conuenio, vt pro me soluant. Sed tamē iudicij, & actionis tuæ, quò minùs te pæniteat, hoc addo: esse me corpore, vt antè animo, apud bonos: & mansurum, quandiu hæc vita. In scriptis ipsis meis, siquid minùs lucet aut liquet; non offero solùm interpretationem aut emendationem, sed

A 3

promit-

promitto. Hæc puro animo ad te: atque etiâ illud, si minuta quædam offendunt quosdam (ita intelligimus) ea ipsa paratos aut corrigere, aut potius delere. Audio esse, qui de Bêbo aliquid liberiùs dictum impatienter ferant. Atqui virum eum depressum non iuimus, sed iuventutem retractam voluimus ab imitatuunculis quibusdâ, vt nunc quoque censemus, ineptis. Scimus in versâ & prosâ oratione virum illum valuisse: sed in vtraque extra omnem iudiciorum aleam positum esse, non cõsentimus. Quid si cum modo & modestiâ illa ipsa diximus? mihi videor: & si ab iis abiui, nihil recuso liberâ admonitiunculâ intra limites compelli. vtinam tu vsurpes! audis enim iudicia illic & voces nationis, quam nolo equidem offensam. Sed vellem iudicia semper, & nequid affectus officiat. quia vt oculus, in quem humor illapsus est, parû clarè videt: sic mens, in quam ille. Ego hætenus ita censiui. vt in musicâ concentus quidâ discors probatur; sic esse in studiis, nec liberum aliquem dissensum improbari, si citra conuicium aut litem. Sed vno verbo, tu iudex hîc atque alibi esto: & siue mitiùs ea dici, siue non dici voles, fiet. Librum tuum de *Signis crucis* vidimus, libèter & opportunè, vt qui in simili iam argumêto versamur, *De supplicio crucis*. Baronius si notus, aut potius quia notus, velim à me salueat, vir quem meritò boni & docti amant. Idem de *Consaluo Pontio Leone*, cui iamdiu in pectore isto locus. Vale vir eximie, & nobis care. Leodici, post. Nonas Iulias, ∞. 10. XCII.

EPIST. VII.

Pisas.

HIERONYMO MERCVRIALI S. D.

EXCVSARI me ante omnia meritissimò cupio, quòd ad litteras tuas siluisse ais: quas testor sanctè, præter illas de Etrusco negotio, vidisse nullas. Atqui ad illud respondi, & ex Wittendellij litteris video meas quoque perlatas. An ego Mercuriali meo respondere grauarer, qui de plebe hominibus operam hanc deferat? absit. Vtique in seriâ istâ & graui re, & quæ ab eo profecta, quem caput agnosco Reip. Christianæ. De quâ vt breuiter & candidè respondeam (ita ingenium meum, & amicitia nostra postulant) sic habe. Ego me honore summo affici, quòd à summatibus illis viris dignus loco illo in primâ vrbiuin iudicer, intra me sentio, & gaudeo:

gaudeo: cum tristitiæ tamen illo morfu, quòd nec eorum voluntati, nec meæ inclinationi, fas mihi, hoc quidem tempore, parère. Hæremus enim, mi Mercurialis, & implicamur veteri nostro morbo: qui meliorem hunc vitæ vsum mihi adimit, & non finit esse earum rerum, ad quas aptus videor, & vos vocatis. Tu scis, quæ vis & effectus Atræ illius bilis sit: quam nos diluere & mitigare (tollere, vix ausim sperare) conamur, vfu fontium acidorum, qui sunt in hoc tractu. Iuuare aliquid videntur, si plenè & bonâ fide, tum denique seriò agere & deliberare mihi libeat, de honestissimo munere, quod defertis. Ego Italiæ amorem non exui, parentis olim & nunc ingeniorum, & altricis: nec stimulos volo qui illuc impellant alios, quam internū hunc affectum. Quid etiam, quòd auctoritas, imò nutus summi mortalium, mihi pro omni illicio & suasionem sit? meritò: qui agnosco obnoxium & subiectum esse debere, quidquid in terris est, capiti huic diuino. Sed causâ illa magna, & verè fontica, valetudo, efficiet non vt negem, sed vt differam obsequi: donec Deo visum, firmiorem commodioremque me reddere, & parem muneri, cui destinastis. Id cum rogo, si mihi ex vfu & salute est: reque Clarissime Mercurialis animo amplector & saluto. Leodici, XI. Kal. Iul. ∞. 10. XCII.

EPIST. VIII.

Toletum.

ANTONIO COVARRUVIAE S. D.

O MI Couarruua, quàm lætum lubentemq. Lipsium tuum fecisti! oculis opus sit vt credas, manus hæc non est exprimendo. Ergo tam amicas, post tam longum interuallum, litteras? ô candorem, ô fidem! Atquin ego nec esse te, nec talem certè in me esse, in omnium illic amicorum silentio, iam sciebam. Causam dicis candidè, & gaudeo, atque etiam approbo. Quid enim excusam? offendimus diuturnâ illic morâ: & cum fluctus isti magni nos eiecissent, stationem illam habere fortasse licuit, non licuit portum. Sed purgat animus inprimis iste, Deo teste, propior semper bonis: tum etiam fortis hæc mea discessio, fortis? imò panè violenta. ita me eripui iis, quâ vi quâ astu, qui arctis lentisque vinculis detinebant. Deus mi Couarruua fuit, Deus qui adiuuit. Ego & mea (mea, id est scripta & libri) iam salui sumus:

mus: nec Leodici vltra, sed quod gaudeas, Louanij in ipsâ bonorum arce. Nunquid magis palam possum ostendere me esse, qui sum? id est, pietati & regi consecratum? Atque ego (Deus faueat) hanc mentem habebō, quamdiu vitam. In scriptis nostris siquid obscuri aut ambigui est, aut siquid etiam prauī, declarabitur, affirmabitur, corrigetur. Crede firmiter,

* Nam tibi
firmiter
hec, animi-
que ex me-
te, profa-
mur.

* Τοι γὰρ ἐγὼ τοι πάντα μάλ' ἀτρεκέως ἀγορεύω.

De me hætenus. Illud in litteris tuis & nouum & iucundissimum, de viro Principe Ioanne Siluâ Comite Portalegrensi: quem non amicum solum litteris, sed etiam nobis significas, rarum in illustribus illis hodie bonum. Atque is, quod meas etiam ad te miserit, quàm me deuinxit? Si occasio est, significa: & non moris dicisquæ causâ, sed ex pectore, pectus hoc illi dona. Amamus veneramurquæ meritò tales, olim in vestrà gente crebros: cur non nunc? & ad laudem militiæ, quâ per omnes, imò super omnes, gentes florent, hanc quoque adiungunt sapientiæ & litterarum? Fiet paullatim, spero; vtique cùm Principem nostrum ire hanc viam audio, & institui fingiquæ optimis artibus, quæ culmen illud ornent. De studiis nostris siquid quæris; paramus ordine dare Historicos plerosque priscos: & nunc velut extra ordinem damus tres libellos de *Cruce*. quo argumento? inquires. mixto, & partim sacram, partim profanam historiam ijs illustramus. Quidquid in supplicio illo olim fuit,

* Apeditus
vsque ad
verricem
tibi dixero.

* Εἰ τῶν ποδῶν εἰς τὴν κεφαλὴν σοι πάντ' ἐρῶ.

vt cum Aristophane dicam. Videbis breui, saluebis, & me amabis. Louanij, III. Idus Octob. ∞. IO. XCII.

EPIST. IX.

Romam.

CAESARI BARONIO. S. D.

IAMDIU est cùm animo feci, quod re nunc præsto. Scripsi inquam ad te, & coire volui amicitiae quoddam fœdus. & nōne me inuitet virtus & eruditio tua multiplex, & clara per Christianum orbem? Addo iam & beniuolentiam, quam nuper ostendisti palam, in re meâ curandâ, & cōmendandâ. Quod ad famam meam pertinere visum, id vtrò suscepisti, & laborasti pro me, quasi pro amicissimo, aut ipso te posses. Ego hæc non scribo in obliuio-

obliuionis aquis : amo te iam olim magne Baroni , & deinceps magis magisque volo. Sum nunc denique purus, inter puros : & hoc quod agitarum de *Politicis* meis corrigendis, ipsi fecimus, uti amicus noster (nam & tuus certè.) *Henr. Cuyckius*, eximius Theologus, dicet aut scribet. Ad summam, amo te & colo : ut alterum mihi facias, te rogo. Louanij, III. Kal. Iun. ∞. 10. XCIII.

EPIST. X.

Patauium.

VALENTI ACIDALIO. S. D.

Tu verò quid facis mi Acidali ? Amicitiam meam ambis ? abi, abi, frustra : quid ita ? iam diu habes . Testor Kalendas anni huius auspices, & ita mihi felix ille eat , ut te amaui cum primum factum illum ingenij tui vidi , *Velleianas Notas*. Leuiculas, inquis . Audaacter dicito, & in hac modestiâ consta. Ornamentum iuuentutis, pudor : seges veræ gloriæ & doctrinæ ! Alij, inquam, omnes melius de te, quàm tu sentiant : & sic parua tibi videantur quæ feceris, ut maiora cottidie possis. Vix autem faciet, qui facere se iam putat . Sed ad amorem . in clausulâ illius libelli tui, quàm veri & viui ignes ? sensi, tetigi, & me quoque iam tunc accenderunt. Quid nunc, cum ventilas eos velut flabro suauissimarum epistolarum ? vno veroque verbo, Amo : & velut ad aras tibi, cum poetâ, spondeo :

— σέθεν ἐκ ἐπιλήσονται, ὅφρ' αὖ ἐζωγῇ.

Σωοῖσιν μετέω, καί μοι φίλα γένετ' ὄρωρει.

Certè, naturâ ipsâ duce, amo ingenia , quæ rectiora video , & ire ad bonam famam. Ianum Guilielmium, popularem tuum, quanti fecerim, ipse sciuit, atque etiam posterì, si vita aut gratia meis scriptis. Tu succede. quoniam Deus illum eripuit, optimum æuo pessimo, & constituit in fælici illâ sede . Nos quoque (an aliquid vaticinabor ?) breui illuc imus, ut valetudo hæc dicat, vacillans, tenuis : tu viue nostri memor, & vale. Louanij, Kal. quas dixi anni ∞. 10. XCIII.

EPIST. XI.

Romam.

FRANCISCO BENCIO. S. D.

MIHI verò exclamare magis lubet, O negligentiam, ô perfidiam ! & nondum meas tibi redditas esse : tibi vni ? imò

B

&

*-tui haud
capiet me
obliuio, quâ
diu in viuis
fuero, &
mea cava
hac mem-
bra moue-
bo.

& Baronio & Bellarmino, ad quos utroque scripsi. Quid autem scripsi? benignè & candidè, quod in animo sentio, rem totam me permittere arbitrio ipsorum. Misi tamen & notas, uti hîc correximus, censore publico Henrico Cuyckio approbante. Mi Benci, alibi molles fortasse simus: in re pietatis, sic ut ferrum. Prima illa & summa opinio est, nihil hîc sapere præter id quod Ecclesia prisca, id est nostra. Nam qui aliquid libavit è Patribus aut Conciliis (nos fecimus) scit illam esse vnam. Sed frustra, opinor, hæc iterò, & nostras iam accepistis: nostras, inquam, nam Cuyckius adiunxit. Accepi nunc nuper epistolam à Stanislao Rescio; Deus bone qualem, & quàm non eleganter solum, sed nouiter scriptam! Me in Politicis imitatur, & frustula sumit ex auctoribus priscis, atque ea nectit. me imitatur? imò superat, & coronam hanc è capite meo illi dono. Ecce ad eum litteras vicarias, virum & titulum probè non noui (scripsisti Legatum Regis Poloniae esse) ergo tu pro me inscribe, & decòrum hoc serua. Id ipsum proximis tuis significa, quia percolare amicitiam cum illo viro mihi est in votis. Salue mi Benci, & per te quoque tuasque preces fac me magis saluum. Louanij, XIII. Kal. Septembres, ∞. MD. XCIII.

EPIST. XII.

Neapolim.

STANISLAO RESCIO, Legato Regis Poloniae.

OBSTUPVI ad tuam epistolam, & ut legere cœpi, statum non tenui (rem narro) sed resiliui & retrocessi. Tene, aut quem alium, in hoc genere tam subtiliter, tam scitè, & tam familiariter etiam loqui? Cæcidisti me in meis castris, fateor; & aut triumphum de me cape, si pergis: aut ciuicam, si seruas. Non hæc sunt verba. quis tu in alio trito genere, qui in hoc subito & inopinato sic excellis? Sed in laudes tuas parco, quas in me quidem congeffisti nimis benignè. O vim amoris! nam is elucet in tuâ epistolâ, & video eum ut si in ipso corde. Ille est, qui hæc iudicia tibi dictat, ille qui ad me mittit, & iubet petere, quod debebam deferre. Sed in ordine peccatum sit: in re non præuertes, & pari passu tecum decurram stadium hoc amoris. Nam eum quoque affectum in me cadere, Bencius tibi dicet, qui de religione non celauit. Ea prisca in nobis est (sepone omnes curas) & erit, auctore ipso

ipso fidei adiuuante, quamdiu ero. Enimuerò quem modicè peritum antiquæ historiæ & ecclesiæ, in Græcis Latinisque Patribus versatum, ceperit hæc nouitas? quæ surrexit ad turbas, vtinam non exitium, Europæ. Nos abhorremus, & claro fortique exemplo docuimus, auulsi à locis in quibus ea erat. Ad bonos venimus, etsi iacentes & exhaustos: quia finis mihi non ditiori, sed meliori esse. Gratia tibi magne Deus esto (tuum hoc munus:) nunquam alacrior aut erectior fui, quàm in iacente hac publicâ & priuatâ nostrâ fortunâ. Sed publica, vt spero, resurget: & à quâ parte æquitas stat, felicitas etiam stabit. Ego interea in quiete, libris scriptisque nostris inuolutus; quæ voluptati mihi sunt, vt pietas saluti. Hanc salutem toto animo tibi voueo, & meipsum deuoueo deinceps tuum. xvii. Kal. Septemb. ∞. id. xciii.

EPIST. XIII.

*Antuerpiam.*PAVLO MONELIAE *Genuensi Patricio* S. D.

ANTVERPIA vestra plures amicos mihi dedit & nuper ostendit, quosdam veteres, quosdam novos; atque inter hos te, mi Monelia, animo planè meum. Affectus tuus in me, & bonas artes, ita clarus & ardens est, vt Pyrrho si sim vix dubitem, & redamare cogar sic amantem. Facio profectò, & hoc in chartâ istâ consigno & testor. Italia vestra plura ingenia ob omni æuo dedit, & aluit: fac vt tuum inter ea censeatur, & Ligures quoque vestri veniant in hanc famam. Habes inter tuos, qui eminuerunt, aut eminent: atque inter eos scriptorem historiæ Lusitanicæ, mihi prudentem & probum. Tua quoque vidi ad ius scripta, laudanda profectò, sed hætenus, vt gradus tibi sint ad maiora, non vt meta. Ætas adest, ingenium, industria, opes etiam; id est, omnia quæ ducere te ad alta aut ad summa possint. Hortor & faueo; si quâ possum, etiam iuvo. Experire. Louanij, Nonis Nouemb. ∞. id. xciii.

EPIST. XIII.

Mediolanum.

IO. BAPTISTAE SACCO S. D.

QUOD te non fugit, varias, & à summis etiam viris dignitate aut doctrinâ, litteras accipio: sed tuæ me inter primas delectarunt,

lectarunt, & voluptatem inopinatam animo infuderunt, Ioannes Baptista Sacce. Quid ita? non ob causas, quæ tibi cum aliis communes, sed ob vnâ hanc eximiam, & in te propriam; quod in eadem domo & familiâ egeris magni illius viri, heu quondam nostri. Pectus meum mouit ea lectio. quia mortuum etiam nunc colo & veneror, & manes illius æternum mihi sancti. Benè fecit mihi, fateor: mihi, parum est, sed etiam reipublicæ, & toti, vt verbo dicam, Christiano orbi. O consulta eius consilia! quibus vtinam aut semper, aut non tardè vsi essent magni reges! Prudentiæ imaginem in terris si quis pingere aut cernere voluisset, credo eundum fuisse ad hunc nostrum. Iam animus quantus, & quàm altus? pariter vt corpus. Quid probitas & benignitas? summa. quis amor in artes & litteras? magnus: & eò minus mirandus, quod plerasque illas sciebat. Pulchritudinem peruiderat, & ideo amabat. Sed vide, quàm in ipso initio eam extra calcem: te alloquor, & de alio loquor. Hoc ipso disces, quàm magni mihi illa causa, quam amicitie nostræ prætendis, quod ille apud me tam magnus. Seriò & ex animo loquor. Amauit te? te amo. Amasti illum? magis etiam amo. Et accedunt hæc alia, quod mea & me æstimas, & vltra pretium suum (cur rem non dicam?) dilaudas. dilaudas tamen cum iudicio, & liberè etiam aliquid mones. Hoc est, non dicis te amicum, sed probas. Illa ipsa quæ de religione suggeris, iam aut vidimus, aut moniti ab aliis sumus; & *Politica* nostra reciduntur, cum immutatione aut lenitione, quæ erat opus. Tibi nihilominus gratia, & tales mihi sint amici, qui vtroque calculo vtratur, albo & nigro etiam cum est opus. Nam laudare in promptu est, & sine labore peragitur: iudicatio cum intentione & peritiâ est, & virum quærit. Scribis deinde de iudicio quodam nostro, quod super *Consolatione* feci, falsò (ita sentio, & sensi) Ciceroni inscriptâ. Moueri te auctoritate meâ scribis, sed requirere tamen causas, quibus eò sim inductus. Prompsi eas, mi Sacce, iam olim, & publicè vulgauit Plantinus noster in eo ipso libello, quem excudit. si voles, pete. Etsi fortasse quædam etiam illuc calida: vt est ratio mea scribendi, præsertim in epistolis, nec nego: ne excuso quidem, ne bis peccem. Verè hoc quoque notas in epistolâ, vbi de eâ re **παρηγορεῖς*: sed quid faciam? candidè hoc apud te promo, talia ista impetu & calore quodam scribimus. Neque id peccatum fortasse;

* *obiter.*

tasse; sed illud, quod vulgamus. Amici inducunt & trahunt, mollem naturâ, & facilem sequi. Sed & illud audi liberè. miror vos viros tales, æui & iudicij maturos; eruditione perpolitos (talem enim & *Folianum* habeo) ambigere in istâ re, quæ mihi extra litem videtur. Affectus aut præsumptiones ponite: quid in eo libello, re aut dictione dignum Tullio? vulgare aut frigidum totum negotium. nec excuset vir doctus, quod in dolore. Ille verò faces etiam admouet, & facit omnia magis excitata. Quis auctor tamen sit, haud temerè dixerim; suspiciunculas moui. & vos vel nunc dicite, vbi vetus illud & primogenium exemplar? vbi repertum? à quo? quis asseruat? Vnum id argumentum commentî, nisi profertur; vna reuictio nostra, si profertur. Aliàs, nemo ab animo hoc impetrabit, vt Tullij esse censeam, in quibus vim & spiritum Tullij non sentiam; & nihil pro illo viro, cui in facundiâ simile non natum, non nascetur: post quem, vt ille verè canit,

Conticuit Latiae tristis facundia linguae.

Sic ego sentio: nec assentiendi cuiquam legem pono. Vltrà in hoc certamen non descendo, nec habeo tanti. Iam in fine, quo magis amorem promas, inuitas amanter in tuam patriam, & in Italum illud solum: laudatum & amatum nobis semper, sed patria hæc tenet, in quam redij, & scito Louanij, in priscâ Academiâ (vt nunc appellamus) publicè me docere. Rex, & patriæ Ordines, honesto auctoramento me habent. Inuitarunt nuper & Veneti, & summus noster Pontifex; sed excusaui, & valetudinē etiam prætexui, vtinam non verè. Illa nobis vacillat mi Sacce, firmanda cum Deo videbitur, & tum quoque in scriptis à nobis expecta aliquid magis firmū. Vale V. C. Louanij, prid. Kal. Feb. an. ∞. MD. XCIII.

EPIST. XV.

Venetias.

Ad III. viros Instauratores Academia Patavinae.

MAGNO me honore afficitis, cum in locum & successionem magnorum illorum vocatis, *Sigonij, Robertelli, Bonamici*, luminum non Italiae solum vestrae, sed Europæ nostræ. Agnosco non beniuolentiam modò, sed hoc ipso beneficium; quoniam, quod in vobis est, datis, cum capere sit in manu nostrâ. In manu? addo etiam in mente, & voluntate. Cur non igitur sit? quia vires,

B 3.

&

& valetudo, negant: ista quidem pertinaciter tristis, & illæ imbecillæ. An decipiam & frustrer vos? Lipsium vocatis & expectatis, & adferam eius vinbram? bonâ fide hæc profero. Si benignus, & in omnia potens ille Deus, ista duo ex voto mihi daret, omnia essent pro voto vestro. Scio equidem apud vos medicos esse, peritiâ primos; scio benignum Patauij aërem; fontes in viciniâ & thermas: & quid non ad sanitatem, aut voluptatem? Sed chronici & diuturni isti morbi, quàm remediis nullis aut peritiâ cedant, periti vestri medici sciunt. Ad summam, vnum hoc excuso: in cetera vtimini Lipsio, Ill^{mi} & Cla^{mi} Domini, tu nominatim Ioannes Michaeli, vt vestro. nec vulgi more prolatum hoc scitote. Louanij, Prid. Kal. Mart. ∞. IO. XCIII.

EPIST. XVI.

Venetias.

IO. MICHAELIO, Equiti, Procuratori Sancti Marci,

III. viro instaurandæ Academiæ Patauinae.

MVLTA ad me signa beniuolentiæ tuæ perferuntur. Amici, qui inuisunt ab iis partibus, loquuntur; litteræ alienæ testificantur: quid opus est? tuæ sic palam præferunt, vt manu tangere & tenere videar hunc affectum. Benè sit litteris, quicquid earum in me est: quæ tales viros inclinant & iungunt. Atque vtinam votis tuis fas obsequi, quæ in Italiam & ipsam Scholam yestram ducunt! Perhonestum mihi in eâ luce spectari: & quiuis etiam tenebrius, pænè dicam, ibi illustretur. Quid tamen me tenet? quæ publicè dixi, & priuatim candidè, imò sanctè, apud te reuelo. Valetudo mea est, quæ incitatum hunc animi cursum inhibet: mala & præceps, non solum anceps, & deterior etiam quàm in primore fronte exhibeo & ostendo. Sicut struthionem aiunt volandi specië habere, non volare: sic de me dixerim, in adpectu sanum aut medium, in re non esse. Miserare. & vbicumque sum, tuum cense: tuum tantum? imò & tuorum cense: quia certè hoc agimus, vt quicquid possumus, diffundatur ad plures & profit. Sicut in publicam popularemque viam omnes semitæ conueniunt: sic scribētium nostræ stipes, in commune generis humani ærarium inferuntur. Itaque vsu etiam me vestrum interpretare: animo quidem, VTI IS OPTIMVS MAXIMVSQVE EST,
do

do me vobis ac dico. Ill^{me} Domine salve, inclytæ Reip. tutela & decus. Louanij, prid. Kal. Mart. ∞. 10. XCIII.

EPIST. XVII.

Bononiam.

VLYSSI ALDROANDO S. D.

NOMINE & famâ mihi notus fuisti, vir eximie, priusquam descriptione. Et si enim absumus, locorum vasto spatio distincti; tamen commementium multitudo est, & eorum præsertim, qui è nostrâ iuuentute ad vos se conferunt, optimarum artium causâ. Ex eo numero Hadrianus Romanus, & Thomas Fienus, vterque nunc medici titulo donatus, sæpe mihi laudes tuas prædicarunt, & seriam atque ab ambitione remotam doctrinam. O mi Aldroande, quàm suaue est, variis præsertim his epulis pasci? & animum permittere ad res superas, medias, inferas, & quicquid spirituum aut animantium iis continetur? Tu cottidie facis, & arcanum illum naturæ sinum excutis, fructus quoque effusus aliquando in publicum & nostrum bonum. Atque vtinam sint Reges & Principes, qui fuerunt! non teneret te causâ illa ab edendo, quæ nunc tenet, & thesaurum hunc redimerent vilioribus his thesauris. Sed bonâ fide, languet optimarum rerum artiumq. amor, vt ipsæ res optine; & quidlibet in pretio magis est, quàm quod pretio nullo digno æstimeretur. At nobis ignoscendum est nostrisque, quos civilis iste Mars vexat, & auertit ab omni honestâ atque altâ cogitatione: vestri Dynastæ, in gremio ipso pacis, cur negligunt? cur Italiæ hanc famam detrahunt, non coluisse solum semper, sed excitasse ingenia & artes? Sed est cursus hic nunc rerum, & lex quædam, nisi fallor, mundi: vt honesti honestaque iaceant, & exurgat quidquid turbidum est, aut prauum. An ea quoque lex, vt optimæ artes à nobis vobisque abeant, ad orbem secretum magis & longinquum? Mihi crede, incipiunt, & frigidus ille Septentrio excolitur, & nouo hoc amore inardescit. Quid ad ista medi diffundo? amoris est, & iam nunc familiariter apud te loquor. quem amorem firmum apud me futurum polliceor tibi, vir eximie; & te, qui tuum aperuisti, eodem hortor. Vale. Louanij, IIII. Kal. Sextiles, ∞. 10. XCIII.

EPIST.

FLAMINIO MORO. S. D.

* *Morus, id
est stultus.*

VNDE, quis, & quare, ad me scripseris, statim in fronte epistolæ tuæ vidi. Locus, Bononia, verus & vera studiorum mater; tu, minimè omnium quod * diceris, sed scientiæ & sapientiæ alumnus; causa, amor in me & mea, quem acrem profectò præfers. Hæc omnia, an grata mihi, quæris? sunt mi More, sunt: & vel vna quælibet ista res traxerit me ad redamandum. O Italia, quam olim infedi, si nunc videam! si oculis vsurpem insignes aliquot viros, mei sic amantes! profectò exsultem, & non capiam gaudij mei modum. Vnde tamen hic in me fauor, nisi à numine? Deus est qui impellit, & benigni cælites: quos scito mi More, piè & purè à me colî, id est ritu prisco. Opinionum hæc aura pestilens, quæ cælum nostrum infecit, me non afflauit: & inter ægros multos & causarios sanus ambulo, in hac quidem parte. Argumentum tibi dabunt libelli nostri de *Cruce*, quos vel hâc causâ scripsi, vt præcones testesque essent, non doctrinæ meæ, sed auitæ pietatis. Ergo tu non solùm ita senti, sed vt alij sentiant facito, pro virili quidem tuâ parte. En manum meam, en affirmationem. non fallimus in his talibus, in quibus se primùm fallit, quisquis alios conatur. O miser, qui aliam hîc linguam habet, & mentem! Sed vt, quæ causa scribendi tibi fuit, in eâ desinam, amo te amantem, & id quoque fide prisca. Vale. Louanij, IIII. Kal. Sextil. ∞. IO. XCIIII.

EPIST. XIX.

Mediolanum.

FREDERICO BORROMEO Cardinali S. D.

GRATAM tibi fuisse scriptiunculam nostram, id verò lætor, nec tamen miror. Pro ceterâ humanitate tuâ est, quâ me amplexus & amasti, & vtrò ad scribendum prouocasti. Ego verò illi respondeo, amore tantùm? imo & cultu: quorum alterum affectui debeo, alterum dignitati. O Italia semper hoc nomine felix, quòd non ingenia solùm habuisti, sed etiam qui fauerent, & fouerent! Nobis hoc deest, liberè dico, qui diuturno isto bellorum æstu inuoluimur, & perit apud nos, quidquid elegans aut

aut honestum. Utinam illa tantum! sed maiestas imperij, & ipsa pietas periclitantur: si vnquam, rebus nostris infirmis, & spectantibus lapsum. In Deo spes est, atque eo solo. nam humana, non dicam auxilia, sed & consilia valde labant. Vos auditis haud dubie, nec lubet hac publica & tristia in epistolâ edisserrare. Illud me in tuâ pupugit, de Bencio: de quo iam antea audieram; fateor, sed parum certo, & spes adhuc aliqua franabat dolorem. Qui nunc erumpit, & agnosco ac toto animo profiteor, amisisse me inter amicos tempore, fide, ingenio primum, aut certe iuxta primos. Mi Benci, quæ tibi mens sic abeunti? me præeunti, qui tot iam annos languo, & fatum meum exspecto? Sed scilicet plus impuri & terreni in me, quod depurandum sit; te ille Deus, in sanctitate istâ vitæ, vocauit ad puras & æthereas sedes. Salue, salue, & vt nos tales aliquando, aut potius breui, precibus tuis adiuta. Quò abeo? abstrahor à te Illustrissime, sed per te, qui pectus mihi fodisti Bencij mei mentione. quod sic apertum tibi confecto, & quicquid Lipsius, aut in Lipsio, tuus est & tua. Louanij Kal. Sept. 8. 1610. XCIII.

EPIST. XX.

INNOCENTIO MALVASIÆ, *Nuncio Apostolico.*

VT legi litteras, quas ad me dedisti, variè fateor me affectum, & velut distractum. Gaudium mihi fuit, in vocatione tam honorificâ, & iudiciis talium virorum de me benignis. Quid ad gloriam mihi amplius, ad comoda vtilius, quàm in vetustissimam & celeberrimam Academiarum venire? quæ non falsò se dicit, & inscribit, *studiorum Matrem*. Ego totam Italiam vestram amo, & veneror: tacitâ quadam inclinatione naturæ, tum etiam ob illa ipsa studia quæ colimus, quibus fons illinc & sedes. Quòd si voto meo dirigenda vita sit (sed Deus, & id quod fatum vocamus, superant:) Italia me videat, teneat, cineres etiam meos cōdat. At enim multa obstant, quæ pro prudentiâ tuâ, me tacente, vides. Et possum fortassis reliqua vincere: vnum illud de valetudine, forte & decretorium est, vt ita dicam. Ego ille imbecillus, in decennali amplius languore, atque eo pessimo, & qui pertinaciter spernit curam, quæ veniam in Italiam vestram? & si venerim, quid

C

quid

quid faciam? Par esse muneri imposito possum? par opinioni concepta? diffido. Hæc causâ vna est cur tardem & abnuam, & votis vestris non iungam mea vota. Deliberabo tamen etiam, & Deum in consilium, imò & in auxilium, aduocabo: si fortè sub vernum tempus vires aliquas maiores mihi donet, aut spem de valetudine firmiorem. Interea priuatim, gratias equidem habeo pro benignitate in me tuâ, quam ex ipsâ scriptione vestigiis totis colligo: & ex animo addictum me esse & fore, veraci calamo consigno. Ill^{me} & Reu^{me} Domine in bonum publicum, & tuum, vale. Louanij, VIII. Kal. Mart. ∞. IO. XCV.

EPIST. XXI.

Bononiam.

FRANCISCO LEONINO S. D.

QUOD me compellas, nobilissime iuuenis, proficisci video ab amore virtutis & litterarum. Ideò te iure amo, qui sic ista. Vnâ in re nolim te falli, si eximia illa duo in me esse censes: non sunt: sed cupido tamen eximia, & omnem vitam hoc egi, vt eas mihi parte aliquâ conciliarem. In Italiâ vestrâ (felice artium virtutumque parente) illi viri sunt, quos meritò admireris, quos ad imitandum proponas, generosi & honesti omnis exemplar. Siquid tamen aut ego cogitatus, aut scripta mea lecta eò faciunt, gaudeo, & perennem mihi hunc fructum studiorum opto. Vnus enim ille mihi finis, non vt maior, sed vt melior fiâ, & alij per me tales. Vale nob^{me} iuuenis. Louanij, post. Kal. Mart. ∞. IO. XCV.

EPIST. XXII.

Bononiam.

ÆNEAE VIZANIO Doctori Medico S. D.

DVO me fateor in scriptione tuâ miratum, & quòd scribis, & quòd sic amas. De isto magis, quia me & mea qui noui, vix reperio quidquâ magni, quod conciliet mihi viros istos magnos. At benignitas vestra est (non enim iudicij error) quæ impellit ad amandum etiam eos, qui alta & honesta amant: & cupido apud vos gratiæ locum inuenit, non solùm effectus. Longùm mihi hæc alloquia, hæc testimonia sint: quæ velut stimulos habeo, ad pergendum in duplici hac viâ Scientiæ & Virtutis. Iungo enim quâ possum,

possum: nec Deus ille velit, posteriorem hanc à me vnquam dis-
iungi. Prior illa voluptatem in animis gignit, hæc fructum; illa
dum viuimus, hæc cum viximus etiam utilis opportunaque est.
Vtramque in te esse Vizani, vel hinc colligo, quod studiosos &
candidatos earum ames. Fac mihi semper, & cum fænore affe-
ctum eundem à me refer. Louanij, postr. Kal. Mart. ∞. ID. XCV.

EPIST. XXIII.

Bononiam.

MELCHIORI ZOPPIO S. D.

QUOD me & mea amas, sed cum iudicio, id verò amo, & in
animo isto laudo. Etsi enim me fortassis sine exceptione
amare possis, & toto quod dicunt, pectore: tamen in meis profe-
ctò aliud est, imò clamo, cum iudicio, & alibi notâ, legenda esse.
Nam mi Zoppi, quid sumus nos omnes, qui aliquid esse vide-
mur? homulli, & in quibus æthereæ illius partis aliquid emicat
fortasse, sed non sine adiunctâ terrenâ suâ facce. Itaque caligo, hæ-
sitatio, error, agnata sunt nobis: & nihil tam eximium ab homine
eximio, in quo non ea deprehendas: Atque ego vt liberè ista fa-
teor, sic libenter inspicere ac tangi ab aliis patior: nec sum ille mei
admirator (ah, absit) qui extra iudiciorum aleam me ponam.
Subjicio, subjicio; & si vlla virtus placita mihi vnquam aut pla-
cet, ea Modestia est, & apud te testor. Si coràm me videres, & ser-
monis morumque meorum arbiter esses: idem diceres, nec aliud
mihi magis vindico quàm istud. Itaque de Plauti altero loco, li-
berè fateor, me quoque iam aliter sentire: de altero hæsito, nec fir-
mum video cui innitar. Tuum studium rerum talium & inqui-
sitio grata fuit, amor & affectus in me gratissimus; quem ita mihi
serua, si meum tibi reddo. Louanij, postr. Kal. Mart. ∞. ID. XCV.

EPIST. XXIII.

Bononiam.

VLYSSI ALDROANDO S. D.

QUOD libente animo ad vos soleo, dolente & tardante nunc
scribo. Causa, quia quæ vultis velle non possum, & cogor
nunciare, quod sit præter animi vestri sensum. Quid id est? fru-
strâ circumueo, me non venire. Mirum & panè dixerim miserum

Deus fortasse mihi abnuvit: quem aliqui testor, cumulum me felicitatis habiturum, inter insignes istos viros & Italiae apices, si in vrbe vestra consenescam. Senatui tuo si in occasione hoc indicas, beneficium mihi dederis: & maius, si pro meo non tuo sensu, id est fortiter & ad suadendum, hoc dices. Scio enim & te inter cupidos mei esse, eoque minus aptum causae approbandae. Louanij, VII. Kal. Iun. 60. 10. XCV.

EPIST. XXVI.

Patauium.

VALENTI ACIDALIO.

QVid tu ais? redire te? at vix etiam visa tibi Italia est: certe non eius praecipua pars, & inclyta illa Roma. Faciam transiens, inquis. Meo consilio, insideas potius & inhabites, & fiet cum tuo bono. Scito certo, nescio quem genium loco illi esse qui ingenia poliat, iudicia formet: & in iuventute experti nobis videmur. Praemia etiam ingenio tuo vis? illinc pete, & aureum velus Iason refer, sed sine vlla Medeâ. Addis de quodam qui *Politica* nostra carpat, & minetur contra scribere. Itane? faciat. ego solidum hoc corpus puto, & quod non metuit Saturnium aliquem dentem. Sed mi Valens, ita res est. ubi melior fama surgit, adhæret statim altera: & ignavi atque ignoti tantum ab eâ immunes. Ut piratae in mari onusta naui insidiantur, vacuum neglegunt: ita hic fit. Poëta hoc pulchrè:

* Τὸς ἀγαθὸς ἄλλος μάλα μέμψεται, ἄλλος ἐπαινῇ.

Ἰὼν δὲ κακῶν μῆμνι γίγνεται ἐδομῖα.

* Namque
probos alius
carpit ma-
le, laudat
at alter;
Praurorum
porro men-
tio nulla
hominum.

Hoc solemur nos, & illum mittamus: certi, nihil placere omnibus, praeter *placentam* (veteri verbo) & *vinum*. Sed heus, de *Martiali* quid tu monstri? edi illum in viciniâ vestra cum meis *Notis*? Numquam scripsi, numquam misi: & miror te quasi ambigentem quaerere. Nonne hic ad manum familiares mei Typographi sunt, quibus commendarem? Fraus aliqua est, & fortasse è libris meis collectanea, quibus titulum hunc imponunt. Quæris in istâ occasione de poëta eiusdem loco, in Cotylum quemdam, qui scitus & bellus videri affectabat:

Qui scit, quam quis amet, qui per conuiuia currit:

Hirpini veteres qui bene nouit auos.

C ;

Quis

Quis iste, inquis, *Hirpinus*? non è familiâ aliquâ Romanâ, ne erres, (etsi ea quoque fuit) sed equum hîc intellegit in Circo nobilem, & multarum palmarum. Nam ea etiam infania, ut stemma & præuos equorum talium quærent factionarij, atque inter se celebrarent. Statius in Siluis:

— *Romulei qualis per iugera Circi*

Cum pulcher visu, TITVLIS GENEROSVS AVITIS,

Exspectatur equus: cuius de STEMMATE LONGO

Felix emeritos habet admissura parentes!

Ecce. vides titulos auitos, & stemmata spectata in his equis? De *Hirpino* etiam, propriè Iuuenalis: — *Corithæ posteritas & Hirpini*. sed clarissimè lapis verus, quem Romæ olim vidi & exscripsi, iste:

AQVILO. N. AQVI

HIRPINVS. N. AQVI

LONIS. VICIT. CXXX

LONIS. VICIT. CXIII

SECUND. TVLIT

Hic in medio vir est

SECUNDAS. TVLIT

LXXXVIII.

(conditor factionis

LVI. TERT. TVL

TER.

Ruffata) qui dextrâ ba-

XXXVI.

TVL.

culum, sinistrâ pabulum

XXX

tenet: & vtriusque duo

VII.

affilientes equi.

Habes ipsum hîc *Hirpinum*, atque adeo eius auium *Aquilonem*. Nam illud .N. in lapide *Nepotem* notat. Vides & palmas vtriusque, & plures etiam in aui. Sed accipe & vltro locum alium in eodem poetâ. Lib. x. Epitaphium est matronæ cuiuspiam, atque ea loquitur:

Bis mea Romano spectata est vita Terento,

Et nihil extremos perdidit ante rogos.

Quid vult? vixisse se & vidisse binos sæculares? nihil magni aut memorandi, in illo Domitiani æuo. Nam Claudius ecce sæculares dederat anno urbis dccc: iterumque Domitianus, quasi erroris illum arguens, dcccxli. Itaque anni intersint tantum xl. Puto litterâ additâ scribendum, *vitta*: quod valdè sententiam mutet, & ad matrimonium ducat. Nam *vitta*, ut scis, maritarum. Itaque gloriatur, se tot illos annos nuptam, & in theatris vittam suam spectatam. Vale mi Acidali, & de mansione aut reditu tuo (sed si me audis, illâ) fac me scitorem. Louanij, III. Kal. Octobr.

EPIST

EPIST. XXVII.

Bononiam.

ANGELO SPANOCHIO, *Patricio & 1^o primario S. D.*

NON venio mi Spanochi, ne per ambages te ducam, & statim effundam, quod tibi (addo & mihi) molestiæ est aut dolori. Causæ sunt, utinam ne tam iustæ, & quas fonticas antiqui vestri consulti iuris appellabant. Valetudo enim, valetudo, ut alias omittam, inprimis vrget; & hæc venire me non vult, cum exiguo vestro aut nullo usu. Atqui melior ibi fiet, inquis. posset profectò recreari aliquid ab aurâ non tam Italiæ, quàm benevolentia vestra, qui sic palam & ex animo amici estis: sed recreari, non firmari, & ego (nequid celem) de eâ panem despero. Ad aquas acidulas iam imus, siquid iuuabunt: ceterum mens, corpus, manus, omnia à tam lento & longo morbo languent. Tu vale illuftris Spanochi, loci & professionis tuæ decus. Louanij, vi. Kal. Iun. ∞. 10. xcv.

EPIST. XXVIII.

Bononiam.

FLAMINIO MORO S. D.

IN dolorem me das amicis tuis litteris, mi More. Identidem vocas & reuocas, amorem & panem iram misces, & non spem solum sed etiam metum proponis. Ah, quàm non opus istis, si quod volo liceat mihi velle, dicere, facere! Non licet mi More, crede. nec aliud me tenet aut terret, quàm quæ nuper distinctè & largè tibi indicaui. Fidem non habes? supremum numen iuro & aduoco, ita esse. Valetudo quidem sic affecta est, ut iam nunc ad Spadanas acidulas eam, vix instaurandæ illi (quæ sperem?) sed fouendæ. Atqui alij, inquis, aliter credent, & loquentur. scio panem quid velis. Sed cuius sapientiæ, aut etiam fortunæ sit, omnibus placuisse? omnium iudicia aut suffragia meruisse? Ut in mari alij aliàs venti, gubernator tamen rectum cursum tenet, nec deflectit mentem aut oculos à proposito portu: ita nobis esse debeat, recta petere, prosequi, nec eiici viâ, aduersante aliquâ iudiciorum aut sermonum aurâ. Caput rei pietas, salua mihi est, & (spero) erit: nec tu cense eam, ubi nunc sum, ambiguam esse, aut intutam. Louanium mihi sedes, ipsum eius domicilium, arx, asylum. Quidquid turba-

turbatum in his locis, hæc firmiter stetit, & vicina omnis contagio aërem hunc non infecit. Ibi sumus, ibi erimus: & si usquam pedem mouemus (quid tempora ferent, nescio) ad te & Italos imus fortasse, etiam inuocati. Hæc ex animo More: tu me in tuogesta. Louanij, vi. Kal. Iunias, ∞. IO. XCV.

EPIST. XXIX.

Bononiam.

IO. COSTÆO, *Doctori Medico.*

TARDA & pigrâ manu scribo, me vobis negare, quod sic honestè & amanter vultis. Quid enim faciam? sum in alienâ manu, nec frontis meæ est resistere meo Regi, & Ordinibus patriæ, qui sistunt & tenent. Quid hîc sit, quid apud vos mihi futurum sit, non ignoro: sed cogor cum Vlyssæ Homérico, si commemini, deplorare,

* Quod
non sic mi-
hi Dî feli-
cia decreue-
runt.

Ὡς ἔμοι τοιῶν ἐπὶ ἐνλωσων θεοὶ ὄλβον.

Patiamur. vobis quidem exigua iactura, qui & alios viros facilè nanciscemini; & quod caput est, validiores, eoque diuturniores ad hoc munus. Nam mea vita (ne ominis quidem causâ filebo) brevis est, & valetudo hæc indies afflictior, parum de eâ promittere iubet aut sperare. Te intereâ amare cogor, mi Costæe, mei sic amantem, & hunc affectum mecum feram ad meliora & supera illa loca. Vidi Ill^{mi} Cardinalis *Palæoti* honesta verba de me, & iudicium. Obstringor summo viro, & verè inter magna lumina Italiæ vestræ. Vale. Louanij, vi. Kal. Iun. ∞. IO. XCV.

EPIST. XXX.

Madrîtum.

NICOLAO DAMANTIO, *Brabantia Cancellario,*
Præsidi & Curatori rerum Belgicarum.

MILITIAM meam cum Principi inscripsssem, nec offerre eam esset in meâ manu: ad te confugi Vir Amplissime, quem subire has vices meas & decere arbitrarer, atque adeò (ignosce fiduciâ) debere. Quis nescit te eximium ibi inter Belgas esse, & patriæ nostræ res publicâ auctoritate & missu curare? Atqui inter Belgas etiam ego sum, & corporis illius commissi tibi membrum. Suscipe me, aut potius hospitem meum librum, & ad illas
aras

aras ac sacraria te myſtagogo inducatur. Placere adſpectum ſtatim poſſe, non aſſero: fortasſe inſpectum. & certè inſunt, quæ in materie Principibus digniſſimâ, primi produxi- mus & miſimus in claram lucem. Cetera Prefatio mea dicet. Ego te rogo, per communis patriæ iura, vt huic Telemacho verecundanti quaſi Minerva eſſe velis, & apud magnum illum Neſtorem ſiſtas. Cuius iudicij libram ſi teſtimonij tui momento in fauoris partem inclinas: tibi ego, & mecum litteræ debebimus, quæ nimis diu eſt cum apud nos, per ciuica hæc bella, iacent & languent. Erige & attolle: ita Deus te hîc felicem ad illa alta & æterna. Vale regi & patriæ, Vir Ampliſſime. Louanij, Prid. Kal. Sextil. ∞. ID. XCV.

EPIST. XXXI.

INNOCENTIO MALVASIAE, *Nuncio Apoſtolico.*

HUMANITATEM tuam, quâ præſens in me uſus es, ſæpe ruminor, & dolorem aliquem in animo hoc reliquit. Quid velles cum tuis & deſiderares, vidi: & idem me velle, nec tamen poſſe, hoc doceo & in animo queror. Quid faciam? multa occurrunt & interueniunt, quæ non ſinunt nos eſſe arbitrij noſtri ac ſpontis. Sumus ſub imperio alieno, in eo nati & educati: addo vires & valetudinem non ad omnia aptam: addo vxorem & familiam, denique & patrimonium & amicos; quæ omnia in oculis habere debemus, cum de migratione, præſertim tam longinquâ, deliberamus. Et primum, quod ad imperium at- tinet; Regi meo ſubſum, potenti, magno, & in triplici iam orbis parte timendo aut verendo. Ille me retinet, imò liberalitate nouâ inuitat: quæ frons mea aut pudor ſit abnuentis, aut ſpernentis? Certè ante omnes illi me ratio, & mos etiam, obligat: nec ſolui- mus eiufmodi vincula, niſi neceſſitas aut ſumma ratio impellit. Quid patria? manus mihi iniicit, & iunctis ſuffragiis verat deſeri & abire. Alterum quod poſui, Valetudo eſt. Teſtor æternum, & quod omnia videt ac ſcit, numen, me ab vndecim iam annis in aduerſâ eâ fuiſſe, lento ac tabente morbo affectum; nec corpore ſolùm, ſed animo & his ingenij functionibus laboraſſe. Atqui ad eas exferendas à vobis vocor. Quid ſi breuis & paucorum men- ſium, an dierum, vita mea ſit? Non ludo, ſeriò ita ſentio, decurriſſe me pænè hunc curſum. Cur vobis ſumptum, mihi moleſtiam

D

addam;

addam; sine certiore aliquo fructu? Tertium, Vxor, res meæ, & amici. Obsecro te, patiaris & hæc me inspicere, etsi priuata, in publico negotio: sed ita priuata, vt sine iis, aut aduersantibus iis, haud commodè satis & tranquillè viuamus. Vxor igitur ætate iam decliui, & corpore parum valido; ipsa ignara sermonis illius & rituum, egrè transferri & inseri velit in nouitium illud solum. Addidi res meas, siue patrimonium & agellos, quæ à maioribus habeo: curam & inspectionem meam ista desiderant, præsertim afflicta per nimbium hunc ciuilis & intestini belli. Denique cognati & amici non queruntur sed increpant, & pænè impietatis me accusent si relinquam. Ista sunt, quæ quisque rerum humanarum & ciuiliū gnarus, per se consideret, & causæ meæ ac decreto suffragium fortassis nolens etiam addat. Sed mihi opponetur aut opponitur, Cur spem igitur fecisti? cur non abhorreere te à locis & conditione eâ ostendisti? Agam simpliciter & ingenuè, vt mos meus postulat: ideò spem aliquam feci, quia mihi ipsi spes aut votum erat; & quia nulla vocatio (plures habuimus) sic delapsa in animum hunc, non solum aures. Viri primores in eâ ciuitate, qui ad me scripserunt, valdè vel auctoritate vel affectu suo commouebant: & vno verbo, ipsa Bononia, vetus & fida studiorum mater & custos, incitabat. Non ego cogitarem locum amcenissimum pænè Italiæ, & vberimum (vidimus enim, & his oculis vsurpauimus:) tum etiam viros & antecessores, qui locum eum docendo scribendoque illustrarunt? Cogitauī, & velut faces subdi mihi & admoueri sensi ab hac memoriâ, & trahi, vt pedem ponerem in vestigiis clarissimorum & perennium ingeniorum. Itaque inclinaui, non nego, & nunc profiteor: sed in litteris tamen meis ac sermone (ad te Ill^me Domine appello) cauta omnia & adstricta fuerunt, & deuincta ad duplex caput, Regiæ voluntatis, & Valetudinis nostræ. Velle ostendimus, sed semper cum duplici hac exceptione, si aut ille vellet, aut hæc pateretur. Repugnant vtræque, vt dixi: atque ita veniam mihi tribui à vobis etiam puto, si voluntati & petitioni vestræ non do manum. Consigno hoc iam nunc & testor, Italiam à me amari, & in Italiâ Bononiam: sed incolæ à me & insideri, ob causas iam dictas, non posse. Quas vt Ill^me Domine bonas æquasque iudices, votum meum est: & per te inclytus ille Senatus, cui etiam absens cultum omnem

omnem defero & affectum. Vtraque hæc seorsim tibi, qui me priuatim humanitate tuâ & comitate deuinxisti. Louanij, Kal. Iuniis, ∞. IO. XCV.

EPIST. XXXII.

IOANNI IDIAQVEO, *ab interioribus consilijs*
Hispaniarum Regi.

IN aquis Spadanis cum essem, bonæ sorti refero acceptum, quod noticia mihi cum Gastone Spinulâ fuit, viro genere & prudentiâ illustri. Multus & cottidianus inter nos sermo: sæpe etiam de te (cur dissimulem?) ut est ille vir & cognitor virtutum tuarum, ideoque mirator & præco. Is me impulit ut ad te scriberem, & facilius persuasit, quia occasio etiam esset: quod nunc nuper libros DE MILITIA Principi nostro inscripsissem, & misissem. qui à se minus fortasse commendabiles, iuuari produci que possent gratiâ & auctoritate tuâ. Scimus enim quem locum apud magnum Regem nostrum meritissimò teneas: cui consilium & leuamen es, & Ioui illi, ut sic dicam, Pallas. Felicem regem talibus ministris! qui præter prudentiam & fidem, probitatem etiam adfertis & modestiam in sublimi illâ fortunâ. Quod Catoni suo poëta adscribit, tibi conuenit:

Iustitia cultor, rigidi seruator honesti,

In commune bonus.

Priuatim ut etiam in me bonus sis, & trepido aut hærenti libro nostro manum porrigas, te rogo. qui multos iam annos studia hæc honestissima colo & orno, nec magnâ, nisi à conscientia, mercede. Vale vir illustris, & virtuti tuæ addictum, beneficio etiam obstringe. Louanij, viii. Kal. Sextil. ∞. IO. XCV.

EPIST. XXXIII.

Bononiam.

PETRO PENDASIO S. D.

QUOD tu quoque me affaris, ô eximie, & non animum solum in me aperis, sed coniunctionem appetis, & corporibus quoque istis vis vnâ esse, id mihi verò gratum, vel potius volupe fuit, & intimos istos sensus diffundi sensi, ac gaudij quadam

vi tentari. Tūc ille, quem norunt & laudant, quicunque Virtutem & Sapientiam norunt? qui non solum es - * *πρωτομένης μὴδ' αἰδώς*, sed cum eodem poetā vt dicam, - * *παντοίης ἀρετῆς κακασμένος*. Debeo deinceps tibi priuato hoc nomine, mi Pendasī; & si factus aut iactantia me tangant, videar aliquis mihi esse, quia tibi sic placemus. Sed non hoc irrepāt. humanitatis tuæ sit, laudasse & æstimasse: mei iudicij, eadem tibi, sed ex vero, rependisse. Proh Deus & omnes superi, cur non videre mihi fas istas puriores animas? cur non amplecti, & ab amplexis non diuelli? Fata verant, & manere me volunt in hoc natali solo, nec aliā fortassis re (venia dicto sit) nunc laudando. Nosti illud vetus

* *Quam
nil suauius
est patriā!*

* *Ὡς ἐδ' ἐν γλῶσσῳ ἦς πατρίδος:*

& accedit auctoritas siue iussio magni Regis, qui cogit. Breuiter & verè tibi ista, vir amice (talem enim habeo, & habiturus sum:) ac precor, vt etiam si collegij vestri futurus non sim, sim tamen in amore consors & affectu. quem tibi fideliter offero & voueo, ita me ipsa Fides & Amor ille æternus ament. Louanij, xii. Kal. Iun. ∞. 10. xcv.

EPIST. XXXIIII. *Madritum.*

MARTINO IDIAQVEO, *Regi à Secretis.*

MIRABERIS cū hanc manum vides, nomen legis. Quid mihi tecum? inquires. Repono, Quid tibi cum optimis artibus? quarum, omnium elogio, cū & amans & intellegens sis: mirum tibi & insolens, si ego adeam earundem ambitor & cultor? Iungit nos hoc vinculum: nec vt in profano amore, dislociamur & amulamur, qui sumere gestimus ex vno riuo. Itaque ea causā fidenter me ad te misit: atque adeo cum munere, quod Principi inscriptum, id est Regis filio & futuro Regi, debetur in parte etiam Regis ministris. Accipe, inquā, nostra DE MILITIA: accipe me auctorem vnā, nouum clientem siue amicum dici voles. quem, si non aliud, amare vetera & honesta studia, eadem è tenebris & caligine educere, pro virili vides: atque igitur si illa amas, me ama. Ita te Deus & Rex, iste in ætatem, ille in æuum. Louanij, v. Kal. Sextil. ∞. 10. xcv.

EPIST.

EPIST. XXXV.

Bononiam.

FLAMINIO MORO S. D.

MEVUS es mi More, & semper eris. Posterior epistola tua amorem & benignitatem pariter adfert, priores spirabant & iram, sed illam quoque ab amore. Acquiescis in consilio meo: magis faceres, si scires quàm iustæ eius mihi causæ. Nihil in specie, aut pro tempore, dicimus: sed valetudo causæ, causæ illa fontica, utinam non sit qualem describo! Ecce ad Acidulas iui (audi tristem nostrum casum:) Nuncium illic Pontificium reperi, globus prædonum è Batauiâ inopinatò inuasit, & pænissimè omnes nos abduxit. Quàm illa excusatio legitima futura, sed non pro meo gustu! Deus solus fuit, qui eripuit, & vires atque alacritatem non ad cursum, sed ad saltum, addidit, ut Centauros illos euaderemus. Nam & equites erant, sed trans sepes aliquot ego cum comite vno salij, & contra quadrupedum impetum repagulo illo me muniui. Nuncius ipse in templo asylum habuit, non sanctimoniâ defensus, sed foribus & munitione obiectâ. Ecce fortunas. Cur ad nos non venis, inquires, vbi hæc non eueniunt? Vellem, sed causam nunc, & causas aliâs apud te dixi. nec suspicare aliud in hac re esse. Candor in me est, atque is pro æui huius moribus nimius: & priuatim sæpè læsit. Quod quæris de Libro quem iussi diuulgari, is est de *Militia Romana*, ad *Polybium*: opus minimè pro vulgari gustu. Totum in antiquitate est, & scis quàm omnia tot sæculis immutarint. Quæ tunc bella & valida, hodie ridicula aut imbecilla sunt: sed vsum habeat tamen, ut volui, in historiâ & scriptoribus illustrandis. Velim ad te mittere liceat, tanto intervallo: profectò hoc & alia à me haberes inter amicorum primos. Ceterum, apud alios illic, ut offers, me excusa, & fac ut me sentiant virum esse (de ceteris non laboro) probum. Omnia mihi detrahantur: Pietas & Virtus mancant, quæ mecum feram in sepulchrum. Eòdem & tui amorem, mi More. Louanij, post. Kal. Sext. ∞. 10. XCV.

D, EPIST.

EPIST. XXXVI.

Romam.

ANDREAE SCHOTTO è Soc. Iesu S. D.

ITALIAM & urbem dominam te retenturam, mi Schotte, non opinabar; & videbaris spem fecisse non litterarij huius colloquij, sed mutui adspectus. Sed ab alieno nimirum arbitrio cum pendes, res ista in tuâ manu non fuit: nec aut dissuadere aut tristari possum, te esse in luce illâ loci ac hominum, seiunctum à nobis veteribus quidem amicis tuis, sed & à turbis & ciuilibus dissidiis, quæ sine intermissione tot annos adfligunt nos & vexant. Quid quod ipsi homines per ea mutati sunt? non est prisca illa humanitas aut comitas Belgarum, non honos aut amor meliorum artium; ferocia est in plerisque, & contemptus, & barbari quidam ac Martiales ritus. Vtinam ille, qui exspectatur, ALBERTVS AVSTRIACVS, ut animum, sic vires habeat mendedi! nam de illo non dubito, & fuit egregiè etiam in ERNESTO defuncto: quo Principe nihil melius aut benignius Sol vidit: denique qui totus Pacis proles erat, eamque fortasse nobis reddidisset, nisi eum eripuisset.

* Parca
hæc, lanifica
que domi-
na ipsa coli
est.

* Μοῖρα λιωνιδέου στρατοῦς ἡγεμῶντος,
Pantinum nostrum cum Heroë illo venire, id mihi volupe; & solatium vel auxilium erit. Quod ego etiam tibi esse velim mi Schotte, in istis ad Senecam: quæ vidi nondum, nec temerè per viam iusserim ad me deferri, & ipse Antuerpiam censeo me iturum. Ego verò cum videro, quid censeam, perscribam; & quidquid opis meæ erit, fiet, *Vt non dispereant tui labores.* Sed Faber multa egregia notauit, & nos tamen quædam habemus: sed ita nunctoti in MACHINIS tum & POLITICIS sumus (nam & hæc cum Notis reciduntur) ut alij nulli curæ vacemus, imò vix has sustineamus. Sed ut dixi, videbimus, & omnia pro amico & publico (id quoque agitur) faciemus. Vale R^{de} in Christo Pater & amice. Louanij, xi. Kal. Nouemb. ∞. 10. xcv.

EPIST. XXXVII.

Bruxellam.

OCTAVIO Episcopo Tricaricensi, Nuncio Apostolico.

IAM DIV in tuo ære me esse fateor, & inter eos quos iudicatos habes & nexos. An non sic obstrinxerit me eximia benignitas, quâ

quâ Colonia in nouum tibi, nec nisi nomine notum, es vsus? Vsurpasti eam iterum Leodici; nuper Bruxellæ: & quid ad conciliandum ego attuli? præter cultum, & egregiam de virtute & prudentiâ tuâ opinionem, nihil: quæ imputare non possum, passim & ab omnibus delata, quibus gustus aliquis & notitia est tui. Itaque in ære isto manere, fortasse & immori, debere me sentio: tamen, vt boni animi ac sanguinis debitores, confessionem, cum nō solutionem, offero, & debere me ac debiturum hac velut syngraphâ configno. Cui & libellum iunxi, DE CRUCE, nuper à me editum: non ita vt dem munus, sed vt accipiam, si benignâ fronte admittis, & in vacatione aliquâ à curis legis. Sponder tua ingenta benignitas, atque eadem constantiam in me tui affectus. Da ô Deus, & idem tibi, Ill^{me} & Reu^{me} Domine, ea quæ merita tua, & vota nostra poscunt. Louanij, x. Kal. Ianuar. ∞. 15. xcv.

EPIST. XXXVIII.

Bononiam.

IOH. COSTAEO S. D.

O TE virum probum! desiderasti me, inuitasti calidè, si quis vnquam: excusationem tamen accipis, & amici rationem habes, non solum affectus tui. Exosculor te absentem, sed animo, qui solidè se copulat tibi & iungit. Per fidem te rogo, ama in Lipsio, quod vbique, quod semper est: & corpus, non nisi ob illud. Isto quoque iungi volebam, & nunc vellem: sed quæ prætendi, res fuerunt, non fucus aut color. Valetudo & vires exiguæ, & in diutino languore ipse animus, lingua, stilus (quid diffitear?) non qui solent. Tuis hæc, non tibi solum imprime, & vnâ cum Moro meo ito me excusatum aut defensum. Ego mi Costæ, vir Illustris, animo perseuero tuus esse, & æthereâ istâ parte in æthere spero iungi. Louanij, post. Kal. Sept. ∞. 15. xcv.

EPIST. XXXIX.

Romam.

FRANCISCO ORANO, XII. viro litibus
iudicandis in sacro Tribunali.

ANTE biduum litteras tuas accepi, quibus gratum tibi votuumque esse ostendis, Franciscum tuum apud me agere,
litteris.

litteris, moribus, & omni bonâ disciplinâ imbuendum. Quem suscepisse me haud promptè initio, fateor, & scit eius parens: non quin vestrâ causâ omnia vellem: sed quia verus meum decretum & mos erant, mihi viuere, nec solitudinem, & ex eâ quietem, confortio adolescentium interpellare. Quos bonos modestosque casus dare potest: sed idem alios. & præsertim in nostrâ hac Belgicâ, in quâ, per hæc bella, mores à priscis illis valdè demutarunt, & proteruia, vanitas, ferocia sæpe habent iuuentutem. Hac causâ, vt dixi, abstinui & renui. sed perucit denique tuus, & pænè dicam meus, frater (talis & tam arctus inter nos amor est:) tum & tui aspectus, quem valdè hoc velle, idem mihi ingerebat. Feci, nec pænitet. apud me est, ex meo vestroque voto, adolescens tranquillus moribus, studiis industrius: nec quod desiderem reliquit, nisi vt perseueret. Quidni faciat, & naturæ bonitate, & à tuo illustri exemplo? quem ille & cogitat adfiduè, & sæpe loquitur: meritò, familiæ vniuersæ decus, & propriè ipsius spè & præsidium: quem ego (vide quò eam) commendatum mihi à te, vltro commendo, & vt in gratiâ tuâ firmiter ponas, rogo. Meretur, magisque cum annis merebitur: atque vtinam diem videam, quâ te educente & attollente, ad fastigia honoris veniat, quò destinastis. Deum precor, vt rata hæc vota sint: te autem, Vir Amplissime, vt me tuum atque Oranorum censeas in omne æuum. Louanij, prid. Kal. Nou. ∞. 10. XCV.

EPIST. XL.

Romam.

ASCANIO COLUMNAE, Cardinali.

TETIGIT meum pectus tua scriptio, & effodit intimos istos sensus. Tene illo genere, illâ dignitate & famâ, sic benignè, sic vltro, ad me scribere? beniuolentiam tuam testari, & offerre? hæc omnia honestissimis iudiciis cumulare? Verè dixi, commouisti totum Lipsium, qui non nescit & maiorum tuorum, & tuas dotes. At enim argumentum etiam totum sumis, & amoris & honoris in me plenum. Hortaris vt veniam in Italiam, propior vobis sim, & spem atque occasionem dem mutui etiam affatus. Quæ vna res, vt fatear, obnubilat serenum illud tuæ scriptiois, & triste aliquid adspersit latitiæ iam conceptæ. Examino
& libro

& libro omnia, sedeo iterum ad consilij, vt sic dicam, calculos: sed cum dispuſxi & subduxi, negans illa pars potior esse videtur. Quæso te, Illustrissime Domine, mecum paullisper considera (si à feriis magis vacas:) & te iudicem in causâ hac ipsâ sumo. Ætas iam mea inclinat & deurgit in senium, ac proximo Octobri ingrediar cum bono Deo annum quadragesimum nonum. Mutare aërem, sedes, mores, difficile est; & sæpe, in huiusmodi ætate, infustum. Pono hoc, & vicerit, age, meus affectus: sed valetudo subsequitur & excipit, quæ negat quassari & commoueri. Nec recens ea, aut subito tristior nobis est, sed ab annis vndecim assiduo languore, aut tabe, afficit nos & premit. Quæ spes hîc vincendi, aut emendandi? ipsi medici vestri dicent, commorientes quosdam esse lentos istos internosque morbos. At demus etiam venire me, morbum spernere: quid, cum venero, fiet? umbram mei ad vos adferam, & hominem, vt ille ait, *monogrammm*? quî parero susceptæ functioni? conceptæ opinioni? atque ea res, non nego, animum istum mordet. Aiunt ab Alexandro Magno inuitatum quempiam, in magnâ famâ peritè sagittandi, vt specimen coram se ederet: atque illum recusasse. motum autem obstinatione Alexandrum, iussisse duci hominem, vt sui contemptorem. Illum in viâ dixisse, non pertinaciâ, sed ingenuâ verecundiâ deterritum, ne fortè in senio manus aut ars aberraret, & coram tanto Rege dedecoraret veterem famam. Idem si ego dicam & prætendam, an peccem? Scio alacritate quadam & vigore opus ad docendum dicendumque, scio memoriâ & eloquio: nec nego fuisse in me aliquas istas partes: at quin morbus etiam eas libauerit, non ausim sperare aut profiteri. Totum me reuelo & retego apud tam fauentem arbitrum: & addo minora iam alia, quæ extra me, sed me circumstant. Ecce vxor mihi, annis me maior, quæ pedem patriâ suâ nunquam extulit: quâ suadâ effecero, vt audiat me & sequatur, in terram cælo, moribus, linguâ diuersam? Deferere autem hanc comparem, non diuina, non humana lex dabit. Quid amicos & cognatos dicam, quibus solatij aliquid in me, aut consilij? quid res & patrimonium meum? perdo hæc omnia, si deferro: & vincula hæc etiam sunt in animo purgato, & sapiente. Denique Rex & patria etiam retinent, imò recenti liberalitate ligant. Quæ frons mea erit abeuntis, & externos velut in ignominiam

E

vtro-

utrorumque præponentis? Enimuerò extra honesti fines, imò & æqui, abire me censeam, si in causâ pari & commodo, istos non antepo-
nam. Hæc in meâ parte sunt præcipua: in aliâ, ea quæ tu, Illustrissime, disertè ponis. Italia, quæ vocat; frequentia & splendor auditorum; res pacatæ; & quod super omnia mihi est, Pontificis summi ditio & tutela, ad quam vocor. Ex animo fateor, duo hæc magna apud me esse, Pontificem & Italiam: & ut semel decidam, rumpam alia omnia, si valetudo sola com meatum det & permittat. Quid deniq. tua auctoritas? suades enim, & penè rogas. Suffundor rubore in hac parte, & iam scutum illud valetudinis penè abiicio, quod sumpsi. Sed enim te rogo, cuius non benignitas minor est quàm auctoritas & virtus, ne eò me compellas, quò non dicam commodè, sed honestè vix eam. Vires enim identidem examino, quas dare aut reddere solus ille Deus potest: etsi animum erigere & excitare auctoritas tua. Non mentiar, plus me mouerunt binæ litteræ tuæ, & collegæ Illustrissimi Palæoti, quàm omnis vocatio, scriptio, machinæ, quas priuatim aut publicè adhibuerunt. Sum enim is qui procures reuear; & præsertim Ecclesie; & præsertim istos, qui in eâ eminent virtute, prudentiâ, eruditione. Talem te esse, Illustrissime & Amplissime Cardinalis, & me hoc nomine cultorem tuum ac clientem, coram supremo illo numine testor. quod ipsum rogo & veneror, te talem sibi, Ecclesiæ, Italiæ diu seruet. Louanij, v. Idus Sextil. ∞. 10. xcv.

EPIST. XLII.

PETRO ENRIQUEZ COMITI FONTANO,
GVBERNATORI BELGICAE.

ETSI coram me breui sistere, & sermone gratias agere tibi constitui, tamen profectò animus me adegit, stilo & scriptione quoque id facere, & testari deuinctionem quam in magnitudine noui huius beneficij haberem. Quid enim honestius aut aptius, dari mihi potuit? atque ego fateor, etsi nunquam id egi aut ambiui, tamen in animo & voto habuisse semper id munus: cuius nunc compotem benignitate tuâ video & gaudeo me factum. Quòd studia mea deinceps quieta & libera à curis erunt; quòd res gestas tradere & scribere potero in vsum poste-

posteritatis; id totum tibi ego acceptum refero, fortasse & illa ipsa posteritas, si Deus vitam & famam meis scriptis dabit. A magno isto F O N T E ingenij mei riuulus manabit, & fructus quos assidua hæc irrigatio gignet, iure merito sibi vindicabit Regis liberalitas & tua. Id testari breuiter nunc (ita mos meus est) sed fideliter volui, EXCELL^M ET ILL^M PRINCEPS, quem Deus seruet & dirigat in suam Regisq̃ue gloriam, & in publicum bonum. Louanij, XI. Kal. Febr. ∞. IO. XCVI.

EPIST. XLII.

Pisas.

I. LIPSIUS HIER. MERCVRIALI S. D.

NON fefellit te noster Monelia, qui de affectu meo in te & honestis vbique sermonibus est testatus. Nihil nimium potuit dicere, siue ad amorem, siue ad iudicium: & in vtroque sumus inter primos, qui te vel diligunt, vel colunt. Tu verò Mercurialis, ille es qui Romæ mihi in adolescentiâ primâ innotuisti, paullo me maior, sed virtus tua & doctrina etiam disparem me cepit, & arcano lentoq̃ue vinculo tibi iunxit. Variè postea peregrinatus sum, variè etiam in his patriæ meæ turbis iactatus: sed vetus ille amor firmiter hæsit, nec Mercurialem meum vlla tempestas mihi excussit. Ego verò iam ante menses aliquot in eo eram, vt Italiam vestram, & te viderem; reperiendum mihi & completendum, vbicumque in eâ fuisses. Nec enim tu lates, illustre in eâ sidus, & exteris quoque cura & notitia est tui. Sed id consilium cum valetudo remorata est, tum Rex meus abruptit, qui hîc esse voluit, & vt honestissimè possem effecit. Præter enim munus lectionis publicæ, Historiographi me sui titulo donauit, addito in hanc rem salario annuo, in quo vel cupidior aliquis acquiescat: quid nos modestiæ & continentię amantes? Enimuerò res laxas aut splendas numquam appetij, nec id vilitate aut abiectione animi, sed iudicio & decreto, quod sapientia mihi dictauit. Quid ista externa omnia, nisi in vsum meum habeam? & scio virtutis & bonæ mentis sæpe naufragium factum, cum superfluunt & redundant. Adduco vela, nec rotis sinibus ea pando, aut fortunæ adspiranti permitto. Delectatio autem nobis, sed & occupatio, quæ solet, in honestissimis studiis: quæ & tu quàm ames, etiam

E 2

inter

inter tua seria, non dissimulas, cum de locis quibusdam consulis me, & quæris. de quibus seorsim, quid sentiam, hîc habes. Ut me quoque porrò ames, inter fastigia est votorum meorum. Louanij, XII. Kal. Mart. ∞. 10. XCVI.

EPIST. XLIII.

IOANNI VERASTEGVI, *Præsidi Censorij Tribunalis.*

LAETVM simul & triste mihi fuit, audire de munere, quod magnus Rex noster benignè tibi donauit. Latum sanè tuâ causâ, quia dignitate augeri te videbam; tristem meâ, quia diuelli à nobis, & ad loca ire quò non nisi litteræ nostræ peruenirent. Sed in pugnâ tamen istâ affectuum, prior longè vicit: quia verâ amicitia inducor, tuum commodum supra meum habere: tum etiam, quia ad honestissimum locum & functionem vocaris, quò & ego nuper & nunc iterû liberalissimè inuitor. Est enim ibi Cardinalis Borromeus, decus ordinis sui, qui in cohortem familiamque suam adscriptum me cupiat, largo & insolito sanè honorario: sed addictum iam & alligatum Regi, quod te non fugit. Sed & alios insignes viros vrbs ea & Senatus habent: gratulor igitur, gratulor quòd è nostris turbis, ad quietem & lucem illam ibis. Quod autem petis à me de Oratiunculâ, libens fecero, si capita breuiter ad me miseris dicendorum. Nam in talibus parum vsu doctum esse me, non nego. Qui has tradet cognatus meus est, cui aliquid negotij apud Comitem Fontanum: si id tale est, ut à te decorè possit iuuari, aut saltem admissionem impetrare, rogo facias: si aliter est, non rogo. Deum autem, ut felix & tutum iter tibi tribuat, & in optatâ illâ metâ sistat. Ego memoriam absentis seruabo, & per litteras etiam renouabo: meritò, hominis tam candidè mihi amici. Louanij, VII. Idus Mart. ∞. 10. XCVI.

EPIST. XLIV.

Romani.

GABRIELI PALAEOTO, *Cardinali.*

LITTERAS tuas & vnâ librum, scripta aut missa ad me Decembri superiore mense, nunc denique hoc Iulio accepi: quod non quia mirer scripsi, (grande locorum interuallum est) sed

vt

ut excuser, si cogitatio fortè incidisset silentij mei, aut tarditatis. Ego verò, Ill^{me} ad tales epistolas, ad talia munera, non fileo: quæ & honorem, & gaudium, mihi adferunt. certè tuus liber, quem in serio illo & graui argumento, non libenter solùm, sed auidè equidem legi. Eò sanè iam veni, & Deus, ætas, iudicium hoc mihi dederunt, ut vana aut curiosa multa studiorum incipiam spernere, & animum oblectare maximè aut pascere iis, quæ propria animi sunt: id est, quæ Virtutem, Sapientiam, & ipsam immortalitatem spectant. ad quam occulto nisu, etiam in vanis istis, adspirat. Omnis gloria, quæ scribendo quæritur, quid nisi posteros etiam cogitat, & monumentum sui? Atqui abeunt, ne diuturna quidem sunt, non dicam æterna: sola illa nobiscum perennant, quæ animus sibi è tribus illis induit, & fideliter adsciuit. Ergo, vel hoc nomine, gratus iucundusque mihi tuus liber: sed etiam argumento, etiam tractatione: quorum illud in me quoque conuenit, si non annis, valetudine senem; ista, proba & composita est, bono ordine, bonis verbis. Nam & hæc bona appello, non quæ fucum aut quæ sita scitamenta habent, sed quæ rebus apta, graui, significantia: cuiusmodi attulisti. Didici non ex libro solùm, sed ex ipsâ ratione tuâ scribendi, falsum illud Lucretij de senibus:

Claudicat ingenium, delirat linguaque, mensque.

Imò contrà verissimum illud alterum, boni poëtæ veteris,

Quod periti sumus in vitâ, atque usu callemus magis.

Ita sanè est in senectute, quam iuuentus non debilitauit, nec vitiis suis effatum corpus illi tradidit. Ego me tibi Ill^{me} & Reu^{me}. Domine trado, deuinctum reliquæ virtutis tuæ causâ, tum hoc dono: & habe me inter fidos tuos clientes. Louanij, XII. Kal. Sextil. ∞. ID. XCVI.

EPIST. XLV.

Bruxellam.

GASTONI SPINVLAE, Gubernatori Limburgensi.

GAVISVS sum in conspectu tuarum litterarum: dolui in primâ statim lectione, vbi conquereris memoriam me tui deposuisse, & argumentum capis à silentio meo ad iteratam tuam scriptionem. Primùm hoc testor, nec si fileam quidem,

E 3

amorem

amorem aut cultum tui à pectore hoc migraturum, in quo radices satis altè iam egit: deinde nec siluisse me, & nullas omninò tuas, nullas inquam (verè hoc repeto) sine responso omisissè. An ego quid te, quid me deceat ignorem? & si tu non graueris appellare me, in illo gradu positus, ego respondere parcus aut tardus sim, qui vltro omne officium tibi debeam? Ne cense; sed hoc potius, malè traditas litteras per incuriam aut fraudem (nam nec ea his temporibus rara) periissè. At illud deinde in epistolâ tuâ gratum, valere te, tuam, & tuos: atque etiam auctam familiam esse accessione filiolarum, quam vxor tibi peperit, Deus dedit. Ille idem seruet, & inter publicas curas & sæpè mæsticias, domestica hæc gaudia firma tibi esse velit. Equidem in rebus non Belgicæ solùm, sed Europæ nostræ sollicitor interdum, & mecum disputo: Quis exitus erit? quò fœdera hæc erumpent palàm aut occultè (scis quid velim) in nos inita? Sed & auxilia, siue militaria siue pecuniaria, tarda sunt, & sæpè post occasiones. Audimus sanè Regem classem magnam instruere, vnicum finem belli, si portum & successum deinde habeat: sed quando id quoque erit? Apparatus adhuc sunt, nec vltà: nisi quia retardant fortè, quæ scire nos nihil opus est, & quædam inter Reges occulta. Licet hæc in melius interpretari: & de N. nescio quid non solùm fama, sed litteræ ex Italiâ palàm iam scribunt, à partibus nostris eum stare. O rem optandam, si ita sit! ô velis remisque in auxilium eius properandum! Nam si deseritur aut differtur, metus est ne à vicinis & suis etiam opprimatur. Nam partes, vt scis, in eâ gente, & à religione factiones: quam nouam qui fouent, in nos vtique non propendent. Sanè, nisi tale aliquid ex inopinato interuenit, confilia inquam, & auxilia occulta: res regis nostri in arctum eunt, stipatæ à tot hostibus, sed tamen vi Fati & numinis (ita semper mea spes & opinio fuit) explicandæ. Speremus in fauore cælesti erga Austriacam domum, tam claro, tam recenti: speremus eo magis, quòd causæ bonitas & iustitia sustentat. In Hungariâ tamen vulnus accepimus, & satis grande: sed benè quòd hieme, alioqui metus à progressu maiore erat. Etsi in Agriâ amissâ damni satis est, & maioris ferè quàm in ipso exercitu. quia hic reparari, illa recuperari haud facillè potest. Et est sanè limen atque aditus in Poloniam, Morauiam, Silesiam & vicina. An non ea res Polonos

lonos excitabit, vt in tempore se iungant? Sed nec Itali, spero, cessabunt: quorum rem in Hungariâ & Austriâ agi, satis scimus, atque etiam Venetorum. Illum ignem vicinum habere qui vult aut patitur, quid nisi comprehendi & comburi ab eò vult? Nam hæc natura magnorum semper imperiorum, proxima amplecti. Sed, vt rem tibi dicam, ego nec Turcam & Asiam totam metuo, si res modò Regi nostro pacatiores aut firmiores sint: si & militia instaretur, à quâ sic dissolutâ & turbidâ vix magni aliquid contra magnum hostem speres. Germania re ipsâ discit, & in assiduis exemplis, nihil collectitium & subitum hunc militem esse, malè ducibus & inter se notum: nihil, nisi eadem hostilem aut prædam. Sed satis de publicis, in scriptione quidem: plura & liberiora in sermone vellem. De priuatis meis, quod ais te ex Hispaniâ nil audisse: nec ego quidem, nisi quòd litteras commendaticias ad Cardinalem accepi, sed sine alio effectu. Res magnæ & arduæ facilè excusant Principes & qui iis adsunt, si ad hæc minuta nunc non attendunt. Litteris & doctrinæ laus & fama sit, præmia rara, & vt verum fatear, nec nobis sperata. In tranquillitate animi si exigere vitæ hoc spatium licet, cælestia meditari, humana intelligere & spernere; beatus sum, nec Regibus inuideo, aut omnibus purpuratis. Hic meus sensus, sed priuati hominis: vobis alius & altior esse debet, quos ad alia & altiora Deus vocauit. Ill^{me} Domine valere te & familiam opto, atque hanc à me saluere. Louanij, vi. Kal. Febr. ∞. IO. XCVII.

EPIST. XLVI.

Madritum.

IOANNI IDIAQVEO, à Consiliis magno Regi.

ETSI scio rarò, & nisi in magnâ causâ, vos tales adeundos; tamen beneficium à Rege nuper acceptum, qui mille aureorum congiario me donauit, impulit vt scriberem: & per te gratias maximo Regi agerem, quem humilior nostra conditio decorè non compellat. Per te? imò & tibi gratias agerem: quia neque hoc nescio, tuam auctoritatem, & in me benignitatem, hoc totum vel promouisse vel confecisse. Quo autem meo merito? priuatim nullo: quo magis obligor, & animus seriò auct aliquo gratitudinis signo id testari. Sed viam vitæ quam ingressi sumus, vides: re-
motam

motam à rebus, actione otiosam, nec nisi in lectione aut stilo occupatam. Neque pœnitere potest, cùm pretium aliquod iis apud Principes meos quoque esse videam. Nam de te vir Ill^{me} quî possum dubitare, qui & ipse largiter gustasti, aut potius imbibisti, optimas artes: & hunc quoque gradum ad culmen illud prudentiæ tibi struxisti? Vetus autem est, *Qui non intelligunt artes, non amare artifices*: & contrà. quod in te equidem expertum me, fateri debeo: atque vtinam tibi & bonis studia mea approbem: quæ dirigere deinceps in honorem Principum meorum, & bonum iuventutis ac publicum, voluntas largiter mihi est, faxit Deus vt & facultas. Exemplar vnum MILITIAE ROMANAE, correctæ nouiter & auctæ, ad te misimus: spero perueniet: missuri breui, ADMIRANDA, siue de MAGNITVDINE ROMANA. Deum precor, vt te Ill^{me} Domine Regi, Reip. & nobis seruet. Louanij, IX. Kal. Maias. ∞. IO. XCVII.

EPIST. XLVII.

Romam.

FVLVIO VRSINO.

LAETVM mihi fuit à te, Fului, amico perueteri, nouum beniuolentiæ testimonium adipisci. Quid magis optem, quàm à magnis viris amari, & in loco aliquo haberi? Quod mihi contingere, etiam supra merita, in animo isto fateri debeo, & capio assidue exempla. Vel nunc, cùm de beniuolentiâ Ill^{mi} Sfortiæ Cardinalis ita seriò significas, & veterem etiam tuam addis & renouas: in vtraque exsultare me fateor. illâ, ob magnitudinem & splendorem viri: tuâ, ob eruditionem & virtutem, quæ vt fax vnica in Italiâ nunc lucet. Vnica, inquam. nam vbi alij illi nostri Musarum antistites nunc sunt? abierunt, & paucos superesse credo, quos ego aut fama nouit. Etsi quosdam tamen esse, qui has cum grauioribus artibus misceant vtiliter ac temperent, non nescio: sed omnium scilicet rerum suus quidam orbis, & vt sic dicam, transitus est: etiam studiorum, ingeniorum, quæ aliâs alibi florent, aut viuunt. Sed de Ill^{mo} illo viro, equidem iam nunc destinabam ad eum scribere, & huic beneficio (sic interpretor iudicia hæc & testimonia) non gratiam, sed confessionem ponere: nisi reuocasset me, quod melius visum cum munere adire, id quod breui

breui MILITIA mea recusa dabit. Hanc mittam, & simul deuincti animi mei testes litteras; quarum loco vocem tuam nunc assumo, & rogo vt velut legatiunculâ istâ apud eum fungare: Clientem eius esse ac cultorem, ac fore in reliquam istam vitam. Tibi quoque, Fului, de fide & amore meo recipio, quæ cœpta ante triginta annos, non nisi mecum desinent & morientur. Vale vir Cl^{me}. Louanij, XVI. Kal. Iunias ∞. IO. XCVII.

EPIST. XLVIII.

Mediolanum.

IOHANNI FERDINANDO VELASCIO, *Comessabili Castellæ, Gubernatori Mediolanensi, Præfecto supremo militiæ Regiæ per Italiam.*

ILL^{ms} & EXCELL^{ms} PRINCEPS,

ME verò non gaudio solùm, sed admiratione adficit hæc tua tam ingens in me (ita loqui debeo) beniuolentia: quam non scriptis solùm, sed rebus ostendis. atque id in immerentem, certè inopinantem. Non delector ambitione aut splendore isto externo, quod sciunt qui interiùs me norunt: delector tamen, fateor, & in animo isto pascor, tuâ istâ benignitate, & propensione. quid ita? quia solida & vera in te bona miramur, & ipsum te, non solùm ea, quæ circum te splendent. Rarum in hac potentia & altitudine; sed eò pulchrius, & maiori à sapientibus laude ferendum, cùm tot externa adsint, ad interna te conuerti, & censeri velle à virtute, sapientiâ, doctrinâ. Nihil tibi è coniecturâ damus, sunt in hac ipsâ Vrbe oculati olim arbitri & testes, qui te: sed hæc apud te omitto. Ad epistolam autem tuam sic benignè scriptam, & ad munus illud adiunctum è bibliothecâ Ducis Allobrogum depromptum, quid dicam, nisi quod res est, gratias & agere me, & cùm egero, debere? Certè publicè etiam proderit tua cura ista & liberalitas, cùm POLIORCETICA nostra hoc additamento ibimus ornatum: quod breui fiet, opinor, & MILITIA nostrâ (quæ iterum cuditur) absolutâ. Habemus & alia quædam noua in manibus; sed quod verè apud te depono, valetudo nimis sæpe interpellat & sistit: tum & cottidianæ occupationiunculæ, quas in lectionibus publicis, aut priuatis scriptionibus, cogimur collocare. Mihi verò vtinam vita suppeditet, donec testimonium

F.

stimonium

stimonium aliquod dare mihi fas tuæ virtuti, non aliâ quàm
 aui & exempli causâ. Nam velle & debere me scio, & adaman-
 tino, vt sic dicam, vinculo obstrictû manere tibi, Ill^{me} & Excell^{me}
 Princeps. Louanij, III. Non. Iun. 8. 15. xcvii.

EPIST. XLIX. Mediolanum.

IOH. BAPTISTAE SACCO.

EN, quàm verus auctor tibi de valetudine meâ confirmatâ
 Puteanus ! ego iam diès sedecim in morbo fui (omitto vete-
 rem meum languorem) & à quo periculum tabis non abesse me-
 dici mussant. Homo sum mi Sacce, & ex quo natus sum huc
 ibam. Quamdiu etiam hæsi in viâ ? sanè præter meam & alio-
 rum opinionem, quibus semper, in tenui corpusculo & viribus,
 * *brevis*
 * *an.* *in* *oportuit* visus sum esse. Sed adhuc tamen sustinui, & nunc
 quoque omnia potius, quàm animus relinquet : qui securus vitæ
 aut fati, Deo se permittit. Habes hîc libros de M A G N I T U-
 D I N E R O M A N A, lege & cense, si me amas. Certè argumen-
 tum pro vestrâ gente esse debet, quàm laudatum iuimus & cælo
 panè infertum. Sed heus, noster Puteanus quid, aut vbi agit?
 post vnas litteras nihil de eo auditum est. Probus iuuenis est, lit-
 terarum amans, & sciens quoque pro ætate : sed nondum * *memor*
 * *guarus.* *te* *g*, & multa ei in communi vitâ & moribus discenda. Vale
 mi Sacce, & valetudini breuiorem scriptionem fer acceptam. Ad
 heroem vestrum librum misi, itemque epistolam, Principem
 semper mihi suspiciendum. Louanij, XI. Kal. Maij, 8. 15. xcviii.

EPIST. L. Antuerpiam.

LVDOVICO PEREZIO.

AH telum, quod quasi catapultâ missum in me venit, de
 morte optimi Ariæ, communis illius nostri. In quod etsi
 priores partes iure tibi tribuo amicitia (diutius enim, & arctius
 iuncti estis) tamen vix amoris, si meum hunc animum consulo,
 mirificè in virum illum affectum. Meruerat ita ipse amore, etiam
 beneficiis : quæ, etsi illo mortuo, æternum apud me viuunt. At
 tu solatium à me expectas. ignosce, non possum : mens, cogitatio,
 voluntas,

voluntas etiam, excussa aut certè concussa mihi sunt. & quanquam recepi & collegi me nonnihil à primo illo nuncio : tamen vt in mari post vehementiorem ventum, commotio & , vt sic dicam, crispatio adhuc manet. Quid tamen solatio opus est ? de quo, & apud quem ? Ariam nostrum libenter, & penè dicam auidè, ab his terris turbisque abisse ausim dicere : & dissensum hunc vestrum, fortasse primum, voluntatum fore, si reuocas aut retentas. Diu ille vixit, & ad vltima humanæ ætatis venit : vixit in bonis, in asperis rebus : & gustauit abundè è duplici dolio, quod ille supremus Symposiarcha nobis miscet. Quid illum in rebus humanis delectauerit, sic gnarum earum & peritum ? ventum, fumum, nugas esse sciebat : atque vtinam non verè addam, fraudem, fucum, scelus. Inter hæc haberi eum placet, iactari inter dissimiles : & re si non pollui, tamen aspectu vel contactu ? Abeat, cum bono Deo se subducatur, ab isto carcere in liberum illum & lætificantem locum. Quem nunc insidere eum, beatum inter beatos, vitæ integritas & candor ille spondent. At apud nos bonam famam, & in templo Memoriae scriptis suis consecratam reliquit : alteram scilicet & diuturniorem vitam. Hoc de ipso cogites : de te, quid ? virum esse, cui cum omnibus concordia, cum Fortunâ semper contentio fuit, ne vi deiiceret, ne fraude supplantaret. En, magnus & celebris hîc agôn. composuit es cum ingenti luctu, qui inuadit & stringit : eripe & eluctare, & Rationis auxilio nexos illos nodosque solue. Hanc nisi aduocas, & totum affectui te permittis : quis Deus adiuuerit ? Imò vt in tenebris ambulare & currere qui amat, impingit & ruit : sic in te, nisi præfers & præpandis lumen hoc mentis. Ea te docebit, vt folia rosas, sic vigorem & vitam nos relinquere : atque adeo non hominem, sed nec elementa & mundum esse æterna. Cogitemus, & ipsi paremur, quando cumque Deo visum, ad casum similem : quis scit quando subeundum ? Non anni, mensis, dies, hora excepta sunt : non hæc ipsa, quâ scribo,

Et certam præsens non habet hora fidem.

Tu vale vir Nobilis & Cl^{me}, & animo, vt soles, consta. Louanij, xi. Kal. Iul. ∞. 15. XCVII.

EPIST. LI.

MATTHIAE OVANDO, *Doctori Theologo,
Principi à concionibus.*

EPISTOLAM tuam quidni libens viderim, à tali viro testem
rari in me adfectus? In gratiâ & famâ esse velle hominum,
homini est insitum: sed magis apud illustres, & eos qui vtram-
que suo merito habent. Tu is es eximie Ouande, quem virtus,
cruditio, addo & eloquentia commendant, & in gratiâ apud
Principes, in famâ apud omnes ponunt. Itaque oblationem ami-
citiae tuae sic amplector, ut Amicitiam ipsam vellem, si conspi-
ciendam se mortalibus oculis daret: sed tu habitaculum & sedes
eius esto, & in te venerer hanc & colam. Vis dextram fidei meae
testem? habes hâc impressam: etsi coram ipsam etiam dare &
iungere mihi spes est, cum Aulam vestram videbo. Interea libro-
rum meorum Indicem (ita petis) mitto: quos ab Hispaniâ tuâ
aestimari & appeti quod ais, gratum est: cur abnuam? imò hoc
sine scribimus, ut appetantur. Sicut gloriam mercedem boni o-
peris habere boni non debent: ita possunt comitem, & hâc in ter-
ris eo velut melle temperare quod in virtute est amarum. Dico
gloriam, id est testimonium bonorum. nam vulgi famam & au-
ram tantum, quis sapiens captat? Sed ista praeter rem omitto, te
in animo teneo, & tuo teneri voueo ac rogo. Louanij, III. Non.
Iul. ∞. 15. XCVII.

EPIST. LII.

Romam.

FRANCISCO SFORTIAE S. R. E. Cardinali.

BENIVOLENTIA & inclinatio tua in me, quam è Ful-
buij Vrsini & aliorum litteris certò cognoui, duplicem affe-
ctum in animo isto genuit, & gaudiū simul, & tui cultum. Nam
quomodo non gauderem in iudicio & affectu talis viri, quem &
dignitate, & stirpe, & animi ingenijque dotibus, inter primos au-
gusti illius Senatus esse scirem? Ego verò gauisus sum, & velut
stimulo incitari me sensi ad porro colendas eas artes, quae com-
mendabilem me vobis reddunt. Iam de cultu etiam & veneratio-
ne tui, verè dixi, quem iamantè fama melior, imò & adspectus,
notum

notum in nostro quoque orbe fecerant : vbi & nomen & gloria tua viuunt : & nunc benignitate tuâ allicior, vt propius inspiciam, noscam, colam. Hoc enim virtutem & prudentiam sequitur, & rapimur ad eas suspiciendas, eosque qui habent. Quod iamantè indicare & scripto profiteri, in votis mihi erat : sed repressi & sustinui, donec possem cum munusculo. quod nunc mitto, & spero ab argumento non ingratum Italici sanguinis atque animi Principi fore. Certè affectum meum in Roman & Romanos abundè testatus sum : & siquid omisi aut minus feci, non illius, sed ingenij deliquium sit & culpa. Ill^{me} & Reu^{me} Domine, vt me deuotione tuum censeas, rogo, & locum aliquem vel inter infimæ classis clientes tuos adsignes. Louanij, x. Kal. Maij, ∞. ID. XCVIII.

De Magnit. Rom.

EPIST. LIIII.

IOANNI RAMIREZIO AB ARELLANO IC^{no}.

SVAVE mihi fuit, non mentior, & ipsum te nuper videre, & nunc à litteris tuis adiri, quæ id ipsum quod sermo, id est affectum in me, cum niueo quodam candore, præferunt & ostendunt. In me tantum ? in optimas etiam artes nostras : à quo velut fonte, scio, manat ad me hic riuus. Amo, laudo. hoc magis, quòd haud multi hodie illas, & non dicam imbui, sed tingi Heliconiis aquis spernunt. At tu vel mergi, vt sic dicam, velis : & ideo ad nos quoque, id est Louanium, veterem illam Musarum sedem adspiras. Quod vtinam tibi liceat Ramirez ! mihi libeat, & iuuat versari tecum sapius, & sermones miscere animis vtriusque nostrum vel formandis, vel recreandis. Optem ego : quid possis, tu vide, & quocumque tamen loco nos ama. Louanij, VII. Idus Sextil. ∞. ID. XCVII.

Ad discipulum tuum hîc habes, vtinam ad bona calcar.

EPIST. LIV. *Bruxellam.*

LYPO DIONYSIO A CASTELLA, nobilissimo iuueni.

LITTERAS tuas, præsertim sic Latinas, exosculatus sum ; & animum, qui impulit ad scribendum. Quid enim ille, nisi beniuolentiâ mei æstuat, qui aperire honestam hanc flammam

F 3

voluit,

voluit, & per litteras reuelare? Quas (iterum dico) exosculatus sum: & maximè ob elucens in iis studium tuum, & ardorem in res artesque honestas. O mi iuuenis, genus tuum cogita, ætatem tuam, sæculum nostrum; nihil dignius aut aptius videbis generi, ætati, sæculo, quàm tingi te & formari his artibus, quæ non scientiam solùm, sed prudentiam, imò & sapientiam donant. Ecce genus tuum illustre, & ab ipsis Regibus: quid magis huic continet, quàm non censerì in reliquo nobilium grege, & dotibus ornamentisq. ingenij, non solùm fortunæ, eminere? Vide & ætatem; flos ipse est, & anni isti faciles & ad omnem disciplinam sequaces. Vide sæculum; turbidum est, res magnæ in motu & expectatione. quid tam necessarium, quàm rebus magnis magnos item viros adiuuere, qui administrent feliciter & gubernent? Mihi crede autem, felicitas illa ex prudentiâ oritur, & diuinus ille fauor semina & causas in nobis habet. Neque ita tamen hæc dissero, quasi ad scholas aut libros tantùm te vocem: absit: memini tui loci & generis, & spei ad quam educaris: sed inter illa externa, & militaria vel aulica, locum etiam te facere suadeo optimis artibus, quæ animum excolant & forment. Eæ imbibuntur per lectionem & libros: & habes rectorem & doctorem idoneum, qui infundet. Felicem te, qui sub tali etiam Principe educaris! vide & nota omnia in exemplum: quia nihil ille facit aut dicit, quod non sit exemplum. Sed monendi nec hic locus est, nec meum munus: nisi quod amor impulit, quem iam nunc in pectus hoc vnâ scriptione tuâ, velut philtro, immisisti. Itaque siquid est in toto LIPSIO, quod totum aut in parte seruire vsibus tuis possit; habes promptum volentemque. Vale Nob^{me} iuuenis, & animo ac corpore cresce, Deo, Regi, Tuis. L. uanij, VI. Idus Sextiles, ∞. IO. XCVII.

EPIST. LV.

Genuam.

PAVLO MONELIAE, Patricio.

MEMOREM te nostri esse, nec mentem diuidi etsi multi montes & terræ diuidunt, gratum est, mi Monelia, vt cum Plauto dicam, vel contra aurum. Video firmiter fundatam amicitiam nostram, nec ex leui verborum aut blanditiarum arenâ sur-

nā surrexisse. Pergamus inædificare, & officiorum & litterarum etiam commercii; quas equidem istas crebrò dabo, & illa ubique vñs erit. Sermonem & spem illuc esse de meo in Italiam aduentu, non nolo mi Monelia: etsi quis sparsit: nihil enim decretum etiam. Iuuat tamen & me ea cogitatio; & bonā fide inclino, si aut valetudo mea, aut ij permittent, qui ius in me habet. An ego non libens amata semper, & gustata aliquandiu, Italiam reuisam? tot in eā præclaros viros & ingenia? tot monumenta præclarorum operum, aut virorum? Sanè quàm libens, & non potui temperare, quin hunc affectum bis terque exprimerem in ADMIRANDORVM libris, quos nunc vulgaui. Ij sunt de MAGNITVDINE ROMANA: quam ignotam aut non creditam hodie adstruxi, & benè meritum me censeo (sine superbiā dicam) de gente & solo vestro. Certe illa sustuli & laudavi: & quàm ex animo, scriptio ipsa mea tibi dicet. Exemplar, Deum testor, nullum mihi ad manum est quod mittam: sed recudetur mox liber, & malo te correctius vberiusque habere. Suffine igitur paullisper, & me ama, vnā cum Cl^{mo} Mercuriali: cui breui item exemplar. Louanij, XIII. Kal. Iun. 1610. XCVIII.

EPIST. LVI.

F. BONAVENTURAE CALATA IERONENSI, *Sodalium D. FRANCISCI supremo Praefecto.*

INOPINATA mihi accidit hesternā humanitas tua: inopinata, sed grata. Hominem certum vltro ad me mittis, visendi à te & salutandi causā: & quid amplius? munus etiam adiungis eius generis, quod sani & pij homines iure æstimamus. Beneficia mecum communicas sparsi vbique terrarum tui cœtus, & ex tot virtutibus mercedes vis ad me in parte redundare. Quid ego hñc dicam, nisi non habere me quod dicam? Vt oculi, in quos subita & magna lux venit, conuiuent & clauduntur: sic mihi pectus, largā istā humanitate perfusum, & panè addam confusum. Quid tamen est? aperit illud, & me erigit hic animus, conscius sibi semper eximij in Sodalitium vestrum affectus: atque eo saltem meruisse videor aliquem hunc à vobis. Iure eum habui. quidni in eos, qui pietatis omnes numeros persequuntur, aut habent: & eum

cum in aliorum animis excitant aut depangunt? Est hæc communis laus vestra: illa tua propria, quod in afflicto hoc rei Christianæ statu, nuper maximos duos Reges pacificasti: atque utinam inter se iunctos, religioni & reipublicæ instaurandæ! Quæ felicitas sit? quis splendor ex his tenebris illuceat? Neque despero fore: & Deum calido ac suspirante animo precor. Eundem etiam, ut te Reu^m Pater sacro tuo cœtui diu præesse, & vniuerso populo Christiano prodesse, patiat. Louanij, VIII. Kal. Iun. 1610. XCIII.

EPIST. LVII.

Mediolanum.

ERYCIO PUTEANO S. D.

FAVSTVM & felix fuisse in Italiam venisse, te apud Ill^{um} illum Principem agere, loco & lege quam scribis. Quem Principem magnum esse scire debes, non à genere tantum aut externis: sed à veris illis internisque bonis, quæ Deus aut industria largiter ei dederunt. Tu place, & demerere: quod mihi quoque studium esse fateor, etsi non alio fine, quam ut cerni à nobis virtutem illam & coli sciat. Itaque MILITIAM meam recusam ad illum nisi: in quâ recensui quædam, ut solet, & clariùs aut firmitus dixi. in quibusdam tamen etiam nunc suspensio pede iui, & quasi super oua, ut ille ait, & aristas. Quid mirum in rebus æuo, & paucitate scribentium, obscuris? Sed alius addet fortasse, & illustrabit, & volentem me atque alios docebit. An non iam nunc facere intellego quendam,

* Qui mihi
bi præsias,
est diuis
quoque ca-
rior ipsis?

* Ος μιν ἀμὰ κρείσσων, & φίλτερος ἀθανάτοισιν;

Faciat, liuor aut calumnia in me non cadet. Otiabar nunc aliquid post ADMIRANDA nostra edita. sed fortasse ut qui saltum cogitant, recedunt; sic ego, & maior post otia hæc virtus. Saccum ibi amo, pro meo ingenio virum, & doctum simul & candidum, si quid litteræ animum reuelant. Et quidni reuelent, certus illius (à veteri verbo) character? Te etiam amo mi Puteane. quem hortor & oro, dignum præstare elogiis & testimoniis, quæ dedi. Vt enim maior dolor est, cum naus onusta perit, & in ipso portu: sic nobis iure, si tu ad alia eas aut mutes, qui in virtute & litteris sic promouisti. Sed non facies: ita Deus te seruet, & honestum

honestum magis magisq̃ue reddat. Louanij, Nonis Septem-
brib. ∞. IO. XCVIII.

Exemplar Testimonij, quod huic dedi.

QVICVNQVE HAEC LEGITIS,

TESTOR apud vos ex animo, ERYCIUM PUTEANVM,
benè honesteque natum, educatum, institutum: ingenio ad opti-
mas artes facili & tenaci, in vtrauis linguâ Græcâ & Latinâ peritum,
versu & prosâ bonum, vitâ moribusque modestum: & plura etiam re-
perienda in eo, si quis pernouerit, quàm hic dicam. Habet Mathematicam,
Philosophiam, Musicam quoque: & planè dignissimus est, cui bene ve-
lit, siue benè faciat, quisquis Doctrinam, Elegantiam, aut Virtutem
amat. Commendo vobis talibus hunc iuuenem, à meâ quoque institutio-
ne & manu profectum: ac spero, vel confido potiùs, gratiam me debi-
turum quidem si quis meâ causâ benè fecerit, sed & habituros mihi si-
qui propiùs aut familiarius sibi iungent. Rogo, fides mihi sit sincerè scri-
benti, rogo, ipsi gratia aliqua & subsidium, in meâ scriptiōe. Louanij,
III. Nonas Sextil. ∞. IO. XCVII.

I. Lipsius, Professor & Historiogra-
phus Regius ipse scripsi.

EPIST. LVIII.

Mediolanum.

IOH. BAPTISTAE SACCO.

ANTE mensem ferè scripsi ad te & Puteanum: nunc iterùm,
vno hoc argumento, vt hunc quem vides Nicolaum Mi-
caultium, libenter videas: quia & ipse meretur, & ego rogo. Vir
est inter digniores Belgas, stirpe & opibus: doctrinâ & vitâ in-
stituto Theologus, & ritu nostri aui LICENTIATI titulum
adeptus. Fuit mihi amicus, & plures annos sedulus auditor. Por-
rectâ fronte eum excipe: & si quid visendum apud vos, osten-
de. Ipsum Principem videre & affari si posset (certè vel à me ei
notum) in voto haberet: sed non temerè peto, nec illius beni-
gnitate etgā me abutor. Misi ad illum & te nuper ADMIRAN-
DÂ nostra, per cursus publici præfectum: accepistiſne? verbo si-
gnificatum velim. Ego & languco etiam mi Sacce, & senesco: atq̃.
G annum

annum quinquagesimum primum ordiri parabam (si peruenio) hoc mense Octobri propinquo . Interea epistolas meas aliquot colligo , & editioni apto . Vale , & saluebit noster Puteanus , à quo ad meas exspecto . Louanij , prid. Kal. Sept. ∞ . 10 . xcviii .

EPIST. LIX.

Romam.

NICOLAO MICAVLTIO.

★ *Diarios
cursores.*
Lib. xxxi.

ROMAM enim inscripsi : & nostro voto atque opinione iam peruenisti . Si ita est , gratulor : & vt ea mansio iucunda , honesta , fructuosa tibi sit , Deum veneror & animo precor . Sed ecce , quæ te velut aduenticia excipiat , Dissertatiunculam nostram super *CURSORIBVS* : quam in sermone , per occasionem discessus tui , agitatam misi te petente in scripta : & si vacas , hîc lege . Vides & fidem , & diligentiam ? tu obsequium aut suffragium etiam adhibe , nec , vt in sermone , ambige aut repugna . Et si quî possis : habes omnia distinctè hîc , & per suos auctores : quibus vulgus fortasse aliquid abnuat , tu rerum artiumque veterum , non debes . Audi igitur . *Cursorum* tria genera facimus , hominum *Peditum* , *Equitum* , *Animantum* . De *Peditibus* præmitto , qui antiquissimi , & quos Græci (verba Liuij) * *Hemerodromos* vocant , *ingens vno die spatium emetientes* . Quantum ? inquires . Iam dicam , si priùs aliquid de ipsis *Spatiis* , per quæ veteres aut nos metimur . Nisi enim iis cognitis , & comparatis etiam aut pariatis , frustra , & apud suspensum te aut vacillantem , cetera addam . Græci per *Stadia* ferè computant : atque ea etsi alibi alia , tamen communi more & vsu , *sexcentorum pedum* hîc sunt . Pes autem Græcanicus Romano semunciâ est maior . Romani per *Milliaria* metiuntur , quibus à mille passibus est nomen . Passus autem *pedes quinos* continet : & pes Romanus vulgari nostro paullo est maior . *Octo stadia* paullo minus (ita Plutarchus) in *Milliare* vnum imputantur : etsi Suidas septem cum dimidio distinctiùs profert . Nos hodie per *Leucas* ferè computamus : atque eas horario spatio finimus . Nunc quæritur , quot prisca siue Romana milliaria in *Leucam* nostram veniunt ? vulgò *tria* asserunt : nec malè , si hodierna Italica aut Romana spectemus . Si vetera , vereor vt errent . Antonini Itinerarium qui inspicit & comparat ; videbit palàm , *milliaria*

liaria illa vinci ab hodiernis. Qui lapidum interualla, qui hodie-
 que in veteribus viis, signa milliarium, cum numeris suis exstant:
 idem censebit. Idem, qui hæc nostra mox producenda compara-
 bit. Si enim tria tantum milliaria in vnum nostrum sumes: sur-
 gent spatia diurna ab homine confecta, supra omnes humanas
 vires. Sed illud de lapidibus, per mihi firmum est: & exstant cum
 alibi hodie, tum in Lusitaniâ, viâ militari ad Emeritam Augu-
 stam, vbi singula milliaria singulæ suæ columnæ inscriptæ distin-
 guunt. Qui spatium dimensi sunt (inter alios, amicus noster Ca-
 rolus Clusius): certò asserunt, *quattuor ea venire in vnam Leucam.*
 Hoc igitur sequemur, ne nimia mira dicamus: & narrationem
 iam ordimur. Cursores pedites ingens spatium fecisse dixi, &
 exemplum primum sit in *Philippidâ* quodam: qui bello Persico
 ab Atheniensibus Lacedæmonem, auxilij petendi causâ, missus,
confecit biduo stadia mille ducenta sexaginta. Ea sint Romana millia-
 ria *centum quinquaginta septem & semis*: ergo nostræ Leucæ, circiter
quadraginta. Fecerit in diem eas *viginti*: rem haud nimis ma-
 gnâ aut mirandâ. Magis in *Euchidâ*, qui ignis sacri petendi
 causâ, ab iisdem Athenis Delfos missus, vno die iuit rediuitque,
stadia mille emensius. id est, Romana milliaria *cxxv*: nostra, *xxxv.*
 & quod excedit. Magis iterum, in *Anisti Lacedæmonio cursore*, &
Philonide Alexandri Magni, qui à Sicyone Elin, vno die, mille ducenta
stadia cucurrerunt. Sunt Leucæ nostræ, *xxxvii.* & semis. Sed
 in stuporem me dat, quod alibi idem Plinius, de hoc ipso Philo-
 nide: *Ex Sicyone Elin, mille & ducenta stadia, nouem diei confecisse ho-*
ris: indeque, quamuis declinui itinere, tertiâ noctis horâ remensum. Tôr-
 ne illa stadia, *nouem horis*? cursores nostri equi non faciunt. Sed
 fuisse æstiuas & longas horas, ponendum est: & de reuersione
 (quod rem auget) capiendum: quinque dumtaxat horas quie-
 uisse, iterumque sic redisse. Stupebam, sed excitat Plinius, qui vt
 rem notam & vulgatam tradit: *Nunc quidē in Circo quosdam CLX.*
millia passuum tolerare non ignoramus. Audin' tu? *quadraginta nostra*
milliaria vno die, in illis Circi spatiis remetiendis, præmij causâ,
confecere quidam. Quid amplius? *Nuper* (addit idem) *Fonteio*
& Vipstano Coss. annos octogenitum puerum, à meridie ad vespere-
ram, XLV. millia passuum cucurrisse. Heu! itane tantillum pue-
 rum? itane à meridie? Quid dicas aut censeas, nisi Genij alicuius

Plin. lib.
vii. & Ac-
mil. Prob.

Plutarc. in
Aristide.
Plin. vii.
cap. xx.

Lib. ii.
cap. lxxi.

Suidas in
1^o de xoxo.

Curtius
lib. vii.

P. Cieca. i.
cap. xlii.
August. Sa-
nat. i. cap.
xlii.

Lib. vii.

Lib. xix.

subleuantis operâ factum? Etsi profectò hoc non fuit: sed vsus
& exercitatio, & præmij acris cupido. Enimuerò & posteriore
æuo, sub Leone Imp. Byzantino, *Indacus* quidam fuit, homo &
robores & celeritate præstans. *qui in cundo conspectus* (veteris scri-
ptoris verba, apud Suidam) *subitò euāescebat fulguris instar, nec*
currenti magis quàm volanti adsimilis. Certè quod iter homo, mutatis
equis, vno die conficere non poterat, hoc ipse suis pedibus, & SINE
MOLESTIA, conficiebat. Licet his mirandis adnectere singula-
re exemplum *Philippi*, nobilis iuuenis in cohorte Alexandri. *Is pe-*
des (incredibile dictu) per quingenta stadia vectum regem comitatus est,
sæpe equum suum offerente Lysimacho: nec tamen vt digrederetur à re-
ge effici potuit, cum LORICA indutus ARMA gestaret. De spa-
tio, non nimis miror: de armis, magnum est & pænè incredi-
bile, vt Curtius dixit. Atque hi cursores Græcanici, quibus vsu,
non operâ similes, quos reges *Inge* nuper habebant, in vasto illo
nouo orbis Periano tractu. Iis casulæ dispositæ, per publicas re-
gni vias, erant, dimidiati milliariis quæque interuallo. In casulis
duo cursores, cum suâ quisque vxore agebant. Re igitur aliquâ
nunciandâ, ad primum illum voce (nam litteris carebant) defe-
rebatur, quidquid hoc erat. Ille cursu intentò, à suâ casulâ ad pro-
ximam pergens, iam vicinior altâ voce hoc ipsum inclamabat:
atque alter accipiens, item pergebat ad proximam: ac sic per ma-
nus ad fines regni. tantâ celeritate, vt Hispani scriptores fateantur,
omnium equorum cursum ab iis superatum. Neque dissimilis
ratio, quam maiores nostri Galli vsurpabant. de quâ Cæsar: *Vbi*
maior atque illustrior res incidit, clamore per agros regionesque signifi-
cant: hunc alij deinceps excipiunt, & proximis tradunt, vt tunc ac-
cidit. nam quæ Genabi Oriente sole erant gesta, ante primam conse-
ctam vigiliam, in finibus Aruernorum sunt audita: quod spatium est
millium passuum circiter CLX. Nihil nimium est: & miror esse,
qui diffidant. Quid? nonne longè mirabilius, quod Diodorus
Siculus, in rebus Eumenis, tradidit: cum ille milites & arma ex-
pediret, quosdam Persarum, qui xxx. dierum spatio abessent, eodem
illo die hoc cognouisse? Fide maior res videtur: sed ille ita denarrat.
Persis, inquit, pleraque montana est & vallibus interrupta. in monti-
bus, opportunis locis speculæ sunt, in quibus consistunt homines maxi-
mè vocales: specula autem ita diuise, quantum vox ab vnâ ad alteram
venire

venire & excipi potest. Re igitur nunciandâ, vnus inclamat proximo, ille alteri, & sic deinceps per omnes Satrapias, ad extrema regni. In numero tamen illo Τειχονοτα ἡμερῶν siue triginta dierum, subsisto: & vereor vt Τριῶν, siue trium, sit satis. Habes Hemerodromos, & pedites cursores: nisi quod Turcarum Peichi me etiam sistunt. Hi in comitatu Principis & antecursores, cum opus est huc illuc mittuntur: tantâ velocitate currentes, cum securiculâ in manu, & item phialâ odorata aquæ, vt adfirmant eos Byzantio Hadrianopolim die ac noctu peruenire. quod interuallum est milliarium Romanorum circiter CLX. At diuersum genus videtur quod Laonicus describit, & Vlacidâs appellat. Hi, inquit, citatissimo gradu magnum iter peragunt. & si fortè eques occurrit, eum deiecit, ipse equum conscendit: iterumque si alium, idem facit, & defessum equum ei tradit. Corpus succingunt, ne doleat in cursu. Ex Peloponeso Hadrianopolim scimus regios istos cursores venisse, intra quinque dies: quod iter x v. dierum spatio egrè eques peregerit, etiam festinus & expeditus. Mixtum hoc postremum genus, & Equitibus affidet, ad quos nunc imus. Vetus id inuentu, vt per dispositos equos, & certas stationes currerent: quod Cyro, in Perside quidem, Xenophon adscribit. Is considerans, inquit, quantum spatij vno die equus posset conficere, sic vt labori non succumberet: in tali isto interuallo Equilia constituit, inq̃ uis equos & eorū curatores. Tum etiam in quoque loco virum idoneum, qui acciperet literas, & cursu ita perferret: quem nec noctu interdum intermittunt. Nota de die, & rationem nostram hodie diuersam, qui disponimus ferè per horas. Atque isti sunt, quos Persæ Angaros appellarunt, itemq̃. Astandas. Græci an vsurparint hoc genus, firmiter nescio. in Liuiο tamen lego: Ti. Sempronium Gracchum acerrimum iuuenem, per dispositos equos, propè incredibile celeritate, ab Amphissâ Pellam tertio die peruenisse. Quid Romani veteres? & de iis ambigo: etsi in eodem Liuiο lego, Censores locasse currules equos præbendos: sed ego ad Circenses traham. In Cæsare etiam scriptum: Vibullium, omnibus opidis mutatis ad celeritatem iumentis, ad Pompeium contendisse. Iterumque in eodem: Nuncios, per dispositos equites, de victoriâ Cæsaris, Messanâ allatos. Fuit ergo res in vsu: sed vix publico sumptu aut curâ. ac dixerim priuatos, lucelli causâ, equos sic elocasse & præbuisse, præsertim magnatibus notisque viris. Illud certum, Augustum

Lib. ix.

Lib. vii.
itē Herod.
lib. viii.

Lib. xxxvii

Lib. i. x. v.

ix. Ciuil.

lib. i.

rerum compotem, cursum denique publicum ordinasse. de quo
 Cap. XLIX. Suetonius : *Quo celerius, ac sub manum, annunciari cognosci que posset, quid in prouinciâ quaque gereretur : iuuenes primò (nota Perüanam illam rationem dictam) modicis interuallis per militares vias, dehinc vehicula disposuit. Commodius id visum est. vt qui à loco iisdem perferrent litteras, interrogari quoque, siquid res exigeret, possent. Ergo in vehiculis, Augusti instituto, is cursus : in quibus commodius molliusque sanè transuehi, quàm singularibus equis aut Veredis, qui tamen postea etiam accessère. Sed de modo huius cursus, quod præcipuè institui, videamus. Liuius tradit, M. Catonem, quin-*
 Lib. XXXVI. *to die Hydrunto Romam, INGENTI CURSV peruenisse. Ea sunt milliaria, opinor, paullo plus CCCC : sed alij longè vice-*
 Cap. LVII. *runt. Cæsar ipse Iulius, de quo Tranquillus : Longissimas vias incredibili celeritate confecit, expeditus meritoriâ rhedâ, centena passuum millia in dies singulos. Nota de meritoriâ rhedâ : & nondum igitur publicè fuisse. Assidet huic spatium, quod Plutarchus vt magnum prodidit, Cæsarem octauo die ab Vrbe ad Rhodanum venisse. Nam ea sunt milliaria circiter octingenta. Supra Cæsarem longè Icelus ille Galbæ libertus (in Plutarcho) qui vt patronum imperij nuncio, & cede Neronis, primus lætificaret, septimo ab Vrbe die Cluniam, (ferè in mediam Hispaniam) peruénit. Etiam vicit Cæsarem Mithridates, quem Appianus, mille stadia vno die, mutatis equis, confecisse tradit. Sunt milliaria CXXV. Supra istum Annibal (in eodem Appiano) qui victus à Scipione, Adrumetum vno comite venit, biduo & binoctio tria admodum stadiorum millia emensus. Sunt milliaria CCCLXXV. ergo in diem noctemque CLXXVII. & semis. Vicit & hunc nuncius ille, qui à Maximo Romano missus, vt cedere Maximini narraret, tanto impetu (verba Capitolini) mutatis animalibus cucurrit, vt quartâ die ab Aquileiâ Romam veniret. Atquin, ex Antonino, spatium interest DCCLXXXVIII. miliarium. ita in noctem diemque imputes CC. ferè milliaria : quæ ipsa iusta confecit Tiberius Cæsar, pro exemplo (Plinio iudice) summi cursus. Nam is, inquit, cum frater Drusus in Germaniâ agrotaret, nocte ac die longissimum iter, vehiculis tribus est emensus : in quo fuere ducenta millia passuum. Obserua, quod admirationem augeat, vehiculis tribus : id est, ter tantum mutatis equis. Imò & de Vehiculis mirum ; atque omnino expeditius videatur*

in

in equis : quod Valerius etiam vult ita factum. Nam ipse hoc narrat : *Iter quàm rapidum & præceps, velut vno spiritu corripuerit, eo patet : quod Alpes Rhenumque transgressus, die ac nocte, mutato subinde equo, ducenta millia passuum, per modò deuictam Barbariam, Nandabaio duce solo comite contentus, euasit.* Tamen Plinij dictio instituto Augusti magis firmatur : & quid incòmodi tunc in Vehiculis? cùm vias publicas & militares, stratas ubiq. lapide aut glareâ sciamus : atque ita æquabiles, & sine falebris, faciles & meabiles curribus fuisse. Equi tamen, vt antè dixi, & ex Procopio aliisque liquet, successere. atque ita Socrates in Ecclesiasticâ Historiâ scribit, *sub Theodosio fuisse Palladium quemdam, animi & corporis viribus eximium, qui tridui spatio, ab vrbe Constantinopoli ad fines Persarum eques iret, totidemque diebus iterum rediret.* At Hercules ea sunt (ad Eufратem si numeras) milliaria plus DCC. atq. essent in diem nostratia paullo minus LX. Possintne cursores nostri hodie, nescio : etsi ratio ista horariæ mutationis percommoda est, & maximo cursui apta. Cui auctor apud nos Ludouicus XI. Galliarum rex fertur ; dum Carolo Audace caeso, Artesiæ & prouinciis nostris imminet, & nuncios rerum in horas expectat. En de *Equitibus* : addatur miraculum de ipsis *Equis*. quorum vnus aliquis spatium confecit sensibus fideique nostræ ægrè insinuandum. Probo Imperatori oblatus è captiuus equus Scythicus, (Vopisci verba) *nec decorus, nec ingens, qui centum in die milliaria currere diceretur, ita vt ad octo aut decem dies continuaret.* Exclamas, te non admittere. Quid ergo Plinio facies, qui adauget? *Sarmatæ, inquit, longinqua itinera acturi inediâ pridie præparant eos, exiguum tantum potum impertientes : atque ita per centena millia & quinquaginta, continuo cursu euntibus insident.* Vides Pegafos alatos : atque ab iis ad ipsas *Alites* (quid enim aliud superest?) veniamus. Eas præcipuè intellexi, cùm *Animantes* dixi currere : quidni celeriter istas, per liquidas & vbiq. peruias cæli oras? Regi Aegyptio *Marrhæ* fuisse cornix ab Æliano proditur, sic edocta, vt litteras quauersus præpete volatu deferret, indicio tantum loci facto. Cui etiam mortuæ sepulchrum, meritiissimæ memoriæ ergò, rex condidit. Columbas olim & nunc hoc officium subiisse, præsertim in obsidionibus, * alibi docui. & addo, quod bello Sacro cùm Tyrus à Christiano exercitu clauderetur, columba sæpius emissa, immissa,

Lib. v.
cap. v.Lib. vi.
cap. xix.

Lib. viii.

* Saturnal.
lib. i. cap. v.
& addè
Plin. lib. x.
cap. xii.
vii.

inmissa, litteras & alloquia hostibus ferret. Quae observata denique à nostris, clamore tanto à terrestribus naualibusque copiis simul excepta est, ut trepida ales, tamquam turbine moti caeli acta, in terram delapsa, praedae & gaudio, & mox etiam usus esset. Nam deimptâ epistolâ lectaque, cum inscriptum repperissent, *Brevi auxilia adfutura, sumerent animos, atque expectarent: nostri, Barbaricis item litteris exararunt, Virtuti & fidei satis eos fecisse, Fortunam deesse: nec spem auxilij, interclusis ab hoste itineribus.* Ita columba demissa subditiuam chartam retulit, & dolo non suo urbem referauit. Legi & in Bernardo quodam Breidenbachio, qui maiorum æuo Syriam atque Aegyptum perlustrauit: *Alexandriae praefectum* (Sarraceni tunc tenebant) quem ipsi *Amiraliū* vocabant, semper apud se columbas habere, sic edoctas, ut quocumque delata fuerint, mox ad eius domum mensamque reuertantur. Itaque earum duas aut tres, speculatores, qui emittuntur cottidie scaphis in mare, ad naues explorandas quae peregrè adueniunt, ne miles aut fraus lateat, eos inquam speculatores, columbas secum ferre: & cognitis quae usui, statim scidam inscriptam collo columbae illigare, ac dimittere: hanc autem ad praefecti mensam bonâ fide statim se sistere. Idem fit in alterâ, tertiâque, si quid aliud fortè incidit: eoque inuento portum eius urbis aditumque egregiè tueniunt. Sed à cælo ad terram iterum redeo, & venia mihi esto Canis etiam huic narratiunculae inferendi. Is quoque, inquam, defert litteras, fideliter ac celeriter, hoc exemplo. Rex Fessæ, subitario milite collecto, Tingin properabat, crepturus eam, ut censebat, Christianis. Improvisa res erat, & Menelius tamen per occultos indices rescivit, qui præerat Arzillæ. Quid faceret? volebat, nequibat, ad Tingitanum praefectum mittere, & periculi iam instantis admonere, viis omnibus obseptis. Excogitat astum. catella relicta, proximis diebus, per obliuionem Arzillæ erat à ciue Tingitano. Hæc litteris illigat ad Praefectum illum, & sub noctem in litore destituit, acriter ibi verberatam. Catella iam libera cursum, quantum potest, Tingin intendit: manè peruenit, litteras ostentat, & ciues militesque periculi admonet, liberatque. Hoc spatium est milliarium circiter LXXV. nisi me Io. Leo Afer fallit. Sed hem, hem, quò eo? hoc est epistolam scribere, an Chimæram pingere? Triplici facie certè habes, è *Peditibus, Equitibus, Alite*: tu lege, nec lege, ut voles. Vale mihi

Orosius
Lust. Hist.
lib. II.

mihi saltem, & in beatâ Italiâ benè beateque age. Louanij, prid.

Kal. Octobr. ∞. IO. XCVIII.

Carmen, quod honori tuo scripseram, hîc habes.

Reuerendo & Nobili viro

NICOLAO MICAVLTIO NICOLAI F.

cùm SACRA LAVREA donaretur,

ODE SYNCHARISTICA.

QVISNAM hic, quis nouus occupat
Ardor? quis trepidum rapit
Docti ad culmina montis

Phœbo operatum?

An verus vetus est amor

In te clare MICAVLTII?

Clare à stirpe, opibus, magis

A probitate.

Ille est. ille meum ferit

Thyrso pectus, & intima in-

Fundit gaudia, cùm videt

Inclyto honore

Augendum. date lilia,

Flores spargite duplices,

Sertos siue solutos,

Thura adolete.

Iam scandit Sophiæ arduas

Arces, iam capiti decus,

Aeternum veniet decus,

LAVREA SACRA.

Qualis Scipio, murice

Insignis, Capitolia,

Victis hostibus Afris,

Aurea scandit.

Plebes atque patres fremunt,

H

Hic

Hic cingit, subit, hic praeit:

Illius noua tentat

Gloria pectus.

Perge o tu quoque numine

Dextro victor, & asseret

Antiquae fidei sacra,

Heu violata.

Quae non flagitia adspicis?

Quas labes scelerum? ruit

Doctrina illa vetus patrum, &

Patria virtus.

Vt cum precipiti iugo,

Currus non reuocabili

Impete fertur, equi negant

Obsequi habentis.

Nec spes vlla super, nisi

Nostra, o Belgica, bellicis

Tandem libera curis,

Munia pacis

Amplectare. cape, o cape,

Quam CLEMENS hominum pater,

Quam Regum ille PHILIPPVS

Maximus offert.

Quae mora vos Bataui tenet?

Quae vos Mattiaci? date

Dextras, & veteri iugo

Subdite colla.

Tunc tristes superum minae,

Tunc Mars & Furor impius

Ibunt, atque redibunt

AVREA SAECLA.

I. L.

EPIST.

GARCIAE FIGVERÖA, *Regi à cubiculo.*

DVPLICI dolore, & quasi ictu, sum affectus, cum tuam epistolam accepi. Etsi priorem non tam intulit ipsa mihi, quam illatum renouauit, mentione mortis Ariæ Montani nostri, ô magni rarique viri, & nobis etiam longinquis & exteris ob virtutem & doctrinam cari! Imò credo nobis in pretio pænè maiore, quam vobis fuisse: ut ferè solent in leui (non dicam in vili) haberi viri magni, apud notos & populares. Certè ego à multis annis amabam virum, amatus etiam ab ipso: & in isto animo sentio doloris hanc plagam, prudentiâ tamen & constantiâ minuendam, aut sanandam. Quod idem & te facere hortor, Illustris Garcia. qui sine fructu vlllo lugere eum potes; at cum magno fructu non lugere. quo illo? roboris, quod animo tuo indues, & paullatim assuefacies ad humanos istos casus. In theatro hoc magno sedemus, spectatores aut actores; & eximus alij, inimus alij: nec mirari aut indignari debemus, in communi & receptâ ab æternitate lege. At vulnus alterum, quod cum epistolâ tuâ venit, non tamen in ipsâ. Is enim qui tuam mihi mittebat, idem de fato maximi regum Philippi nunciabat: quod me percussit, ut quod publicam Christiani orbis salutem, aut certè quietem, spectaret. Videbatur enim ille Rex, certo iam & firmo consilio, ad Pacis metam sua omnia dirigere: & in parte effecit, magis pleniusque fortasse, si vita etiam aliqua ei fuisset. At ô clare Sol occidisti, & nos in caligine istâ reliquisti & nimbis civilium bellorum. Etsi non occidisti, sed in filio tuo isto PHILIPPO TERTIO viuis & lucis: quem vouemus salubrium consiliorum tuorum, ut potentiae atque opum, heredem. Quidni autem erit? tali stirpe, educatione, indole: inò ut nouum & salutare sidus exortum eum speramus, ad illustrandum & vegetandum vtrumque orbem. Deus vota nostra audiat; & illi consilia atque animos donet, benè decernendi, fortiter patrandi. Hæc publica, mi Garcia: quod ad me, sum in veteri iterum languore, id est in viâ quam Arias noster decurrit. Etsi paullo tamen nunc melius: sed æstas hæc valde me affecit, & pænè adeò confecit. ADMIRANDA iamdiu ad te misi, & ad vtrumque Idiaqueum: nec culpa nostra

H 2

stra

stra est, si litteræ aut libri non sunt perlati. Curauimus per bonos & fidos amicos Antuerpiæ: sed casus maris, & manus vbique sparsas prædonum, non ignoratis. Nunc parabam me dare ad **MONITA ET EXEMPLA POLITICA**: si Deus tamen æuum & otium dabit. De imagine aureâ nostri tunc Principis, nunc Regis, quam significas ad me missam, non equidem accepi: & per quem ea missa, ignoro. Si videtur, vno verbo indicabis. Scire etiam percipiam, quo loco nunc sis apud nouum Regem: spero equidem bono & virtutibus tuis digno: atque eo nomine (si ita est) iam nunc tibi gratulor, & amici bona, mea puto. Vale Ill^{is} Domine, & in animo te gestari à nobis scito. Louanij, XII. Kal. x. bres. ∞. IO. XCVIII.

EPIST. LXI.

IO. FERDINANDO VELASCIO, *Magistro equitum
Castellæ, Gubernatori Mediolanensi.*

MINVS mirari, aut indignari debeamus, si nostræ plebeiorum litteræ pereant, aut tardius reddantur, cùm ea fors per hæc tempora vestras Principum etiam tangat. Nam priores quidem quas misisse te ad significas, vnâ cum libro Puteani nostri, planè perierunt; alteræ succedaneæ tardius etiam ad me venerunt. Quod præmitto, ne accusari tacitâ cogitatione cessatio mea possit: cui apud talem Principem nullum alioqui velum sit aut color. Vidi autem postmodum *Puteani Reliquias*, & cultum illum tui sanè amaui. Adolescens est, sed specimen ingenij præfert, ad magna surrecturi, si ætas & peritia rerum dirigunt etiam & formant. Ego ab aliquot mensibus solito languidior eram, & eâ causâ, tum etiam quia affectus iamdiu suadet, statui seriò Italiam reuifere, idque sub annum iam instantem Sæcularem. Præter ea quæ dixi, Religio etiam vocat; &, quod non diffiteor, cupiditas tui coram videndi, & cultum officiaque mea deferendi. Virtus tua in meo animo maiora meretur, & id sine omni blanditiâ vel adulatione scribo. Inuitant me etiâ Romam viri in sacro ordine Principes: quibus parebo, sed dumtaxat vt peregrinatio non emanfio sit, & mei me Principes ac patria habebunt. Itaque si viuo, & vel modicè valeo, in proximo autumno me vobis sistam.

ftam. Deus faxit; vt te, Ill^{me} & Excell^{me} Princeps, faluum, atq. in iis locis reperiam: alioqui defiderium hoc peregrinandi valde minuat, & languescat. Louanij, XII. Kal. Feb. ∞. IO. XCIX.

EPIST. LXII.

Mantuan.

ANTONIO POSSEVINO Soc. Iesu.

VIDI iam nunc epistolam, quam ad P. Sallium dedisti, & in eâ benignam honestamque mentionem nostri. Non est nouum. publicè ostendisti quid de me & religione meâ sentires: quæ postrema attestatio pergrata mihi fuit. Nec eius pœnitentiam ages, ita Deus me seruet. sum enim, & ero in veteribus militiæ sacræ castris, nec transfuga vnquam ad nouitates vllas ibo. Tranquillo animo hîc viuo, Deo & studiis me consecrans. studiis, quæ pro ingenij mei copiâ adiutum, aut illustratum eo, etsi non in arduo illo genere, quod vos tractatis. Tu verò nunc etiam ingrauescente ætate non omittis: ô laudabilem conatum, atque operam! nam speciem, & ideam operis vidi, quod paras, varij, laboriosi, vtilis, quod ab interiore animo testor. Deus tibi vires, annosque ad emoliendum det; & mihi largiatur non scripto solum, sed sermone te affari. Id enim meditor, &, si valerem patitur, sub annum sacrum Sæcularem in Italiâ vestrâ me sistam, & vel de viâ flectam, vt te complectar. Optime Pater salue, & me precibus tuis apud superum numen velis adiutum. Louanij, IV. Kal. Febr. ∞. IO. XCIX.

EPIST. LXIII.

Patani.

THOMAE SEGETO.

GAUDEO in Italiam incolumem venisse, gaudeo in domum magni Pinelli admissum: quem virum, æuo & gloriâ iam veterem, Italia vel inter veteres suos præferat & iactet. Quod id beneficij à me habes, & imputas, iucundum est: & libens equidem adiutum eo istos, qui cultum aliquem animi nobis debent. Sed & libens audio, agnoscere eos & fateri. Tu fac & enitere, vt quem te promisi præstes: nec abripiant te aut vana illîc aut praua, quorum copiam etiam beata illa regio donet. Sed vt in vrbe,

H 3

vbi

vbi lues est, si agas, vites domus aut vias totas eâ infames: sic hîc moneo, fugere te homines & loca vitiis nota & infecta. Aetas tua allicit? frama. Populares abducunt? resiste. denique te & posteritatem cogita: nec posse, quin illa infamiam cum noxâ pariter apud te relinquunt. Ah, quàm suaute animo iam maturo erit, meminisse pugnae & victoriae: integrum sese à labe, & corpus ab ægritudine asseruasse! Hæc moneo, mi Segete, non quia opus fortasse: sed quia amor inducit, cui agnatam curam aliquam, inò & metum esse, non ignoras. Quidni autem in ætate istâ sit?

adens ho-
mini sit:
uervior
in pube at-
que iuuentû.

*H'En & v'om'c & n'ine & f'ic' & i' r'bor & d'v'p' & p'os:

ait poëta ille sapiens. Quidni etiam in regione eâ sit? suavi, bel-
lâ, diuite: sed in quâ deliciae aut luxus sui hærent. Vita, vita, &
horridulam virtutem & me ama. Deum ita precor, & eundem
in ambagine omni aut caligine ducem tibi & lucem. Louanij,
v. Kal. Ianuar. ∞. IO. XCVII.

TESTIMONIUM.

QVI HAEC LEGETIS,

TESTOR apud vos serid, hac meâ manu, THOMAM SE-
GETVM gente & domo Scotum, notum mihi à pluribus annis
fuisse, inò ab ipsâ primâ eius adolescentiâ, meum vel discipulum, vel
auditorem. Eo omnitempore, probis se probasse, ac mihi in primis, ob acre
& excellens ingenium, ardorem studiumque discendi: atque ita profe-
cisse, vt in meliori omni litteraturâ, paucos sibi æquales habeat, in æquali
æuo. Addo & moribus modestum ingenuumque esse, & dignum quem
tales omnes æstiment atque ament. Peto igitur atque absens rogo, vt
hunc in occasione adiutum velitis, fauere animis, consiliis, factis: benè
locaturi beneficium, quodcumque in eum conferetis. Stirpes istæ fouendæ
& attollendæ sunt, in commune reip. bonum, cui boni omnes studemus.
Louanij, vi. Kal. Sext. ∞. IO. XCVII.

I. L.

EPIST.

EPIST. LXIV.

Romam.

FRANCISCO SPORTIAE, S. R. E. Cardinali.

EGO verò tertium scribo, nec indecorum est in tantâ tuâ benignitate. Nam & Micaultius iam nunc indicium mihi fecit sermonis & curæ, quam de me & itinere meo habes. Quod iter, ita me Deus seruet, suscipiam, religionis quidem primum, sed & tuâ causâ; qui vltro hanc prolixam beniuolentiam in me ostendis: quâ nisi capi & molliri me fatear, sum profectò lapis aliquis aut ferrum. Quamquam & ipsum ferrum vt à magnete trahitur, & occultâ vi allicitur; sic me à tuâ virtute testor. O verè magnum, & vt verbo dicam, ROMANVM tuum animum! qui vel hoc argumento valdè virtutibus abundas, quòd alienas sic excitas aut amas. Nihil blandè aut apud te tuâ causâ dicam, sed numen supremum appello, esse me & fore cultorem tuum, quamdiu terræ me huius esse idem numen volet. Sed vt de re dicam, ad iter me paro in Autumnum proximū, & Septembri (cum bono Deo) dabo me in viam. Ideò enim paullo maturius, quia & amici in viâ alibi tenebunt fortasse: & exigua spatia conficere suadet hæc valetudo. De essedo quod offerebas, planè opus non est mitti. Hic enim facile paramus, & comites item honestissimi non deerunt, atque adeò quidam etiam è contubernio aut disciplinâ nostrâ. De ratione itineris totâ, certò nondum dixerim: quia incidere aliquid potest quod turbet. tamen, vt nunc est, censebam per Germaniam meiturum, & Alpes Tridentinas, quæ molliore cliuo esseda & currus etiam transmittunt. Si non, Galliam transiero & obiter videro, vbi amici item plures qui inuitant. Sed Romam cum venero, certum mihi est rectâ ad te Ill^{me}. & vt Iuno illa Homericâ, in concilium Deorum veniens, à nemine poculum nisi à Themide accepit; sic ego tuo inter omnes hospitio & beneficio vtar, quod mihi comiter & liberaliter offers. Tum denique in sermonibus ea, de quibus scribis. Deus modò Ill^{me} & Reu^{me} Princeps te seruet, & me voti mei duplicis damnet: prisci illius, Romam reuifendi; & huius noui, te visendi, quod animus iste (vt vero verbo dicam) ardet. Louanij, XII. Kal. Maij, ∞. IO. XCIX.

EPIST.

IOANNI BAPTISTAE SACCO S. D.

AVDI rem latam, ut est tuus amor, cui fideliter equidem respondeo amore. Rem, inquam, latam, meum in Italiam aduentum. Quando? inquires. sub Autumnum proximum, ne longius etiam hoc producam. Labet esse in anni Sæcularis initio Romæ, quod magnates aliquot inuitant; & inter eos Cardinalis Sfortia, haud dixerim quàm in me pronus. Audis tu ista? crede firmiter, nisi Vita, aut Valetudo prorsus destituit, sic futura. At illum Principem, & heroem nostrum ante omnes videbo, qui in ditione vestrà præst. Præsit etiam tunc modò, nec in mutatione rerum istà aliquid mutetur. Sanè id mihi triste esset, quia acre desiderium concepi eius videndi, ac venerandi; atque id merito solo virtutis. POLIORCETICA nostra recusa sunt, cum figuris additis, quas ille Princeps mihi submisit, quem breuiter, sed fideliter laudaui. Micaultium, quem commendaueram, sic benignè & honestè à te habitum (ipse largiter scripsit) quidni later? At non hoc, silere nostrum Puteanum, à quo iam à pluribus mensibus ego nihil. Viuit, valet, apud vos agit? per te sciam, si tardat etiam ipse. At tu vale, mi Sacce, & salueat à me Cl^{mus} Septalius, qui melius de valetudine istà ominatur, quàm ego. Sed viuam, valeamque in paucos menses modò: videbor, & videbo. Louanij, XII. Kal. Feb. ∞. IO. XCIX.

EPIST. LXVI.

Patanium.

IO. VINCENTIO PINELLO.

SI quis in Italià hodie veteri & merità famâ est, eum ego te scenseo Vincenti Pinelle: & ideo iam à pluribus annis tacito quodam affectu & colo & amo. Non fuit occasio sermone aut litteris declarandi: vtrumque fortasse erit, certè nunc alterum; & stilo te ut conuenirem, duplex mihi causa fuit. Prior, ut gratias agerem pro benignitate quam in Thomam Segerum, ex communi quâdam commendatione meâ, contulisti: quod ex eius litteris intellexi, & cā re debere me tibi obstrictumque esse, & sentio & testor. Altera etiam causa, ut hunc adolescentem Franc. Sassenum,

Sassenum, in vrbe istâ natum bonis honestisque parentibus, ipsum benè educatum & institutum, hætenus tibi insinuarem, vt videndi adeundiq. tui copia aliquando sit, & consilio, si opus sit, etiam iuues. Nam cetera ei non desunt, & dumtaxat studiorum & rei medicæ causâ, ad loca illa venit. Sed de sermone quod initio dixi, nec id quidem despero, & valdè certè opto. Spero autem idèò, quia penè decretum mihi, sub annum instantem Sæcularem in Italiâ me sistere: & absit, vt eâ exeam, nisi vt te videam & amplectar. Quid exeam? imò cum inibo hoc fiet, opinor: & inter prima & calida desideria mea est, vt hoc reddam effectum. Viue, viuam: nisi casus aut vis impedit, videbo. Louanij, VI. Kal. April. ∞. 10. XCIX.

EPIST. LXVII.

Genuam.

PAVLLO MONELIAE S. D.

SILENTIVM aliquod fuit, mi Monelia; sed quod ego vnicâ sistâ scriptione, & nuncio pensauero, & dabo te in gaudium, si amorem tuum noui. Quid igitur nuncio? venturum me in Italiam, ante annum hunc Sæcularem, si Deus vitam, & aliquas vires donet. Ita planè decretum est, idq. sub autumnum proximum, vt orium sit Italiæ ipsius, & amicorum videndi. Atqui non domicilij causâ, ne erres, sed pietatis primò, tum etiam animi causâ veniemus: & inuitante item Cardinali Sfortiâ, qui in me se exhibet valde benignum. O quàm libens te quoque inter amicos complectar! etsi tu à viâ procul: sed aut ego deflectam, aut tu excurre, & omnino fruemur mutuo aspectu ac sermone. Eâ spe pauciora verba faciam, de rebus aut scriptis meis nihil addens: quid opus, cum tibi me sistam? Ita faxit ille Deus, & te meq. in paucos illos saltem menses seruet. Scribe autem interea de ratione itineris optimâ, si quid habes, & has ad Mercuriale nostrum mitte. Louanij, Kal. Febr. ∞. 10. XCIX.

EPIST. LXVIII.

Pisas.

HIERONYMO MERCVRIALI S. D.

CONSTANTEM amorem tuum amo, quem numero inter Italiæ veterrimos, suauissimosq. Et hortaris vt scriptione

I

eum

eum exclamamus: quod lubens fecero. sed quid si aliud etiam epos tibi cantem? inopinato tibi fortasse, & hoc gratius erit. Ego, mi Mercurialis, statui certò (Deus modò & vita velint) in Italiam vestram venire, non habitandi, sed visendi, & regustandi causâ. Vultum tuum videre, & verba audire videor exclamantis, Quando? Iam breui, iam intra quinque aut sex menses ad iter me dabo, & lubet esse in fine æstatis in aditu Italiæ vestræ. Annus sacer Sæcularis me vocat maximè, sed etiam viri quidam principes qui inuitant; & vos amici trahitis, omnino ante excessum videndi. Tum de valetudine, tum de scriptionibus, & studiis, sermo nobis sit vel in multam noctem, si dies non exsatiat: & certè explere oportet desiderium, & famem, vt sic dicam, diu ieiuni & auidi amoris. Ergo pauca nunc scribo, tuas ad VVitendellium misi, tuas item ad me exspecto, ecquid consilium nostrum probes. sed quid ambigo? ore, stilo, pectore, scio, probabis. Vale. Louanij, Kal. Feb. ∞. 10. XCIX.

EPIST. LXIX.

Romam.

ASCANIO COLUMNAE S. R. E. Cardinali.

MICAULTIVS significauit mihi de honesto & beniuolo parriter sermone, quem de me habuisses. Etsi quid opus fuit? ipsæ tuæ litteræ hoc mihi dicunt, quas ante biennium ad me, illustri testimonio vel iudicij vel affectus, dedisti. Quas ego, non mentior, vt Palladium aliquod Romani olim, aut sacrum depositum, asseruo. Itaque non credere solum me par est; sed affectum aut potius cultum rependere, quod dignitas tua postulat & fortuna. O beatam, ô illustrem Romam his, vt sic dicam, sideribus! quæ non splendore generis solum, sed luce propriâ virtutum & laudum micant. Ac mihi iamdiu animus est & cælum illud Italiæ (liceat manere in hac imagine:) & vos in eo astra intueri propius: ac fiet sanè breui, si vitam mihi in paucos menses proroget supremus ille rector. Nam annus sacer Lustralis cum instet, occasio siue causa est veniendi: & simul sacris, ac desiderio meo, litandi. Quod significare me tibi Ill^{me} Princeps cultus hic animi adigit: animi, æternum virtutibus tuis deuoti. ita propitius mihi sit ille Æternus. Louanij, XII. Kal. Maias ∞. 10. XCIX.

EPIST.

EPIST. LXX.

Mediolanum.

IOANNI BAPTISTAE SACCO S. D.

NIHIL ambigebam, mi Sacce, quin lætifficaffem te nuncio mei aduentus : ita mihi notus & ferio creditus eft ferius tuus amor. Et tu quàm eum oftendis ? nec celari fanè folet hic ignis. Inuitas in domum tuam ; & hofpitium molle, vbi ego curer, tanquam Regi Antiocho oculi folent (liceat iocari) offers. Accipio mi Sacce, accipio : & vbi fim libentiùs, addo etiam liberiùs ? Accipio tamen ita, nifi imperio aliter cogimur, cui leges non damus. Scis me de Principe intelligere, qui perbenignè certè in nos eft affectus : & fortaffe apud fe etiam volet effe, aut ex eius meratione accipere domum. Quicquid erit, vtinam tuam ! Sed in paucos tamen dies, quia in amatâ illâ Italiâ plura loca hominesque videndi nobis funt : & ante omnia, inclyta illa Roma, in quâ etiam nunc animi & virtutes Romanæ. Nam percurrere Italiam nobis decretum tantum, non herculès infidere. Cuius rei fi vel fufpiciuncula proceres nostros tangat ; non dimittar profectò, nec vllò titulo impetrem comineatum. Atqui nihil tale eft. facra & amici trahunt, & ipfe meus Genius, qui loca ea & homines nescio quo naturâ ductu amat. Tu me mi Sacce, & hūc etiam adolefcentem libens aspice, mihi auditorem & amicum, in litteraturâ, & Poëfi præfertim, inter paucos præstantem. Louanij, VII. Kal. Maijas. ∞. IO. XCIX.

EPIST. LXXI.

Romam.

CAESARI BARONIO S. R. E. Cardinali.

QUOD animo & voto fepè facimus, vt te alloquamur, & quæficoràm videamus, id nunc ftilo vfurpo & repræfento, in occasione quam NICOLAUS MICAVLTIVS mihi præbuit, ifte què vides. Putat gratiæ mihi aliquem locum apud te effe (nec diffido, in animo ifto confcius, quanti te faciâ Christiani orbis fidus :) putat, inquam, aliquid apud te commédationem meam poffe, eò libentiùs dandam, quia tali. Nam vir eft, & claris apud nos maioribus, & ipfe planè probus, induftrijs, & vetus auditor meus : etfi illum Deus & animus ad diuina ftudia traxerunt. Nam in

Theologiâ eò iam peruénit, vt etiam titulum & testimonium publicè acceperit : & nunc in Italiam & urbem sacram se contulit, videndi discendique causâ. Beabis eum, si & tuo interdum aspectu frui, & vel breui colloquio, liceat : quod longum, scio, occupationes tuæ non donant. Hæc pro Micaultio : de me aliquid addam? addam. Pietate impulsus, & cupidine vos illustres viros videndi, in Italiam venturum sub annum hunc sacrum & Lustralem, qui instat. O Deus mihi det caput illud Ecclesiæ, non dignitate magis quàm meritis inclytum, vel eminus intueri & venerari : vos autem propius adire & alloqui! quod inter præcipua mea vota esse fateor, & animus mihi dicit, F I E T. Ill^{me} & Reu^{me} Domine, idem Deus Ecclesiæ suæ lucem & tutelam te seruet, cui sincerè testor me toto animo addictum & consecratum. Louanij, vi. Kal. April. ∞. 10. xcix.

EPIST. LXXII.

Mediolanum.

IO. BAPTISTAE SACCO S. D.

NE ambige, ego venio, cum vnâ exceptione Fati. Si publica mortalitas, aut priuata mea, Italiam non inuidet; ipsam videbo, vos amplectar. Ad Ill^{mm} Principem parco nunc scribere, donec de tempore & totâ viâ meâ certò scribam. Et si de tempore propemodum scio, & statui ipso mense Septembri: sed de viâ aut limite mutant turbæ, contagia, & eiusmodi euētus. Quacumque viâ, certum est Mediolanum vel per ambages despectere, illius Herōis & vestrâ causâ. Statui & Antuerpiam breui ire, & scripta mea quædam apud Typographum deponere, vel mortuo me edenda, si quid humanum contingat. Misi litteras nuper ad te alteras, sed per adolescentem nostratam N. N. quem commendauit obiter, neque nimis velim, & ambigo (vt apud te liberè) de moribus & vitâ. Et si certum nihil, sed ex suspicionibus habebam, quibus vir probus non nimis indulget. Idem ille ad Puteanum à me habet, cui in studiis commilitauit. Cardinales Romani, inter eos Sfortia, in me sunt benigni: videbo illa lumina, nisi Deus hæc mihi claudit, vt initio dixi. Vale mi Sacco, cui iam nunc animo circumfundor. Louanij, Pridie Kalend. Maij, ∞. 10. XCIX.

Nostri

Nostri hîc ægrè me dimittunt; ramen temporarium hunc com-
meatum à præcipuis Aulæ iam impetraui, in senos duntaxat
menses.

EPIST. LXXIII.

Romam.

FREDERICO BORROMÆO S.R.E. Cardinali.

ANIMVS me iussit, & hic cultus quem tibi deuoui, significa-
re consilium, quod in re meâ cepi. Statui enim seriò, in-
stante iam anno sacro Sæculari, Italiam vestram & in eâ urbem
Dominam inuisere: quò pietas me primùm, sed & cupiditas ali-
qua (non nego) vos illustria orbis lumina videndi, inuitat &
trahit. Inter ea cùm clarâ luce fulgeas, & iam olim honore me be-
niuolentiæ & litterarij affatus tui affeceris; iure inter primos ad
osculum manus tuæ veniam, & domicilium ostendam, cui ani-
mus includitur virtutibus tuis seriò deuotus. Deus mihi det per-
ficere, & te Ill^{me} & Reu^{me} incolumem diu Ecclesiæ superesse. Lo-
uanij, Prid. Kal. Maijas, ∞. 10. XCIX.

EPIST. LXXIV.

Mediolanum.

PETRO PANTINO Decano Bruxellensi.

GRATVLAVOR? animo feci, & nunc scripto: etsi venisse te
Mediolanum, fama adhuc, non litteræ tuæ mihi dicunt.
Sed gratulor, & veram hanc famam, quia valdè cupio, puto. Ah
mi Pantine, quàm Principes illos nouos patria desiderat! quàm
brachia aduentantibus, vt sic dicam, pandit! Non illeipse Al-
bertus sic nuper ad suam sponsam; quàm nos ad illum & illam
anhelamus, tot malorum medicinam & leuamen. Venite, & no-
uam lucem Belgicæ infundite, tu Sol, tu Luna, & diem noctemq.
nostram pariter illustrate. Quàm calida vota nostra sint, potes
scire, quia suprema. Quæ enim spes, præter hanc, vltra superest?
Iacta est è fatiscente naui nostrâ sacra hæc anchora: & ea duplex
nisi sistit, cum Tragico exclamo,

*Οἱ μοι, μέγας θησαυρὸς ὡς ἀνοίγεται
καλῶν.

vno verbo, perimus. Sed abite malè ominata verba: illa quoque
Iunonia auis nobis cecinit, *Εἴσαι πάντα καλῶς. Et profectò erunt,

*Hæc me,
malorum
quam
abyssus
panditur?

*Erunt o-
mnia rectè.

si nostri illi bonis prouidisque consiliis vtentur : quibus nimis est opus. Nam affectus & obsequia nostra non adsunt, sed supersunt : adsit ille auriga modò, qui peritè moderetur & temperet, & cui Minerua aliqua (illa illa, vt spero, Isabella) in consilio adfistat. Sanè prudentiâ opus, & si distinguere placet, prouidentiâ, in hoc articulo temporum. quia vt iis qui è puteo extrahuntur, tunc maximè periculum lapsus est, cum ad oras summas venerunt : sic nobis, qui educi iam incipimus, ne à spei culmine ad barathrum * δυσελπίας relabamur. Veta ô magne Deus, & benigno semel oculo Belgas tuos vide. Sed vtrumque cadet, magni animi hoc regis vtriusque factum : illius, qui dedit, huius qui approbavit. & ingens gloria, non esse solùm magnos & felices, sed fecisse.

* de spectationis.

Habere regnum, casus est, virtus dare.

Sed publica sepono, de quibus coràm affatim, quia tu prudens eorum es, quæ ibi acta : nunc audi & priuata. Valemus, vt solemus : id est, viuimus magis quàm valeimus. sed quî noster Couarruua, ille senex senis Homericæ æuo dignus ? sed non etiam Homeri fato, quo tamen audio & doleo eum affectum. O virum corde mihi, non ab annis, sed à lustris iam amatum!

* Quem manibus propriis fuxit cordata Minerva.

* Οὐδ' αὐτὴ πολὺ μιν ἀνέπαλας χερσὶν Ἀθήνη.

Inuideo tibi, qui vidisti & amplexus es, vtinam medio me par illud diuellent! Sed heu, quàm diuulsus à nobis Winckelius ! ô spes & destinationes humanas ! Ille diu luctatus cum suâ sorte emerferat, & iam terram non videbat, sed tenebat : in ipsâ terrâ spei suæ ac nostræ naufragium fecit, atque adeò ipsius vitæ. Nam Genuæ fato suo functum audiuius, & suspiriis prosecuti sumus : quid iuuat? magis hæc vota, vt vir quietissimi animi, in quietis illis locis, fruatur æternâ & beatâ pace. Attu de me etiam audi * ῥήματα ἢ θαύματα? vt ait Orator. In eo sum, si vel leuiter moramini, vt vos in locis iis opprimam. Quî potest? inquires. potest. quia statui ad urbem sacram sub sacrum hunc annum ire, & simul animum à noxis lustrare; simul perfundere eum spectandi illâ honestissimâ voluptate. Spectandi, inquam, & illustres aliquot viros (in iis Io. Ferdinandum Velascium, regiâ ibi vice Gubernatorem) & loca regionefque, antiquitatis gratiâ, sic ama-

* verba, an portentia?

* non si me vel vincula ferrea stringant.

ta nobis & culta. O quàm desidero ! nec mei aut mea teneant, — * ἐδ' εἴτερ τε σιδῆρεα δέσµατ' ἔχῃσι : si tamen valetudo non sistat, illa mea

mea Atē, quæ in turri aēneâ inclusum iamdiu me habet. Quis Iu-
piter liberabit? an ille summus, & sub nouo Principe nouū vigo-
rem dabit? O fiat, & ego te hîc, aut ibi, saluum saluus videam!

Da pater omnipotens, atque istac omina firma.

Vale vir R^{de} & amicissime. Louanij, III. Nonas Sext. ∞. 10. XCIX.

EPIST. LXXV.

Bononiam.

IOH. AB HOLLANDT S. D.

LITTERAE tuæ loquuntur multum te in libris, atque etiam
Senecâ nostro esse: quod ex animo gaudere me fateor, &
gratulari tibi hanc bonam mentem. Si ab vlllo haurienda ea est
(sacra semper omitto:) cum Senecam esse certum habeo. quem
ego nunc meditabar illustratum & correctū edere, & hunc quo-
que fructum dare (pro ingenij mei copiâ) præsentî & futuro quo.
Torus in eo sum. Valetudo autem semper anceps, plurimū ad-
uersa; & vincula hæc euolanti ingenio summus arbiter dedit.
Quid nisi feramus, & ferendo adeo vincamus? quia in pugnam
hanc compositi cum Fortunâ siue Fato sumus: atque vna hîc vi-
ctoriæ ratio est, arma submittere, nec pugnare. Næuius olim:

Pati necesse est multa mortalem mala.

Te in florenti Italiâ esse, gaudeo: florenti ingeniis, pace, opibus.
vide, vt vidisse te olim iuuet: id est, quæ bona, & in rem tuam,
excerpe, cetera nec tange, nec deliba. Nam & rosæ suæ spinæ ad-
hærent: atque illas legere licet, & ab his non lædi. Animus
mihi erat, & acris cupido loca ea reuifendi hoc anno sæculari:
Deus vetat, vt verbo dicam. Vale mi amice. Louanij, IX. Kal.
Octobr. ∞. 10. XCIX.

EPIST. LXXVI.

Bononiam.

FRANC. HOVIO S. D.

TESTIMONIUM hîc tibi curauimus, quod ad parentem mi-
simus, atque ad te per illum. Finem impone, meo iudicio,
& ad nos tuos ex longâ peregrinatione redi. Quod familiariter
mihi scribis de iudiciis ibi aut sermunculis, gratum est, quod ad
tuum affectum: nam quod ad me, ne scire quidem cupio, adeo
non

non diluere aut excusare. Tantum si quid in Religione erit, fortiter purga & pugna, uti debes. Scis enim falsò & infidiosè me peti. de aliis, permitte Fainæ & Posteritati, quæ Genius meus mihi spondet non iniqua. Illi, qui se opponunt, aut sistere conantur benigniorem hunc cursum, nihil agunt: sese edunt aut atterunt, me aut mea non delibant. O quietem in hac parte nostram, & securitatem! Optimo animo feci, dixi, scripsi, quæ vsui reip. aut iuventuti fore censui: si quis meliora se putat posse, largiatur & promat. ego sum inter eos, qui sinum pendent, & supinis manibus excepta in eum recondent. Illud tantum risi de Aristotele. non legisse me? à puero pænè, verè ita dixerim: & scripta mea ubique habent notas. Sed mittamus, illud modò dicito, POLITICA illa iam recusa ante triennium, probata nō nostris modò Censoribus, sed Romanis. An & eos culpant, aut suspiciunt? Improbos, non solum inuidos, si ita faciunt: & quos ego non magis curo, quàm, ut cum Homero hoc dicam, — *ἔι με γυνὴ βέλτοι, ἢ ποταίης ἀφρον.* Quod ad iter meum omissum, Valetudo sola est in causâ: nec aliam tu aut alij quærite, non reperietis. Rob. Titium amare me puto, ex quibusdam publicis eius testimoniis: ego eum video sedulò niti ad attollendam rem litterariam, quæ certè in iis locis (ô mutationes à Leonino sæculo!) nunc squallet & iacet. Fata viderint, tu mi Hovi salve, & per te Io. ab Hollandr, quem amo. Louanij, VI. Kal. Octobr. ∞. 15. XCIX.

* si me
mulier. vel
verberos
infans.

ποταίης ἀφρον.

EPIST. LXXVII.

Toletum.

ANTONIO COVARRUVIAE S. D.

BENEFICAM tuam naturam, ô Couarruuia, qui nec petenti, quid petenti? nec cogitanti beneficium offers: quod & cupiebam maximè, & vsui futurum studiis meis censebam. Accepi enim Græcanicos libros manuscriptos, quos per nostrum Pantinum misisti: quo nomine quantum & animo huic tuo & muneri debeam, lingua & stilus mihi hærent efferre. O cur non pax Europam respicit! cur non maria & terræ apertæ comineantibus sunt! profecto interius votum meum sit, Hispaniam vestram cursum scinèl, & te in eâ, visere: te *(μακρὸν ἀπ' ἀπείρας ἀποστάσεων)* Hispaniæ tui magnum lumen. Pantinum ipsum à reditu nondum conueni:

* valde
hoc veraci-
ter curato.

hauco

CENT. III. EPIST. LXXVIII.

73

haueo valdè, & de te tuifque audire, quæ opto. Ego nunc in Annæo Senecâ eram, & *perpetuum Commentariolum* ad eum scribebam. Scis quid voueam? apud te & in tuâ bibliothecâ paullisper esse. Nam habere te vel à libris, vel ab ingenio, rariora & selectiora, præsertim in *Senecam patrem*, mihi constat. Hoc nunc agebam: postea ad alia me daturus, si vita & valetudo erit. Tibi illam longam, & hanc bonam, merenti à Numine posco. Louanij, xv. Kal. x.bris. ∞. ID. XCIX.

EPIST. LXXVIII.

Patauium.

IO. VINCENTIO PINELLO S. D.

MALO fato & raro factum est, vt vna epistola bis missa nec semel peruenerit. Haud magna alioqui iactura, nisi quòd testimonium cultus mei & affectus retardarit, non tamen oppresserit, vel nunc ecce reuelandum. Nam ego tuum nomen ab adolescentiâ primâ & noui, & amaui, & veneratus adeò sum; vt debui eius, qui virtutem & doctrinam eximiè coleret, & in se haberet, in aliis excitaret. Sunt istæ breues, sed veræ tuæ laudes: quas in his annis & maturiore æuo quia pernoui, magis etiam amo. Si aliqua similis affectus tui scintilla in me; triumpho, non solum gaudeo: & esse cum aliorum litteræ, tum tuæ loquuntur, ante duos menses plus minùs ad me amanter scriptæ. Ergo amare amatum me possum dicere; & vt semper possim, te per Genium tuum Virtuti & Honori sic amicum, rogo. Louanij, Kalend. Decemb. ∞. ID. XCIX.

EPIST. LXXIX.

Patauium.

ERYCIO PVTEANO.

ITA est. fraudes aut iniuriæ in nostris litteris mittendis interueniunt, & pereunt, aut certè eunt; quòd non mittuntur. Per amicos inprimis vide ne vinquam, quas saluas quidem voles. Nam illi aut negligunt, aut resignant & abiiciunt, aut vt optimè cedat, tardè reddunt. De meis ad Pinellum, inprimis dolui. nam diu est, quòd virum illum inter primos Italorum, & qui verâ virtute nitent, habui; eoque amari ab eo, sicut amabam, hauebam.

K

Benè

Benè tamen de affectu cecidit, quem meo parem ais, & ego ex litteris etiam eius vidi. Itaque iterum nunc ad eum scribo, felicius, spero, dandas. Quod ad studia nostra, sum totus in Senecâ Philosopho, quem perpetuo Commentariolo, sed manu facili, illustro aut emendo. Spero grauibus cordatisque viris haud illaudatum hunc laborem, & publicè nec infructuosum fore. De meâ hîc mansione dolere quosdam ibi, non doleo: affectus signum est. obloqui alios fero, etsi scio quòd iniuste, nec nisi valetudo me tenuit toto animo eò anhelantem & propendentem. Quid autem nunc tu? apud illum virum videsis, vt dignum aliquid; tum & illud, vt in gratiâ eius esse perseueres. Mihi crede, verè & sine fuce, magnus vir est. Principes nostri noui hîc fuerunt, iurauimus in verba, publicè coram iis diximus: sed panè ex tempore, cum ipsi paucis horis antè ita imperassent. De successu tamen non queror: tu vale mi Puteane. Louanij, Kal. Decemb.

∞. 10. XCIX.

Carmen mitto, subitò etiam mihi hîc natum inter gaudia publica.

IN IGNES STRVCTOS
INGRESSV PRINCIPVM,
ALBERTI ET ISABELLÆ,
LÆTITIÆ ET AVSPICII
INDICES.

EPIGRAMMA.

AEMVLVS assurgat Phariis vel turribus ignis,
Igne fora, igne via, templa quoque igne micent.
Quæ causa? ignis, amor: flagrant nunc omnia amore,
Princeps, ipsa vxor Principis, & populus.
Ille atque hæc, vtriusque, atque vltimus ille, vtriusque.
Dñ facite, aternum mutuus hic sit amor.

IDEM

IDEM πλατύτερον.

Quòd latis flagrat ignis in plateis;
 Quòd fora occupat, & domus sacratas,
 Quòd domus simul occupat profanas:
 Non miraberis hospes. ecce flamma
 Multa huc vênit. & ipse flamma Princeps,
 Vrit, vritur: idem & eius vxor.
 Ille hanc, hæc magis illum, vtrumque Belgæ.
 Nam suos amat ille & illa Belgas,
 Suos obsequio & fide perenni.
 Quid Belgæ? ij quoque amant & illum & illam,
 Et colunt sibi cælitùs dicatos
 Principes Dominosque. flamma felix!
 Vre atque vrere tu caterua triplex,
 Donec machina dædala ista mundi
 Fatali ruet & peribit igne.

I. LIPSIUS calore deuotionis effudit.

EPIST. LXXX.

GASTONI SPINVLAE S. D.

AFFECTVS quoque meus ferebat, vt tibi valedicerem, & ratio decori impellebat: sed vterque excusamur (ego certè. nam de te nihil opus) cum subitus tuus, & iussu Principis discessus, eripuerit hanc facultatem. Atqui animo officium hoc præbui, & eodem defero tibi & deferam omnem cultum. De **PARTITA** ego iam compingi iussi, vt commodè possit legi. Opus grandiusculum est, nec habeo adhuc quod de eo in alterutram partem dicam. E Senecâ quæ publicè dixi, ea decerpta fuerunt è lib. I. DE CLEMENTIA, Cap. III. verbis, quorum initium: *Illius demum magnitudo stabilis fundataque est, quem omnes tam supra se esse, &c.* Exemplar eorum quæ dixi (etsi subitanea ea, me iudice, non tanti) dedi D. Petro de Toletto, atque etiam Ill^{mo} Legato Re-

K 2

gio

gio, quem virum cum gaudio meo noui : & tibi quoque in parte beneficium hoc debemus . Vtinam Hispania plures tales mittat ! Quod autem de Senecæ libris quæris , quem excellere sentiam ? sunt sanè plerique omnes eximij & vtilis : sed EPISTOLAE tamen, meo animo, eminent : deinde DE CLEMENTIA libri duo : tum DE TRANQVILLITATE ANIMI, & vno verbo ceteri vix infra istos . Magnus & magni animi ille vir fuit, & hunc certè lectoribus suis infundit . Spero me breui publicaturum eum , cum nostro Commentariolo , qui vobis lucem plerisque locis dabit . Nam adstrictum scribendi genus habet , eoque subobscuro . Ill^{me} Domine , tuum me cense & tuorum , quibus obsequia mea defero , nominatim Dominæ & liberis . Louanij, IIII. Non. Decemb. ∞. 10. XCIX.

EPIST. LXXXI.

Bonomiam.

CAROLO LAFAILLIO S. D.

QVAE à Titio misisti, lubens vidi : sed vidi adhuc tantum, & celeri oculo libaui . Placent . & ego pariter mea misero, cum noui aliquid erit . Senecam in manibus habebam , Commentariolo perpetuo illustrandum : & intra paucos menses videbit lucem, si tamen tam diu ego . Quod ad imaginem nostri, ego Velio eam mitto, cum breui epistolio . Sed heus tu, nos hîc in triumpho . Principes Louanij fuerunt, solennia auspiorum fecerunt , Scholas quoque viderunt , & me audiuerunt dicentem . Rarum exemplum & nobile in feminâ . nam & ea interfuit , & tota illa ** iuuenioris* . Subita tota res fuit , nec meditationi nostræ spatium : sed Deus adfuit , & illo propitio , Principes habuimus propitios & volentes . Houius noster mihi scribit de quorundam ibi parum dextris iudiciis aut vocibus , & præsertim super nostrâ hîc mansione . Nolim vos contendere , nec protectores mihi esse : quid enim opus ? nec sentio illa tela volatica ; & nec lædar , si sentiam . Qui in publicâ aliquâ famâ sumus , aut vtramque excipere debemus , aut nullam : & fati , si melior præponderet . O ita sit, & hæcenus certè sensi . Vale mi amice . Louanij, postrid. Nonas Decembr. ∞. 10. XCIX.

** mulieris
ætas.*

EPIST.

EPIST. LXXXII.

Bononiam.

IULIO CAESARI VELIO S. D.

AMOREM tuum video, mi Veli, & parum sum qui sum, id est, humanitatis & virtutis studiosus, nisi eundem tibi reddam, & æquâ, nisi fallor, lance. Non nego erga plures mihi hunc affectum esse: sed ut sol radios latè emittit, & lucis nihil amittit: sic ego amoris, ut ita dicam, hos radios variè spargo, & lucere aut ardere ipse non desino. Petis imaginem meam mitti, inter illustres viros ponendam. illud facio, hoc non postulo, imò nec mereri me planè scio. Sumus aut erimus, quos fama nos esse & æternans ille Genius volet. at illud mihi vindico, toto puroque animo ad bonum publicum propendisse, & dotes ingenij mei (quas ille **δωτὴρ ἐαλὼν* dedit) huc contulisse. Nec queri adhuc de beniuo-
* *beniuosus*
ator, id
 est Deus.
 lentiâ publicâ possum: etsi interueniunt etiam Aquilones aliqui aut Noti, qui secundantes & suauè spirantes Fauonios istos turbant, nec tamen pellunt. Parùm est, nihil liquidi in rebus humanis: in alto hoc erit, quò te meque, mi Veli, Altissimus ille & *ὕψιστος* ducat. Louanij, postrid. Nonas Decemb. ∞. IO. XCIX.

EPIST. LXXXIII.

BALTHASARI DE ZVNIGA, *Legato Regio.*

LITTERAS quas Antuerpiâ ad me, sanè quàm beneuolas misisti, lubens legi, & gratulatus mihi sum de serio tuo in me affectu. Ut utar eo, rogas. & quidni faciam, si occasio sit? Sed meæ res & vita, ut scis, in tranquillo consistunt, nec spes meas aut vota ad magna aut longinqua mitto. Hæc est felicitas mea, in paucis esse felicem. Studia solita me habent, & nunc totum **SENECA**: quem breui, sed perpetuo, Commentario illustratum dabimus cum publico, ut spero, fructu. Interea fortasse breuiculum aliquid ad novos nostros Principes: & id ex occasione natum, quòd audiendi nuper nos honore in publico affecerunt. Concepi, si pergo & perago, inter primos scies. Gaudeo conuentum à te P. Schottum, veterem amicum meum, & ante annos xxv. etiam hîc auditorem. Sed & Antuerpiam placuisse, & eius pompam, gratum est, nec tamen nouum. Præsumebam enim

K 3

animo

animo omnia splendida & decora, & ab ingenio ciuium, & à genio ipso vrbis: quâ vnâ gloriari Belgica nostra potest, ocello & velut gemmâ in hoc orbe terrarum. Librum, cuius mentio in ADMIRANDIS, hîc adiunctum Ill^{mo} Domine habes. Illo meisque (quicquid erit) vtere; & me, si non ex merito, ex benignitate tuâ ama. Louanij, x. Kal. Ianuar. anni noui ∞. DC. quem votiuum decurrere tibi, Numen precor.

EPIST. LXXIV.

NVNO MENDOZIO *Lusitano, à cubiculo Principis.*

AFFECTVM tuum, qui ad scribendum impulit, quomodo non gratum habeam? Ego verò valde ab humanitate, & iis studiis quæ profiteor abeam, nisi & illum amplectar, & meum vicissim tibi reponam: quod facere me, hâc scriptione sedulò testor. Pauci profectò sunt, & præsertim è vestrà nobilitate, qui optimis honestissimisque studiis se applicant: & vestra etiam gens magis adhuc armorum gloriam æmulata est, quàm Musarum. Itaque eo magis amplectendi & æstimandi nobis sunt, qui vestrùm amplectuntur eas & æstimant: etsi fructus vobis est, etiam sine approbatione aut iudicio nostro. Te & animum tuum appello. scio internâ & solidâ voluptate perfrui, cum ad amœnos illos hortos, vt sic dicam, Musarum diuertis: atque ibi lectione aut meditatione pascaris rerum vel elegantium, vel sublimium, & à profano isto vulgo remotarum. Nam de prudentiâ, imò & sapientiâ, quid dicam? quæ originem & fontem istum habent: sicut & ipsa probitas, & honesti amor, siue à præceptis illis saluberrimis manat, siue à pulcherrimis exemplis. Itaque gratulor tibi, Vir Ill^{mo}, verâ nobilitate dignam hanc mentem: & felicem prædico, qui præceptorem habueris melioris mentis ac iudicij virum, qui ad meliora & altiora hæc duxit. De me verò sic statue, & amantem vicissim tui esse, & cupidum etiam videndi ac fruendi, vbi prima occasio erit: quam post istas peregrinationes Principum aut inueniam, aut faciam. Vale. Louanij, x. Kalend. Februar. ∞. IDC.

EPIST.

EPIST. LXXXV.

Romam.

GASPARI SCHOPPIO S. D.

ROMAE te esse mi Schoppi, & gratulor & gaudeo : Romæ, id est, in luce illâ gentium, in arce olim imperij, nunc pietatis. Quam pietatem veterem & puram te amplexum esse, quis non in tali indole atque ingenio gaudeat? Macte adolescens, decurre hanc viam, quæ & hîc gloriam tibi pariet, & postea illam æternam. Quod calamum autem stringis in illos qui deflexerunt; facito, sed (meo monito) cum modestiæ semper, imò & amoris, erga eos notis : ut allicias magis quàm alienes, & docere videaris non pugnare. O utinam plures è tuâ Germaniâ æmulentur hoc exemplum ! regione semper mihi amatâ, ob gentis ingenium naturâ rectum, probû, & virtuti candidæ amicum. Deum ex animo precor eam respiciat, & caliginem hanc nebulasque nuper offusas dispellat. De ADMIRANDIS meis illuc recudendis, fiat ut vobis & magnis ibi viris (ita scribis) visum: sed exemplar secundæ editionis tamen sequendum sit, in quo & mutavi aliquid, & auxi. Mutavi autem de Frumentatione, in quâ fortasse aliquid parum ** pieretlos* dixeram, nec firmo auctoritatum fulcro ** ex modo.* nixum. Sed & quædam alia infirmiora stabiliui: & omnino ea vobis habenda, atque vulganda sit. De rebus tuis scire aucto, satis ne ex voto fiat? spero, neque Romæ certè defuerunt unquam, qui ingenia talia fouerent attollerentque. Raphelengium utrumque nostrum, si illic, saluere velim: & te longum, mi Schoppi. Louanij, in acri frigore & insolenti. VII. Idus Febr. ∞. 100.

EPIST. LXXXVI.

Romam.

ASCANIO COLUMNAE, S. R. E. Cardinali.

TARDE admodum in manus meas Oratio tua venit, in Hispaniarum regis funere scripta; & ideo excusandus sum, si tardius de eâ scribam. Gratam fuisse & ipsam, & hunc animum in metuum siue iudicium, quidni fatear? & legi auidè, & quid censeam, breuiter & aperte dicam. Video inuentione fecundam esse, ordine dispositam, verbis figurisque politam, numeris rotundam, membris & periodis suis plenam: atque vno verbo, magno

gno vel Oratore, vel Rege dignam. Hoc magis, quod à te scripta. id est, viro loci generisque dignitate inter Principes, in assiduis arduisque semper occupationibus: ut concipere vel conari talia, admirationem habeat; quid sic agere, quasi vnum hoc ageres, & semper egisses? Felicem ingenij prædico, & Romam illam vetere dignam prolem: hæc quidem in parte. Nam & nouam hanc etiam ornas, & pietatis munia, quam dote commendatur, ipse usurpas, atque illustri exemplo aliis præis. Audio iam nuper adeo, augustis illis sacratisque mysteriis initiatum esse: quod gratulamur, & toto animo faustum ac salutare comprecamur. Simul illud optamus, plures eiusmodi in hoc Christianæ reip. ædificio **COLVMNAS**: quod si esset, turbines isti ventique parum in illud posset, qui nunc quatunt valide & mouent, præsertim in misero nostro axe. Deus sedabit, cum volet, & Te Ill^{me} & Reu^{me} Domine, longum bono publico, & decori tui ordinis seruabit. Louanij, VI. Idus Februar. ∞. 1500.

EPIST. LXXXVII.

Romam.

NICOLAO MICAVLTIO S. D.

AMARE debeo diligentiam tuam, natam haud dubie ex fonte affectus, vel potius amoris. Semper à te litteræ, semper gratæ: etsi vereor ut paria faciam, aut facere possim (nostri occupatiunculas) in respondendo. Nam de amando, securus esto: vel æquo, vel antecedo. N. N. litteras tandem vidi. nihil secreti aut magni erat, cur opus illo à Secretis tamdiu expectato. Sed quisque ut voluit. ego vana, aut quæ eò inclinant, aspernari incipio, & vela minus minusque pandere non dicam ambitioni, sed famæ. Quid hæc omnia sunt, opinio, laudes, elogia? venti. In quiete maneamus, quæ à Deo & virtute sit: & huic cibum litteras, aut sapientiæ potius studia, demus: in quibus nunc sanè eram. Nam Senecam totum edere parabam, perpetuo Commentariolo illustratum, atque ipsum & verba eius imprimis correctæ & probe distinctæ. Gaudebo, si absoluero. Præmisi autem (ita volentibus amicis) *Dissertatiunculam ad Principes extemporaneam*; & ut huic breuiculæ & leuiculæ pondus adderem, adiunxi *Panegyricum Plinij*, immortalis opus, item Commentariolo illustratum. O legant Principes, o delectentur, & æmulentur! Sed quando
tu ad

tu ad nos ? iam diu animo te reuoco, & nunc etiam hoc calamo: redi ad nos tuos. satis visioni, satis & religioni est datū. Ad Card. Columnam litteras misi per nostrū Houium, qui serio à me ad illum Principem petebat. Non dubito quin & te conuenerit (nam ad te prius ire iussi, siue monui:) & epistolam illam iam destinabit. Quod ad Pigafettam, seorsum hîc habes quod ei legas. Vale mi amice, & saluent à me Lombardus & Desboysius. Louanij, III. Kal. Mart. ∞. 100.

EPIST. LXXXIIX.

BALTHASARO DE ZVNIGA, *Legato Regio.*

CVM meus iste Bruxellam irer, litteris salutem libare tibi libuit, & reditum gratulari ex peregrinatione, quam cum Principibus nostris obiisti. Quid reditum ? an & abiturum precari prosperum, nisi fama nos fallit ? Nam ea nobis insuffurat, parari conuentum & actionem super pace Britannicâ, atque ei te quoque inter primos interfuturum, aut præfuturum, ut locus iste est, quem tenes. Si hoc sit ; toto animo precor, & exitum eius rei tibi gloriosum, & patriæ salutarem, quæ profectò & consiliis & solatiis, si vnquam, eget. Ego, quod nuper scribebam agitare me, nunc decreui, & ad Typographum *Dissertatiunculam* meam coram Principibus misi, tum etiam (ne per se leue illud munus sit) *Plinij Panegyricum*, breui Commentariolo illustratum, quem Traiano dixit optimo Principum, & claro fideri gentis vestræ. Rogo te, Ill^{me} Domine, ut vel hac causâ opusculo meo faueas; tum & illâ, quod auditorem te illius *Dissertatiunculæ* merui, & postea approbatorem. Librum *De officiis aule Constantinopolitane* nuper misi, & spero recepisse : mittam & mea, siue ad præsentem apud nos, siue & absentem, si vera fama est, quam talem opto. Louanij, Kal. Mart. ∞. DC.

EPIST. LXXXIX.

Salamanticam.

EMANVELI SARMIENTO DE MENDOZA,
Doctori Theologo.

TALES ne epistolas exiis oris, & à Theologo ? Plures accepi, fateor, & amicos illic alibi habeo : sed Deum testem inuoco,

uoco, non aliud scriptum litteratius, aut tersius, & toto genere eruditius vidisse. O pax, cur nos non aspicias? ego per te profecto tales viros, & doctrinæ & mihi sic amatos & amicos. Sed iactamur verteribus illis procellis, nec duo illa sidera adhuc sedarunt, quæ Hispania vestra misit. Fatales & diutine nostræ turbæ, inter alia mala cladesque, hanc occultam perniciem intulerunt, spernendi Pacis omnes artes: id est, nostra studia, quæ, mihi crede, à paucis vel per paucis potius, hic non dicam coluntur, sed æstimantur. Atque ut est rerum omnium orbis, futurum video atque auguror, atque etiam opto (cur dissimulem?) ut ad vos & longinqua loca migrent: loca iam olim sic feliciter illis infessa: & quis Graciæ Helicon aut Parnassus, super priscam Hispaniam fuit? Scripta & diuina illa monumenta loquuntur æternorum ingeniorum: in quibus Seneca, quem nunc cum maximè in manibus habebam, & perpetuo Commentariolo illustratum ibam. Cur non auidè & pænè iustè hoc facerem? Dederam Tacitum, prudentiæ (tuo quoque iudicio) patrem: debui, certè volui, & Senecam, sapientiæ fontem. Sed de Tacito, dici non potest quàm metua elogia delectent. Nam quosdam esse, qui pressum illum eunt vel abiectum, non ignoras: à quibus ita dissentio, ut æternæ Prouidentiae beneficio datum, seruatumque in parte scriptorem illum arbitrer, ad ingenia & consilia vel illustranda vel dirigenda. In eum quas Notas commentatus es vidi, & subtilitatem vbique, iudicium non semper (verum amo dicere, & tu audire) probaui. Nam scalpro aut cultro nimis interdum indulgere mihi visus, nec auisim sic recidere veteres omnes membranas. Franciscum Sanctium Brocensem, iam anni multi sunt, cum noui, amo, colo. Probitas & eruditio viri merentur, & te rogo nō salutare tantum, sed collum illi inuadere, & pro me amplecti. Ille Mercurius, ille Apollo est, Hispaniæ vestræ. atque vtinam multos excitet trahatque ad splendoras verasque artes; neque armis tantum, ut semper, sed ingeniis etiam, ut olim, floreat ille tractus! Vale vir Reu^{de} & Eximie, cum quo amicitiae fœdus libens iam nunc coëo, non nisi cum animâ (si tu voles) discingendum. Louanij, prid. Idus Mart. ∞. 100.

Qui has defert, honestus est vir, & inter meos Auditores, nunc Licentiatus iuris. Pater eius, inter primores Aulae administratos, ad visendam Hispaniam ablegauit. Amplectere.

EPIST.

EPIST. XC.

Romam.

IOANNI BAPTISTAE HANSENIO S. D.

GRATVM est, quòd scribis mi Hansenì, neque ingrata quæ scribis. Primum illud, de viro summo (ita loquendum est) in cuius contubernio agis, valdè tibi gratulor, & tu diuinum hoc beneficium habe, & fruire æterno tuo bono. Affectum autem eius quòd etiam in me nuncias, iam ex litteris eius didici: & gaudere me in eo fateor, atque adeo exsultare. Nam is sine meliore aliquo iudicio de me esse non potest: cui autem magis probari optauerim, quàm viro quem Deus hominesque iuxta probant? Pluris hoc mihi, quàm Principum isti aduentus, vel interuentus, in Scholas nostras: quibus tamen quæ tunc dixi (etsi pauca sunt) iam vulgamus, cum *Plinij Panegyrico* addito, quem leui manu illustramus. Ipsum opus Plinij nouo Principe dignum: atque vtinam legat, capiat, obsequatur! Heu, consiliis in hoc statu rerum quàm egemus! Quid statu dixi? fluxu debebam. ita res nostræ labuntur, & nisi Deus sistat, iam ruunt. Sed in eo, in causâ, in Principum pietate & probitate (vtramque vterque habet) confidimus: & quanquam initia vacillant, paullatim res & consilia itura in exitum meliorem. Hæc mœsto oculo sæpè aspiciamus, & quietæ Italiæ vestræ desiderium redit: sed quid dicam, nisi iniectâ manu sisti & teneri me à Fato? Ita valetudo, amici, alia interueniunt, quæ iam in procinctu parè arcuerunt vel arcent. Itaque omitto, mente & cogitatione adeo, & eâ sæpè me oblecto. Officia quæ defers, & præsertim in Vaticanâ Bibliothecâ, non refuto, imò in tempore fortasse vtar. Nunc quidem in Senecâ eram, cuius exemplaria plura vidimus, & alij alibi: nec operæpretium sit te inspicere, nisi vnum aliquod sit eximie notæ. Quòd autem iniicis de loco honestiore dextro, in Electis à me scriptum: non muto equidem, etsi concussit me tamen ille tuus, & Becani hâc in re, patronus. Sed quædam à nobis ita palàm sunt, vt refelli vix videantur. sicut illud de *Latere claudendo*, quod certò est sinisterioris, & minùs honesti. Docui ibi ex Suetonio & Eutropio: & adde, si vis, veterem Iuuenalis Scholiasten à Pythæo editum, qui in hunc versum, *Dinitis hic serui claudit latus: Aut in medium* (inquit) *seruum mittit, aut in sinistra ambulat.* Iudæos

L 2

dæos ita habuisse olim, Sacra docent: & Christianos veteres, nisi fallor, D. etiam Maximus Episcopus Taurinensis, in Homiliâ de Sanctâ Pentecoste. Scribit ad verba illa, *Dixit D.D. meo. sede à dextris meis: Cur autem ad dextram filius esse dicatur, moueat aliquem fortasse. Licet enim dignitatis gradus non sit, ubi plenitudo est diuinitatis; tamen ideò ad dextram sedet filius, non quò præferatur patri, sed ne inferior esse credatur.* Et statim: *Pater Christo filio throni sui offert SVBLIMEM confessum, & HONORIS gratiâ ad dextram suam illum æternâ sede constituit.* De Ouidij versu scripsi in Electis, quæ visa: & ægrè muto ob Horatij illû — *nec tamen illi Tu comes exterior, si iusserit, ire recuses.* Vbi exterior palàm est inhonoratior: ergo cōtra, interior. Alioqui valdè placeat illud Vaticanæ codicis, *anterior.* Sed in Electis meis recusis, aliquid etiâ refinxi, postea tibi videndum. Hæc, si tanti, diiudicet ille magnus arbiter, à quo non appello. De Gallorum in nos bello quod scribis, nihil equidem inaudiui: nisi quòd N. N. quædam in me dictoria iam pridem legi. Sed ille in me ita ex superuacuo & sine causâ incurrit, vt credam hoc ipso minùs grauem gratumque iis esse, quibus antea fuit. Equidem nec læsi nec lædam quēquam. pacis ingenium habeo: si me alius, videbo. & in leuibus, silentij tenorem seruabo: si quid grauius aut dignius, fortassè rumpam. Vale, mi Hanseni. Louanij, vii. Kal. April. ∞. 100.

EPIST. XCI.

GASTONI SPINVLAE, *Gubernatori Limburgensi.*

DOLEO, & parè indignor, me præuentum rogatione tuâ, in re quam sponte & vltro faciebam. An non libri mei exemplar ad te mitterem, vt soleo, atque etiam (ita loquor) vt debeo? Nam beniuolentia certè tua in me insignis, & palàm testata, ita postulat: & mea etiam obseruatio, & tui cultus, impellebant. Faciebam ergo vltro: sed cur distuli? simpliciter rem dicam, quia pauca exemplaria compacta &, vt sic dicam, vestita habebam: nudum autem mittere verecundabatur. Quid, quòd nec ad Principes alios viros nisi (Legatum Hispaniæ excipio) ad quos solebam? Itaque de morâ ignosce & fac mihi gratiam: quam aliàs fanè libens emendabo, cum videam lucubratiunculas nostras sic gratas

gratias tibi esse, non à sui pretio sed accipientis affectu. Quòd porro Spadam aut & Limburgum tuum me inuitas : mentiar, nisi dicam me velle, aut potius gestire. Sed quid promittam? omnes pericula mihi obiciunt, & liberas grassationes hostium in Eburonum solo. Neq. nego terreri me, vt qui semel periculo nimis fuerim propinquus. Tamen valetudo mea anhelat ad illas salutare Aquas : etiam ad te ego Ill^{me} Domine, & cupiam pasci ac refici suauibus simul ac prudentibus sermonibus tuis. Nam ista, quæ in rep. nostrâ video, haud sanè vsquequaque mihi placent : & loquamur liberiùs de iis, quàm scribamus. Vale cum Dominâ & liberis, quos Deus corpore atque animo attollat. Louanij, viii. Kal. Iunij, ∞. 100.

EPIST. XCII.

Romam.

FREDERICO BORROMAEO S. R. E. Cardinali.

SICVT Telemachus ille, apud Homerum, Nestorem videt & affatur cum subductione & pudore, sed incitat & persuadet Minerua : sic mihi fit in isto alloquio, quod etsi non primum ad te, tamen cunctanter profero, nec nisi Micaultio incitante. Ille à te recens, de puro affectu tuo in nos ea rettulit, quæ suauiter in petus hoc illapsa me recrearunt : & simul impulerunt, gratias has & preces ad te deferre. In præteritum, gratias; in futurum preces, vt sic in me perseueres, non mei meriti, sed constantiæ tuæ, causâ. Nam de me quid dicam? nisi aut à famâ te, aut tuâ benignitate falli : qui parum ex propinquo me aspicias, & in lumine clârò cernis. Sicut eminus stannum, argentum, plumbum, conspicienti eadem videantur, ad motus discernat : sic vereor vt in meis dotibus, & longinquitas pretium iis addat. Itaque cautè à me factum igitur, qui venire ad vos distuli, & conspicuum me dare : manete in suauis mihi errore, & vel immerentem amate. Etsi quid mentior? nulla hîc cautio. ardor est, qui fuit : sed valetudo intercessit, & alas mihi iam subuolanti incêdit. Itaque, vt iterum ille Telemachus,

* Η^ςο μὲν ἐν μινυήρσι, φίλον πετιμένον ἦτορ :

sic ego istic maneo, non procis tamen, sed procacibus militibus circumuallatus, qui nos & nostra valdè turbant. Audistis, ne

L. 3.

sentire

* Ipse procos
inter me-
renti corde
sedebat.

sentire vobis sit, & vt tibi Ill^{me} Domine longum valere, supremum numen precor. Louanij, IIII. Idus Iun. ∞. 13c.

EPIST. XCIII.

Romam.

PHILIPPO PIGAFETTAE S. D.

LITTERAS à te legi, quas ipsa Humanitas tibi dictauit. Quidni autem benignè ita scribas, qui benignè in me & famam meam is consultum? Nam MAGNITVDINEM nostram ROMANAM significas te vulgare in Italicâ vestrà linguâ: quod iam aliunde didiceram, sed libentiùs certiusque te nunciante. Mi Pigafetta, an mereatur à me hunc laborem, nescio: à se meretur, & quamuis fidenter apud te, eius scientem & amantem, dicam. Ecquando tale, tam diuturnum, tam compositum imperium aut fuit, aut erit? Vel illa res argumento, quòd plerisque logos & fabellas narrare videmur: nec verisimilia quidem adferre, cum vera, & vt sic dicam, oraculis certiora dicamus. Incomprehensa est (de vulgaribus ingeniis loquor) illa MAGNITUDO. Quid de vulgaribus? me ibidem pono. Omnia feci, culmen non attigi. sed tamen vt in magnis signis, vbi caput non est tangere,

Ponitur hic imos ante corona pedes:

sic ego ingentem illam Romam veneratus, fertum hoc ingenij vel ad pedes eius consecraui. Tu aut alius caput ei coronabit. Sed tu tamen ista magnificas & attollis, & eminere inter scripta nostra, vt Homeri illam Nausicaam (eâ imagine vteris) inter alias virgines censes. Nescio, & velim, pro affectu meo in Romam, ita sit: tamen hoc scio, plusculum me iudicij & dispositæ collectionis in hoc opus contulisse, quàm celeri mente aut oculo aliquis arbitretur. Qui insistet & rimabitur, non culpabit. Nisi quòd quædam tamen omissa etiam nobis, quorum partim in secundâ Editione (eam habere te velim) iam addita: partim in sequenti addenda. Sicut illud, pro ambitu magno vrbis. quod Plutarchus in Niciâ scribit, *urbem Syracusas fuisse Athenis non angustiore*: atqui Syracusæ CLXXX. stadia in ambitu habuere, Strabone teste: ergo & Roma, quam cum Athenis Dionysius comparauit. At enim illa tot stadia iustè efficiunt XXII. *milliaria illacum semisse*, à me adstructa. Item de numeroso illo populo (in quo passim audio abnuere, etiam qui obloqui non possunt:) de illo,

illo, inquam, Suetonius valde affirmat, sed me emendante. Leges in Nerone eius, cap. xxxix. inter magnas rarasque clades, *Pestilentiam Romæ vnius Autumnus, quâ triginta millia funerum in rationem Libitinae venerunt.* Tuam sagacitatem! hæccine res magna aut memoranda, toto Autumno in tantâ vrbe? Ego adfero, & res est, in vnâ aliquâ nostrarum vrbiū hanc pestilitatem, in paucis mensibus, sic fuisse. Ne ambige, quin *trecenta millia* scripserit: & meis, si voles, in fine Dialogi III. lib. III. adde. Sed & percussit quosdam de laxitate domorum, quod scripsi lib. III. Dial. ult. Audiant Senecam: *Non habebant* (prisci illi) *domos instar vrbiū*: vt nos scilicet habemus. Iterum audaciū: *Aedificia priuata, laxitatem magnarum vrbiū vincentia.* Plura sunt talia: & tu à te, atque aliis ibi fortasse, quædam habes, me volente inferenda. Nam iuuari, moneri, doceri, cur abnuam? à quocumque volo: & cum Euripide,

* Παλαί ποτ' ἐστὶ τὰτ' ἐμοὶ δεδωμένον.

Hoc etiam, te talem amare, atque adeò colere, inter eximios Italiae foetus. Non enim lectio tibi solum multa, sed peregrinatio dedit: varia & multiplex, vt audio, per Europæ nostræ, atq. etiam Asiae oras. Fauco. tu nobis priuatim & publicè: id est, me ama, me cum aliis doce. Louanij, prid. Kal. Sextil. ∞. 100. Haud absimili sententiâ (non verbis) epistolam à me aliam habes: si tamen accepisti. Si non, prouidè hæc submissa.

*Dudum
ista sedit
animo huic
sententia.

EPIST. XCIV.

Hispalim.

IOANNI WOVERIO suo S. D.

O VOLVPE mihi, te esse saluum! ô magis, te animo esse sanum, nec inter inepta, vana, improba pollutum! O sic semper, ô magis magisque ad illa pura, æterna, alta: quò melior Deus & natura tua, addam & institutio mea, vocarunt. Mihi hoc nunc crede vsu perito, quò magis te in hoc salum vitæ penetrabis, amara plura reperies & quæ accescant: quid remedij? scire, spernere, & Sapientiæ decretis se munire. Vt Vlyssi illi naufrago Leucothea vittam sub pectore ponendam dedit, quâ tutus à turbine & tempestate esset: sic tu hâc Sapientiæ te præcinge, & audies — * ἐδὲν τοι ἀσθένει δέσῃ, ἐδ' ἀπολέσθαι. Sed hæc domi olim sapius: ^{*nil vereare pati, nec} ^{morto perire.}

sapius: at nunc recole. & quando iterum licebit? quando vultus & sermones iungere? Pænè diffido, cum valetudinem meam video, quæ præcipitat & ruit ad metam. Itaque & de *Senecâ* pænè diffido, etsi medium opus pereginus: imò nihil etiam egimus (ita mea sunt) nisi extrema hæc manus accedat. Patria videtur animam agere, ita consilia omnia Principum & optimatum ferrox miles turbat. Plura nolo, nec te suadeo ultra tam liberè quàm nuper. quid si recludantur? non quia improbi aliquid (abest ab utroque nostrum) sed quævis liberior censio odium hodie habet. At nos æternum inter nos amorem, & sic mihi vale. Louanij, III. Idus Iunias, ∞. dcc.

EPIST. XCV.

Romam.

CAESARI BARONIO, S. R. E. Cardinali.

PIETAS, & quidem duplex, hanc scriptionem à me expressit: siue quam Deo, siue quam Patriæ debemus. Sacrum Iulianum annuū qui obire in ipsâ Vrbe & sanctis locis non potuere, siue morbo, occupatione, inopiâ, aut alio vinculo impediti: benignitas S. S. Pontificum iis quoque, iam more veteri, subuenire consuevit, & Iubilæum ad alias exterasque oras propagare. Opus datim solet institui. & quia Louanium nostrum, & inter vetustissimas Brabantiae vrbes est, & religionem veram & priscam semper (quod non aliæ) habuit illibatam: videtur mereri prærogatiuam istam, vt sacri illius beneficii publicatio illuc instituat. Senatus & Academia valdè velint, & apud S.^m nostrum agi per certos homines procurarunt. Sed quia commendatio etiam vestra, Illustrissime Domine, facere huic negotio potest, & me aliquid apud te posse censuerunt: rogarunt, & rogo, vt suffragij tui calculus piæ petitioni accedat, & nos publicis meritis iamdiu obstrictos, etiam hoc priuato arctius velis deuincire. Ill^{mc} & Reu^{mc} Domine, Deum precor, te Ecclesiae suæ, magnum & rarum lumen, diu lucere patiat. Louanij, VI. Idus Sept. ∞. dcc.

EPIST.

EPIST. XCVI.

*Vlyssiponem.*EMANVELI CORREA *Lusitano.*

ET epistola tua me exhilarauit ac diffudit (ita loquor) & is qui eam dedit Nunus Mendozius, olim in tuâ disciplinâ. Nam epistolâ tuâ quid mei amantius? quid in iudiciis honestius? ut ruborem mihi lectio panè incuteret, naturâ modesto, & gnaro alioqui non esse in eo culmine, in quo me ponis. Sed ponis per amorem: nec iudicij tui censeo hunc errorem. Iam ipse nobilissimus vir qui attulit, scriptione mihi antea notus, sermone se, & addo gestu ac vultu ipso, probauit: planè melioris commatis ac monetæ, ut Græci loquuntur, & qui genus suum illustret atque etiam gentem. Gentem illam vestram dico, id est, Lusitanos: iam olim armis, inò & litteris inclytos. quas primus Sertorius intulit, & Græcis iis Latinisque (Plutarchus auctor) imbuit vestram iuuentutem. Crede mihi Correa, semina eius instituti etiam nunc fructificant: & ardet in animis vestris semel accensus honestior ille ignis. Audimus certè, non in alio Hispaniæ tractu magis veteres artes coli: & exempla ac scripta sunt, quæ ad nos quoque manant, & testantur. O Deus, cur bella in haud magno intervallo nos dirimunt! terras & maria intuta reddunt? Absque iis esset; iamdiu in voto, nunc in leui habeam, ligneo equo ad vos currere: videre loca & homines, in quibus bona & boni, atque etiam ego sic amor. Te mi Correa videam, pectori applicer, collo adstringar. atq. ipsâ hâc cogitatione liquefco & moueor: quid si re frui detur? Sed ut tempora fluere, ut meam valetudinem labi video: nō dabitur, nec nisi sub umbrâ voluptatis hâc ludam. Sed tamen hoc datur, animis adire, affari, iungi: id est, optimâ & celesti illâ parte nostri, à quâ est, si quid in me amasti. Et hanc igitur veloci alâ iam nunc ad te mitto, & pangere iubeo

Fœdera, non vllâ dissoluenda die.

Vale vir optime & doctissime, Louanij, viii. Kal. Nou. ∞. 100.

EPIST. XCVII.

CYNTHIO ALDOBRANDINO, *Cardinali tit. S^{ti} Georgij.*

EFFABOR ex animo, Genium aliquem videri mihi impulsorem esse ad te scribendi. Bonum haud dubiè, ad omnium

M

vocibus

vocibus sic bonum, & qui eximiè vnus retinet priscam & Romanam illam non probitatem solùm, sed libertatem & candorem. Ita ad me omnes qui illinc veniunt, qui illinc scribunt: & addunt, quod propriè me tangit, inclinantis tui animi in me affectum. Beatum me qui habeo, nec merito vllò meo conciliatum, sed tuâ benignitate oblatum. Sicut arbores fructibus grauidæ inclinant ramos & demittunt, & offerunt carpi: sic vos isti verâ virtute vberes, & beniuoli & benefici vltro estis, & inuitatis ad fruendum. Ego verò & coràm frui, & videre, hoc anno sacro Sæculari censebam: Deus aliter, qui tenuit, & Valerudinis hoc vinclo ligauit. Venit tamen iste è disciplinâ olim meâ Io. Hemelarius, gente Batauus, mente & pietate Romanus: quem ego ferio commendare ausim (apud viros Principes quâ fallam?) & ingenij doctrinæque titulo, & edecumata, vt sic dicam, honestatis. Rogo, Ill^{me} Domine, in hanc quoque fauoris tui libra deuegat: sed in me maximè, eius si non merentem, certè cupientem, & fide atque obsequio semper meriturum. Deum testem aduoco, & eundem Ill^{me} & Reu^{me} Domine, virtutis tuæ atq. æui propagatorem. Louanij, vii. Idus Septemb. ∞. 1566.

EPIST. XCVIII.

Romani.

ROBERTO BELLARMINO, S. R. E. Cardinali.

GRATVLARI non tibi, sed nobis & Ecclesiæ dignitatem tuam & hanc purpuram, animus iamdiu fuit, nondum occasio: & fateor me inter eos esse, quos Verecundia aut Modestia continent, nec temerè prorumpunt. At nunc os & stilum mihi soluit adolescens iste quem vides, olim è meâ disciplinâ, qui inter omnes te elegit cui vellet offerri & commendari. Facio libens, & pænè dicam securus de successu. quia ingenium eius noui, industriam, progressum in optimis artibus, & addo (caput rei) probitatem morum, cum puritate religionis cõiunctam: quæ omnia amari à te scio, & in titulis laudum spectari. Fac periculum Ill^{me} Domine, plura prædicatione meâ reperies: & in ipso homine nescio quid venustum & lepidum, quod occulto velut vinclo ad se ducat. Quòd si fortè ad alium eundum sit, rogo vt fiat te auspice: ego me & debiturum gratiâ fateor, & fortasse (liberè dixerim) cum mihi, qui me tradente compos gemmulæ huius erit. Sed, quod

quod initio proposui, ego Ill^{me} & Reu^{me} Domine, honorem hunc tibi corde gratulor, non donum, sed præmium: & Deum rogo, velit te in eo Ecclesiæ suæ tutorem & vindicem diu superesse. Louanij, vi. Idus Septembr. ∞. 1500.

EPIST. XCIX.

Hispalim.

IOANNI WOUERIO suo.

TRISTE mihi (rarum in tuis litteris) quòd significas meas non accepisse. Scripsi tamen, & bis quidem in Hispaniam. Ad te neglegere? è tuo affectu puro sinceroque noris & æstima meum. Itaque nec excusatione vtor, quâ iure apud alios, Occupationis aut Valetudinis: tu mihi eximius, & nescio quomodò animo huic insitus es & innexus. Semel dictum, semel crede. At gratum, quòd iam arrideat magis illa ora: gratissimum, quòd Sapientiæ studia non deferis, solum nepenthes in tristitiâ huius æui. Perge, perge mi Woueri, alta aspice, & vnde veneris, quid veneris, seriò attende. Cælestis tibi origo & imago: quid terrenum aliquid delectet aut teneat? Occupatiunculæ sunt? non abiice, sed subduc semper aliquid aut eripe: & illas tamen potiùs, quàm te relinque. Sed philosophare maximè in feriis, id est, quæ mores, vitam, & ipsum te tangunt. Pulchrè aliquis apud Euripidem:

* Α δὲ μάλιστα, ταῦτ' ἐγὼ γ' ἐν σοφίᾳ:

tibi hoc fit, & quæ opus est, non quæ discunt, disce. seriò autem, & in facta disce. Vt pluuia illa inutilis, quæ in lapides aut rupes cadit, & supernè irrigat tantùm: sic doctrina, quæ in ore & verbis, in pectus non descendit. Sed heus, comésne tibi in honestissimis studiis Lucianus Negrónius? laudas mihi ex animo virum, & ego iam nunc in animum hunc demisi. Saluta, amplectere: atque vtinam in Hispaniâ, bonâ ingeniorû matre, plures! Ingenia certè supersunt: nescio quo fato institutio aut æstimatio deficit, sed hæc quoque (Deus audiat) accedent. De republicâ nostrâ, audistin' cladem? sed animum viresque recepimus, Principe ipso animosè præeunte. Heroicum illud, & à stirpe sublime, ibi ostendit. Tamen etiam languemus, longo lentoq. bello tabescimus: & auxilia ab iis oris tarda, si non fera.

— * Τὸ δὲ μέλλον, ὅσον ἀποεξίκα λέγω: ait ille.

Vale mi Woueri. Louanij, iiii. Kal. Septembr.

M 2

EPIST.

* Οὐα μα-
ximè opus
est hac
mihi erat
Sapientia.

* Ὅμοδ
differas, nō
facto simile
sensco,

GVILIELMO SCARBERGERO suo.

IN silentio tuo, vt scribis, curam imò angorem aliquem habui; & suspensum tenuit valetudo aut fortuna tua. In longo & vario isto itinere, scio qui casus interueniant: inopinati saepe etiam sapientibus, & res nostras & nos ipsos saepe inuoluunt, aut evertunt. Sed liberaſti me omnis sollicitudinis hâc ſcriptione: quâ ſignificas valere te, eſſi minùs valuiſſe. Benè eſt quòd ſilueris, & gaudere de reſtitutâ hâc malo, quàm timere in affectâ. Enimuerò mi Scarbergere, vt parens aliqua in abſente ſuâ prole; ſic ego in vobis à domo & diſciplinâ meâ afficior, & omnes in ſinu iſto pectoris circumfero ac geſto. Sed morbus ille fuerit, tu nouû robur indue, & ad nos (ſi me ſolens audis) redi. Diu inuerſari & ſedere in iis locis, quem ſolidum fructum tibi gignat? Ætas tua iam maturuit, vnus es, ſed & orbis es: veni, veni ad quæ vota noſtra te vocant, & hîc apud noſ tuam aliquam cape. Cum poëtâ inquam,

Afran.

Uxorem quare, firmamentum familie:

cuius familiæ, niſi à te propagatur, ſtemma filumque Ætas iam incîdit. In me idem, & vltimus ego (heu res humanas!) omnium Lipſiorum. La-faillium apud te eſſe gaudeo, bonû modèſtumque ingenium: an non & ille ad ſuos? fortàſſe tecum. De bello Sabaudico, hem malè narras. ſed fatin' vt certò? Hîc quoque rumores, quos tamen auerſamur, & ſcintillas, vt huc etiam peruolent, time-mus illius ignis. Apage, apage. vni huic lento Marti vix reſiſti-mus: ille alter feruidus & ἀμερμόθυμος accedet?

Αἱ αἱ τῶν μεγάλων ἡμετέρων ἀχέων.

• Heu no-
ſtes lucius,
heu patria
gemitus.

Sed fata viderint: tu vel ad res turbatas veni, ſed non (meo confi-lio) per turbata ea loca. Gallia aliàs, aut non, luſtrator. Vale, mi Scarbergere. Louanij, vii. Idus Septemb. Noſtri omnes valent, Oranus & Baronius honore & titulo conſultorum iuris mox au-gendi. Antonius, niſi fallor, te cum fratre Legato ibi opprimeret.

A P P R O B A T I O.

Tertia hæc ſelectarum Epistolarum Inſti Lipſij V. Cl. Centuria, vtiliter admo-dum euulgabitur.

Gulielmus Fabricius Nouiomagus, Apoſtolicus & Archiducalis librorum cenſor.

PRIVILEGIUM CÆSAREVM.

RVDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Auftriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto IUSTO LIPSIO gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in literis liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in literis ac disciplinis operam ponunt, præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantie tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocari beneficio, concessuque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Literis possint, acceperimus, insignes te animi ingenique tui dotes tibi à natura insitas à primis temporibus ætatis tuæ ita literarum ac disciplinarum studiis excoluisse atque exornasse, ut olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituiisti, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitaret, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptiois genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verferis, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animadum magis patrociniòque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque te & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus.

mus, statuimus, vetamusque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq. ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, uti tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici: alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiæve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsi met gravissimam nostram in se conuerture indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senftenaw,

Ad mandatum sacra Cæsarea M^{ti} proprium.

Io. Baruitius.

Additum sigillum Cæs. M^{ti} in cerâ rubrâ.


SVMMA PRIVILEGII REGII.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louanienſi Profeſſoris, & item Historiographi ſui libros quosunque, à Cenſoribus legitimis approbatos, præter ipſius, heredumve eius, voluntatem, intra triginta annos à prima ſingulorum librorum editione computandos imprimat, aut alibi terrarum impreſſos, in has inferioris Germaniæ ditiones importet, venalẽsve habeat. Qui ſecũs faxit, præter librorum conſiſcationem triginta marcharum auri puri illatione mulctabitur. Vt latiũs patet in litteris, datis Bruxellæ xiv. Feb. M. D. xcvii.

Verreycken.

Tibi JOANNES MORETE, *pro amicitia quam mihi cum Plantino (heu, quondam meo) & Plantinianis eſt ac ſuit, tibi, inquam, permitto, uti EPISTOLARVM mearum CENTURIAS typis tuis excudas ac diuulges. Nequis alibi alius præter te, cupio ſiue iubeo, ex lege quam magnus Ceſar & Rex meus dixerunt.*

Iuſtus Lipſius.



IUSTI LIPSI
EPISTOLICA
INSTITVTIO,

Excepta è dictantis eius ore, Anno ∞. Io.
LXXXVII. mense Iunio.

*Adiunctum est Demetrii Phalerei eiusdem
argumenti scriptum.*

EDITIO VLTIMA.



ANTVERPIÆ,
EX OFFICINA PLANTINIANA,
Apud Ioannem Moretum.

clō. Io cl.

Cum Privilegiis Casareo & Regio.

I. L I P S I V S
FRANCISCO RAPHELENGIO
SVO S. D.

QVANDO ita vis, fiat. Ede libellum, potius quàm ut
alius alibi eum edat: quod ais te comperisse. Ego tamen non
in hanc spem genui: & scis extemporali curâ ferè ante an-
nos quattuor dictata hæc nobis, idque in vsum captumque
saltem iuventutis. Iis ipsis multa vtiliter tunc interfati sumus aut mi-
scuimus, quæ hîc non habes, illustrandæ scilicet rei aut firmandæ. Nam
hæc breuia. quæ tamen ipsa, quoniam vsui etiam aliis esse posse, tu aliique
censent: age, non inuideo, communica. sed hac lege ut omnes sciant, di-
scantibus, non doctis, iuuenibus, non adultis, hæc à nobis scripta: nec
vnquam edendi isto fine. Nam hæc talia seruabamus Dialogis Dein-
stituendâ iuventute. Sed, ut initio dixi, quoniam vis, fiat: & tu
in aliis magè seriis Plantinianum nomen famamque propaga. Vale.
v. Kal. Nouemb. ∞. I. C. X. C.

IVSTI LIPSI EPISTOLICA INSTITVTIO.

CAPVT I.

De nominibus variis Epistolæ: & de formâ apud veteres.



PISTOLA quâ rectè & laudabiliter scribatur, præire mihi propositum iuuentuti. sed compendio: ad vsum, non ad speciem: nec vt omnia quæ ad rem, sed quæ in rem maximè, dicam.

EPISTOLAE Græcanicum nomen est, ^{Lib. vii. Orig.} τὸ ἐπιστέλλον, quasi *Missoriam* dicas: (Isidorus interpretatur *Missam*) sed in veteri tamen Latinorum vsu: & Plautus aliquoties vsurpat, & Afranius comœdiam etiam quampiam, *Epistolam* inscripsit. V mediâ Politianus & nonnemo hodie scribunt, freti auctoritate librorum & lapidum, in quibus crebrò sic reperias: sed, nisi fallor, numquam ante Vespasiani æuam. Et per O sanè rectius scripseris magisquæ ἀναλόγως. Aliis etiam nominibus prisci appellauère, *Litteras*, *Tabulas*, *Tabellas*, *Codicillos*. *Litteras*, (poëtæ etiam *Litteram*), ob eminentiam, & quia hoc genus creberrimi inter litteras omnes vsus: *Tabulas*, *Tabellas*, *Codicillos* à materie; quia ante chartæ & membranarum vsum (* Isidori verba cito) in dolatis ex ligno codicellis epistolarum colloquia scribebantur. Vnde & portatores earum *Tabellarios* vocauerunt. Quæ transcripta moneo ex Hieronymi epist. xlii. Festus eidem rei: *Tabellis*, inquit, pro chartis utebantur antiqui; quibus vtrò citroquæ certiores absentes faciebant: vnde adhuc *Tabellarij* dicuntur, & *Tabellæ missæ* ab Imperatoribus. Inde Plautus *Epistolam* circumscribens Pseudolo:

Per ceram & lignum, inquit, litterasque interpretes.

Et paullo post:

Pro lignæ salute vis argenteam remittere illi?

Eiusmodi *Tabulæ* Homero etiam notæ: apud quem Prætus lit-

A 2

teras

Iliad. 2. teras Bellerophonti tradit scriptas ἐν πίνακι πλωτέῳ, in tabellâ* plica-
 ver. CLXXIX. tâ. Fieri solitæ inductâ cerâ, è fago, abiete, buxo, tiliâ siue phylirâ,
 * Siue, du- acere, citro, ebore. quæ omnia exemplis firmare non hîc locus.
 plice.
 Lib. XIV. Vfi tamen & chartâ ad hanc rem: idque ex Martialis lemmate
 facilè colligas, *Chartæ epistolares*. quod nomen hodieque Epistolæ
 tribuunt Hispani. Sed siue Tabella, siue Charta, paullò alia ta-
 men eius quàm hodie forma. Pagellæ enim erant, & species mi-
 nuti libelli. Hinc Ciceronis illa capies: * *Extrema pagella pupugit*
 * Lib. II. ad Cæliū *me tuo chirographo*. * Et, *Alterâ iam pagella procedit*. Excipio, quod
 epist. XIIII. publicas litteras ad S. P. Q. grandiore formâ, & transuersâ char-
 * Lib. II. ad Brutum tâ scribebant, scilicet quasi Historias. Suetonij hæc mens in * Iu-
 epist. XXV. lio: *Primus epistolas ad Senatum, ad paginas & formam memorialis li-*
 * Cap. XVI. *belli conuertisse fertur, cùm antea Coss. ac Duces non nisi transuersâ*
chartâ mitterent. Cui Isidorus dat lucem: *Quædam nomina libro-*
rum apud gentiles certis modulis conficiebantur: breuiore formâ, Carmi-
na atque epistolæ; at verò Historiæ maiore modulo scribebantur. Et hinc
 * Epist. * Senecam explico: *Epistola non debet sinistram manû legentis implere.*
 XLV. quod scilicet referendum ad angustias & minutâ libelli formam.

CAPVT II.

Quid sit Epistola, & quæ eius partes.

DEFINIO autem Epistolam: SCRIPTVM ANIMI
 NVNTIVM AD ABSENTES, AVT QVASI AB-
 SENTES. Animi nuntium dixi: quia finis Epistolæ duplex;
 aut affectui testando, aut rei significandæ. Illum, ingerit Ambro-
 sius ad Sabinum: *Epistolarum vsus est* (inquit) *ut disiuncti locorum*
 * Lib. II. * Apud *interuallis, adfectu adhareamus*. Hunc alterum, Cicero ad * Curio-
 Hier. epist. nem: *Hac causâ inuenta res ipsa est, ut certiores faceremus absentes, si*
 XLIII. * Velim *quid esset quod eos scire, aut nostrâ aut ipsorum interesset*. Et ante eum
 trāspōni, vt fiat Tro- ** Turpilii: Sola res est † quæ homines absentes, præsentem facit.*
 chaicus: *Rectè igitur dixi, absentes. sed addidi etiam quasi absentes: quod*
 homines *interdum ea vsurpata ad præsentem. Ita Augustus * sermones graui-*
 absentes *res cum Liuiâ suâ non nisi in scriptis & è libello habebat*. Et idem Iu-
 que præf. * Sueton. *liam suam in Amphitheatro * admonuit scripto*. Quin mos ille sub
 cap. *Tiberio principe * etiam præsentem scripto adire*. quem originem
 XXCV. * Macrob. *sumpsisse à Iulio Cæsare ex Plutarcho colligas: qui primus* (in-
 * Sator. *quit)*
 * Tac. IV. *Anal.*

quit) *rationem repperit amicos per litteras conueniendi, cū corā agendi nec occupationes nec magnitudo vr̄bis semper occasionem daret.* Atque id genus propriè Codicellos appellabant. Senecæ ea mens epist. LVI. *Video te mi Lucili cū maximè, audio. adè tecum sum, vt dubitem an incipiam non epistolas, sed codicillos tibi scribere.* Hæc definitio Epistolæ. ex quâ partes præcipuas eius duas facio: Materiam & sermonem.

CAPVT III.

Materies definita, diuisa, & de præmissis Epistola.

MATERIEM dico REM QVÆ SVBIECTA SCRPTIONI. Ea duplex, Solennis & Varians. Solennis, QVÆ IN OMNI EPISTOLA, EADEM AVT PAENE EADEM, ET QVASI EX FORMVLA RECVRIT. Qualia sunt, Præloquium, & Clausula. Præloquium intellego, QVOD EX RITV PRAEMITTITVR: vt Nomina & Salus. In Nominibus olim receptum, vt in ipsâ fronte epistolæ bina semper ponerent, Suum & Alienum: illo præposito, etiam ad digniorem. Cum causâ. quoniam prima legentis cogitatio & desiderium, est scire à quo missa. Etiam hoc seruatum, vt nomina nuda, nec blandientia aut laudantia verba, sibi alterive tribuerent. excipio, si quis in imperio aut magistratu. Tum enim verbo additum *P. Seruilus Rullus Trib. pl. X. vir Cneo Pompeio proconsuli.* At Epitheta nulla: nisi ad vnicè caros aut domesticos. quos interdum *Humanissimos, Optimos, Suauissimos, Suas animas* appellabant, & receptissimo verbo *Suos*. Quod postremum interdum etiam ad leuiter notos vsurpabant. vt apud Liuium: *Prætores Syracusani Marcello Suo.* Prisci interdum: sed labens ætas passim & omnibus dedit. adè vt Imperatorem ipsum sanequàm familiariter *Suum* salutet Plinius in magni operis præfatione. Ab hac mente Martialis:

Lib. xiv.

Seu leuiter noto, seu caro missa sodali,

Omnes ista solet charta vocare SVOS.

Et in Plinij Iunioris epistolis vix aliter legas: sicut & Pandectarum aliquot locis. Olim ista: Ego hodie temperem ad vsum nostri æui; & alieno ingenio interdum seruiam potius, quàm meo.

A 3

Ad

Ad doctos, probos, simplices simplicia hæc seruem: ad magnates aliter; nec temerè nomen meum præposuerim, & appellandi formulâ potius scripserim, *Maxime Rex, Illustrissime Princeps, Amplissime Domine*, &c. Misera ostentatio scientiæ, quæ risum aut offensam debet; utique in epistolâ, quæ tum demum rectè scripta, cum videtur illi cui scripta. At de Salute, clarum est olim eam post ipsa Nomina adiectam: haud dubiè ex colloquiorum more, quo in occurso statim salutamus. Græcis simile: quibus *χαίρειν* precari in usu fuit, aut *εὖ δάγειν*: quæ Epicuri salutatio: aut *ὁπρὸς τὸν*: quod disputatiunculâ quâdam præfert Plato ad Dionysium. Horatius, Epist. 111. non præter solitum Græcus, expressit ista:

Vide Dio-
gen. Laërt.
in Plat.

*Celso gaudere & bene rem gerere Albinouano
Musa rogata refer. —*

In Phocio-
ne.

Omittebant hæc interdum, & præsertim Reges, quasi per maiestatem. Plutarchus notat: *Alexandrum, victo Dario, abstulisse ab epistolis, τὸ χαίρειν, (illud Saluere) exceptis quas Phocioni scribebat, quem vnum, sicut Antipatrum, compellabat, post Salutem dictam.* Pertinere etiam ad Præloquium videatur vetus ordiendi formula, S. V. B. E. E. V. quæ in priuatis litteris frequens; in publicis perpetua, etiam posteriore æuo. Concipi solet & his notis: S. V. G. E. V. id est, *Si vales, gaudeo, ego valeo.* Quæ apud Oppium de bello Hispaniensi lectæ, frustra turbât & ad mutandum impellunt eruditos.

CAPVT IV.

De iis quæ ad finem epistolæ, itemque de Signo.

v. Tust.

AD Clausulam venio: quam appello TERMINVM EPISTOLAE ET FINEM. In eâ hæc quinque solennia ferè insunt: I. *Valedictio.* quæ inserta pariter ex sermonis ritu, quo abeuntes alter alteri bene precamur. Expressa antiquis simplici verbo Vale. Ouidius:

*Accipe, quo semper finitur epistola verbo,
Atque meis distent vt tua fata, Vale.*

Interdum *Haue, Salue*: nec indecôrè cum adiectiunculâ *mi anime, mi suauissime.* Aut alio verbo ad argumentum apto: *Vale & veni, Vince & vale.* Interdum & voto concepta: *Deum precor vt te seruet, consilia tua fortunet, &c.* Quæ omnia cum iudicio imitanda aut immu-

immutanda pro re & personâ. **II. Loci adiectio.** quæ necessaria inter absentes: nisi si de eo planè constet. Itaque Ciceroni crebrò omiſſa: & in pari cauſâ omittenda nobis. **III. Temporis.** in quo dies ſemper; annos plurimùm; horas interdum notatas inuenies. **IV. Subſcriptio.** quæ priſcis ignota: niſi fortè in litteris ad Imperatores; quibus ſubſcriptũ per ſpeciem honoris & obſequij, **Deuotos ſe eſſe.* Nos tamen uſurpamus. nec damno apud grandes aut ignotos: apud familiares vacuum videatur, imò vile. **V. eſt Superſcriptio.** quæ nobis inter legitima, vetèribus rarò fortasſe uſurpata. Dabant enim plerumque & mittebant per Pueros ſuos aut Tabellarios notos; nec aliud in exteriore epiſtolâ quàm Signum & Linum. Illud plerumque erat * Imago propria, aut alicuius è maioribus, impreſſa ceræ ſiue cretæ. De cerâ notum eſt: de cretâ, veniſſe in hunc uſum Cicero oſtendit **IV. in Verrem: Signum iſte animaduertit in cretulâ.** Et pro Flacco, *Aſiaticam cretam* in hac re appellat. Linum fuit, vñclum quo epiſtola obligata, & cui ſignum ipſum impoſitũ impreſſumque. Plautus:

Cedo tu ceram ac linum: age, obliga, obſigna citò.

Nec aperire epiſtolam fuit, niſi illo ſoluto. Inde apud Curtium: *At Parmenio vinculum epiſtolæ ſoluit.* Apud Ciceronem: *Incidere linum.* & paſſiuâ vulgataque phraſi, *Soluere epiſtolam.* Ferè autem ſignum cum eo fractum. ideoque iubebant ſemper ante apertionem Signa agnoſci, fidei cauſâ. In Plautinis:

Accipe, hem cognoſce ſignum.

Iterum:

Cape, ſignum noſce.

Cicero in Catil. *Oſendi tabellâs Lentulo, & quæſui cognoſceretne ſignum? Annuit.* Eſt verò inquam imago aui tui clariffimi viri. Salluſtius: *Pellectis litteris, cum prius omnes ſigna ſua cognouiſſent.* Hoc curioſè ideo: quia ſigno corrupto facile & tutum negare à ſe ſcriptam. vti que cum dictaſſent (vt ſæpe) & alienâ manu eſſet. Ita olim. nec tamen rigidè abnuo, quin aliquando ſuperſcriptum. Plutarchus in Dione, inter plures epiſtolas quæ adlatæ, *μία δ' ἔνν*, inquit, *ἔσθ' ἐν τῇ γράμμειν, τὸ παρὰ τῇ ἰστιάσει.* Vna erat exteriùs inſcripta, Patri ab Hipparino. Quod pro eorum opinione ſit, qui volunt ea quæ in capite ac fronte epiſtolarum veterum ſemper legimus, fuiſſe Tabellarij cauſâ, in earum dorſo. Sed quidquid huius ſit,

* Ex Dio.
de LVII.
Suct. Tib.
XXXII.
Et priſcis
lapidd. D.
N. M. Q.
E. id eſt,
Deuotus.
Nummi
Maieſta-
tis, eius.
* Sine aliâ
aliquâ vt
Augustus
Sphynge ſi-
gnare ſole-
bat, poſtea
imagine
Alexandri,
poſtremum
ſuâ.
Lib. VII.

ius sit, nobis superscriptio vsurpanda: siue ob ignotos ignorantesque Tabellarios, siue magis ob receptissimum morem, cum quo frustrà pugnemus. Quin & Titulis, eodem auctore, vti suadeam: sine ambitione tamen aut professâ nimis adulatione.

Hæc Solemnis Materies epistolæ. in quam licet aduocem Epistolæ totas, quas *Formales* * Suetonius appellat. Eæ de vnâ aliquâ re, vnâ ac simili formâ, ad plures scribuntur; in negotiis publicis, inque aulis Principum etiam hodie vsitatae. quas ipsas *Canonicas* (nisi fallor) * Cassiodorus appellat.

* In Do-
mit. cap.
xiii.

* Lib. II.
Var. Epist.
xxiii.

CAPVT V.

De Materie variâ, eiusque sectione.

AT Variantem Materiem appello, QVAE DIVERSA IN QVAQVE EPISTOLA EST: IPSA OCCASIO SCRIBENDI ET CAUSSA. Ea multiplex: nec minùs latè patet quàm hæc vita. Quid enim rei diuinæ aut humanæ est, quod non sermone communicamus? ergo & Litteris, quæ alter sermo. Sed tamen diffusam coërcere his terminis posse videor: vt omnis ea sit triplex: *Seria, Docta, Familiaris*. *SERIAM* dico, quæ ad publica aut priuata pertinet, sed vberius ea tractat, & cum curâ. Id genus inter publica sunt: *Narrationes, Dissertationes, Deliberationes, de statuerum, de militiâ, de pace*, & his talibus. Inter priuata; *Consolationes, Admonitiones, Petitiones, Obiurgationes, Excusationes, Suasiones, Laudationes*, & vno verbo, quicquid paullo magis seriò scribimus, & vnâ in re velut figentes pedem. Quod genus sæpe incurrit, & plerumque necessariò, interdum animi causâ, vsurpatur. *DOCTAM* dico, quæ ea quæ ad scientiam aut sapientiam, continet; & res non epistola, epistola veste velat. Talis triplex: aut enim *Philologa* est, & in amœnioribus studiis occupatur, vt olim Varronis *Quæstiones Epistolice*, Valgij Ruffi *Quæsitæ* per Epistolam. Aut *Philosophica*, & de Naturâ vel Moribus agit: vt Senecæ nostri epistolæ; sed & Platonis. Aut denique *Theologica*, quæ in sacris rebus dedita: vt sunt Augustini, Hieronymi, Cypriani, Basilij, Gregorij vtriusque. Denique *FAMILIAREM* dico, quæ res tangit nostras aut circa nos, quæque in assiduâ vitâ. Ea propria & creberrima Epistolæ materies: & si verum fateri volumus, germanæ

INSTITVTIO EPISTOLICA.

germanæ illius vna. Cui priora illa duo, *Seria*, inquam, & *Docta* sæpe admixta: sed admixta; variumque ei semper nec simplex argumentum.

CAPVT VI.

De Inuentione pauca & Ordine.

SATIS de vniuersâ Materie dictum: de Inuentione & Ordine addendum aliquid est: sed breuiter. Nam ad Inuentionem vberibus præceptis quid opus? Cum semper ea prompta; nec ad Epistolam scribendam veniatur nisi argumento concepto, & mente (vt ita dicam) tumente. Quod in *Familiaribus* verisque Epistolis perpetuum est: In *Seriis* aut *Doctis* paullo aliter. quibus quomodo aggerenda aut amplificanda Materies sit; nihil hîc ego: sed Rhetorum te libri docebunt. Nec in *Ordine* quidem admodum laboro: qui optimus in Epistolâ, neglectus aut nullus. Vt in colloquiis incuriosum quiddam & incompositum amamus: ita hîc. Adeo vt nec in Responſionibus ordine & distincte ad capita semper respondeamus: sed vt visum, atq; vt hoc illud ve in mentem aut calamus venit. Omnino decora est hæc incuria: & magnus *Magister recte monuit, *Epistolas debere interdum hallucinari*. Itaque ille ipse hæſitat, reuocat, turbat; miscet: nec quicquam magis curasse videtur, quam ne quid curæ præferret. Tamen in *Seriis*, non nego de Ordine paullo magis satagendum: sed ita, vt semper infra Oratoriam illam diligentiam consistas, & imitere eam, non æques. Præceptis cur te alliges? Vt Imperatori in acie certus aliquis ordo est, nec tamen vnus: sic tibi in omni materie; quam pro re, pro iudicio dispone.

* Cicero, ad Attic.

CAPVT VII.

De Sermone. quæ de eo dicenda, & primum de Breuitate.

VENIO ad Sermonem: cuius causâ, fateor, Institutio hæc suscepta. Nam de Materie, totum mediocris cuiusdam prudentiæ est; & vix peccatur, at in Sermone, Labor & Error est; nec corpus illud hodie crebro cultum vidimus (liberè effero) decenti hac veste. Sermonem appello, ELOCUTIONEM ET

B STILI

STILI MODVM EPISTOLAE APTVM. Is vt talis fiat, dupliciter eum considerabo: *Vniuersè & Distinctè*. Vniuersè; in toto Habitu & conformatione epistolæ: Distinctè; in partibus, id est *Phrasi & Verbis*. De Habitu igitur sermonis epistolici, præcipio vt quinque ista serues: *Breuitatem, Perspicuitatem, Simplicitatem, Venustatem, Decentiam*. Prima illa, prima mihi sermonis virtus est: adeoque epistolæ propria; vt, si longior, (cum Demetrio sentio) Libri iam nomen assumat, Epistolæ amittat. Cum tam multa ea nuntiet, qui debet multis? Addo, quod vt in sermone aut fabulis, sic in epistolis odiosa garrulitas. Quam tamen, quod obserues, imperitissimus quisque affectat; & loquentes ferè plurimum, qui minimum eloquentes. Vt corpore tenues, veste se dilatant; sic qui ingenij aut sapientiæ inopes, diffundunt se verbis. At Breuitas mihi amata, & iis qui sapiunt: si tamen cum Iudicio ea vsurpata & modo. Peccari enim & hîc posse scio: & vt in sagittâ mittendâ, non minùs aberrat qui citra scopum, quàm qui ultra iaculatur; sic in scribendo, quisquis pauciora quàm pro re, aut plura dicit. Modum autem à materie specto. Si *Seria* Epistola aut *Sapiens*, diffundi paullo magis velim, & rei per se graui addi verborum aliquod pondus. Si *Familiaris*, contrahi: nec res tenues ac multas onerari lacinia sermonis. Scilicet vt vela pro magnitudine nauium: sic verba debent esse, pro rerum. Iudicium porrò sumo à personis, id quæ dupliciter: A *Qualitate*, à *capitu*. Ab illâ: vt si ad Ignotos aut Magnates scribitur; vberior & floridior paullo epistola sit. quia stricta illa breuitas apud hostes, non abest à contentu. Aliter, si ad amicos aut æquales. A *Capitu*: vt si ad leuiter doctum aut acutum; si ad iuuenem. extendam tunc profectò, nec tenebras ingenij offundam per se parum claris. Atque id mihi in omni personâ valdè notâ: vt illi, inquam, testilumque tuum attemperes. quoniam caput artis, scribere accommodatè. Quî fiet igitur Sermo breuis? obseruatione triplici: *Rerum, Cõpositionis, Verborum*. *Rerum*; vt superuacuum nihil admisceas, nil repetas, inprimis non capita ad quæ respondes. *Cõpositionis*; vt structuram & periodum longiorem omnem fugias: membris vtare, & asyndetis sæpe. *Verborum*: vt lætior omnis phrasis, allègoria, imago abdicetur: parca & pura oratio sit, necessariâ suppellectile verborum contenta.

Habes

Habes de Breuitate; quæ viris mihi dicta, non iuuentuti, sunt. adco enim hanc ad eam non voco, vt etiam absterream: siue quia tutò adsumere vix potest, & Breuitatis imitatio facillimè atatem hanc decipit: siue quia nec vtiliter potest, & iuuenili illo breuitatis studio (sæpe vidimus) aridus plerumque & exsuccus stilus euadit. nec facillè ad laudatam illam temperiem venit, nisi initio ybertas quædam & luxuries sit, quam atas paullatim depascit.

CAPVT VII.

De Perspicuitate; quæ peccetur in eam, quæ paretur.

VIRTUS altera, Perspicuitas; de industriâ à me Breuitati subtexta, quia periculum magnum huic ab illâ. Quàm ardua, quàm rara illa Breuitas, quæ non præteruolet aures aut defraudet? in quâ legentis sensus non opus sit intendi? Atqui semel hoc imbibe: summum in sermone vitium esse, non solum non capi, sed etiam agrè capi. In quo peccant quidam Naturâ, qui ipsi obscuri & reconditi talia efferunt: plures, Studio; qui nihil doctum aut laudabile putant, nisi reconditum, & quod fugiat vulgares mentes. Stulti; quia malè ingeniosus ille, ad quem capiendum opus est ingenio: præsertim in Epistolâ, quæ arbitrum aut interpretem non querit. Clarè ergo scribito, si potes; & breuiter. sed ita, vt hoc laudis esse scias; illud necessitatis. Clarus autem sermo erit, præcepto triplici: Si verba in eo propria; si visitata; si collocata.

CAPVT IX.

De Simplicitate duplici; & ad hanc monita.

TERTIAM virtutem posui Simplicitem: intellectu duplici. quia & in Stilo eam exigo, & in Mente. De Stilo: certum, & veterum exemplo testatum est, simplicem eum esse debere, sine curâ, sine cultu; simillimum cottidiano sermoni. Itaque Demetrius, vt Dialogum, Epistolam scribi vult: & ipse Cicero, *texi eam quotidianis verbis*. Seneca appositè: *Qualis sermo meus esset, si vnâ sederemus aut ambularemus, illaboratus & facilis*:

tales volo esse epistolas meas. Quod feminas ornare dicitur, non ornari: hoc epistolam. quam sequi decor debet, non ab eâ aut in eâ affectari. At de Mente: ita intellego; vt simplex quiddam & ingenuum in totâ scriptiõne eluceat, & aperiat candorem quemdam liberæ mentis. Nullâ enim ex re magis natura cuiusque & certa indoles elucet (Demetrio verè scriptum) quàm ex epistolâ. Itaque optima eâ tibi repræsentanda, & imprimis illi ad quem scribis amica. vt inquam lenium affectuum & beneuolentiæ illud, vt sic dicam, saccharum, inspergatur; fiatque delectabilis, & ad legentis gustum. Quo in genere Cicero vnicus, & vnice imitandus. Præceptis enim aliis res non continetur. Cautionem addo siue exceptionem: pro re interdum epistolam assurgere, & paullo studiosius scribi (vt in Serijs:) sed tamen ita, vt simplicitatem totam non exuat; & ornamenta interdum habeat, lenocinia nunquam. Nam illæ quæ ad pompam & ostentationem ingenij scriptæ (quales Philostrati & Phalaridis, item Synesij & Plinij nonnullæ) nescio an tueri nomen veræ epistolæ possint apud iudices veros.

CAPUT XI.

Iunctim de Venustate & Decentiâ.

RELIQUAE mihi duæ virtutes, *Venustas & Decentia*: et si vix reliquæ. Vtraque enim eiusmodi, vt admonere de eâ breuiter possum, non docere. Illa ab Ingenio tota est, hæc à Iudicio: quorum vtrumque spernit ligari præceptorum his vinculis. *Venustatem* appello, cum sermo totus alacer, viuus, erectus est, & allicientem quamdam gratiam Veneremque præfert. Quod natura ferè dat: non nihil tamen & duplex hæc monitio. Primum, vt Adagia Allusionesque ad dicta aut facta vetera, versiculos aut argutas sententias vtriusque linguae interdum immisceas. Secundum, vt iocis salibusque opportunè condias; quos animam & vitam epistolæ esse non fugiam dicere.

At *Decentiam* intellego, id quod Græci *τὸ ὀρεῖον*: quæ tum in epistolâ, cum omnia aptè & conuenienter scripta. Quod fiet aspectu duplici: *Personæ & Rei*. *Personæ* dupliciter; si tuam respicis, & eius ad quem scribis: *Rei* autem, simpliciter; vt omnia

nia

nia pro argumento ; & sententiarum phrasiumque vestis apta fit corpori rerum. Magna hæc, sed occulta virtus : nec immerito * Cicero monuit, *vt in vitâ sic in oratione, nihil difficilius esse, quàm quid deceat, videre.* Nec verba hîc perdam: quia scio Iudicij totam hanc rem esse: quod à Deo & à naturâ pete, non ab Arte.

*In Orat.
ad Brutû.

CAPVT XI.

Ad Sermone[m] distinctè transitum. eum parari Imitatione: ad hæc tria præcepta. & primùm de iis qui, & quando, legendi.

DIXI vniuersè de Sermone: magis distinctè ad partes eius transeo, *Phrasim & Verba.* Illam appello, VOCES DVAS AVT PLVRES IN SENTENTIA IVNCTAS: Hæc, VOCES IPSAS SINGVLAS. In illis *Elegantia & Nitor* requiritur: in his *Latinitas & Proprietas.* Ea omnia hodie, vel ex *Auditu* haurienda sunt; vel ex *Lectiõne.* Ex illo leuiter; quia nec adhærent audita animis, æquè ac lecta: nec est ferè vt optima audiantur. quia & rarus Latinus sermo, & pauci eâ curâ loquuntur quâ scribunt. Itaque doctissimi ac disertissimi, sæpè in sermone alij; nec temerè exemplum vidimus aut videbimus eloquentiæ, quam formauit Auditio sola. Lectio igitur magis tuta, magis utilis. sic tamen, vt *Imitatio* ei adiuncta sit: sine quâ languida hæc, imò vana. *Imitationem* dico, SERMONIS NOSTRI AD SERMONEM VETEREM, APTAM CONFORMATIONEM, ET STILO EXPRESSAM. A quâ (vno verbo dicam) spes omnis crescendi huic segeti *Phrasium & Verborum.* Nam Ars alia, quicquid conentur, non magis difertos fecerit, quàm vates somnium in Parnasso. De illâ igitur cum curâ & ad vsum dicam: & quidem hæc tria, *Quos & Quando legas: Quid & è quibus seligas: Quid exprimas & quid vites.* In primo: vtinam ea copia scriptorum hodie, vt iure ambigua haberi hæc lis possit! Pauci relictî veteres: quis controuertet quin ij legendi omnes sint: nisi fortè nuper aliquot Itali, qui in arctum reductam eloquentiam concluderunt finibus tantum Tullianæ lectionis. O vani & fastidiosi! non solum præter mentem magistrorum veterum, sed præter rationem præterque vsum. Quos nunc non refello; & adhæsisse olim me scio paullò iuuenilius, donec

B 3

donec repressit & reuocauit maturioris iudicij frænum. Tu mecum, omnes legendos imitandosque tibi certò statue: non simul tamen aut omni æuo. Discrimen aliquod temporum est, quod vtiliter enotabo. Est *Puerilis* quædam & prima Imitatio, est *Crescens*, est *Adulta*: In illâ primâ, Italorum hæresis mihi placeat: & aliquamdiu Cicero non præcipuus solùm legatur, sed solus. Cui fini? vt corpus scilicet illud & contextus orationis primùm seriò formetur vno quodam habitu, & æquabili sermonis filo. Nescio an idem censerem, si Caluus, Cælius, Brutus, Cæsar, & alij è classè Oratorum extarent. Sed, vt hodie res est, quis præter Tullium periodos, membra, numeros, & continuatam illam orationis seriem nobis suggesserit? A quâ, me quidem iudice, necessariò initium faciendum iuuentuti. Vt pictor cum tabulam accepit, primùm hominem totum delineat, colores mox aptos quærit, & addit cuique parti: sic meus Imitator, corpus eloquentiæ suæ formet, pigmenta deinde variè conquirat. Nisi facit, (crede iuuentus, aut serò credes:) hiulca semper, incomposita, & è variis varia quædam stili forma gignetur, nec satis sibi constans. quotidie video; & peccati causam non ignoro. Cicero igitur primus primas teneat: & teneat solus. Sed quamdiu? pro ingeniis tempus definiam: in molliore aliquo, annum; in duriore, alterum etiam annum. Et addo non inutiliter, sub hanc ipsam curam, Manutij epistolas, Sadoleti, Bembi, Bunelli, atque in primis Longolij nostri, legi posse. non quia ipsi (liberè dicam) valdè probi; sed quia puerili quodam affectu Ciceronis illam orbitam anxio pede presserunt, ideoque per eorum vestigia tutior & facilior tibi cursus. At in *Crescentem* & *Iuuenilem* Imitationem alios admitto: sed successu tamen; nec vt saltu pergas, sed per quosdam velut gradus. Itaque meo consilio, eos hic primùm adeas qui à Cicerone minimum abeunt, & qui copiâ, suauitate, fluxu dictionis, referant beatam illam facilemque naturam. Qualis Fabius in primis, & non nihil Q. Curtius, Velleius, Liuius, Cæsar: similiores futuri, nisi retinuisset & stitisset alia species argumenti. Hos igitur tunc lege, sed leuiter: at eum omni studio Plautum & Terentium; qui semel corpore illo Sermonis & tamquam ædificij formâ constitutâ, vtilissimè adhibebuntur ad poliendas omnes partes. Verborum proprie-
tas

tas à quibus petatur melius? à quibus Phrasium ille nitor Atticus? Iam venus, & lepor & comitas à quibus vberius hauriatur, quàm à meo comico? Plautum enim hîc solum intellego; & præpono (nec impono: quia ex animo ita sentio) omnibus, qui in Latio aut Græciâ imbuerunt chartaceum hoc æquor. Hi ad Epistolam (de Orationibus enim aliter censeo) & familiarem scriptionem inprimis apti: quia reuerâ epistola quid aliud, quàm cottidiana dissertatio? vt non errârit Artemo apud Demetrium, qui censet eodem modo Dialogum & Epistolam scribi. Et Plinius ab eâdem causâ, epistolas matronæ cuiusdam dilaudans, cum Plauto & Terentio metro solutis eas componit. Quin ipsum Plinium, in secundâ hac classe iure colloco, tersum, acutum, nitidum: sed non sine deliciis molliculum interdum, & parùm virum. Cui comitem nouum do, sed maiorem nouis, Etruscum illum Angelum, qui (nisi quòd affectatæ interdum & quæsitæ in eo argutiæ) cum illis ipsis priscis pari passu decurrere posse videatur Epistolarum hunc campum.

Hoc velut tirocinij biennium sit: quo manus hæc stili coërcenda nonnihil intra puram togam. cui iam deinceps, in *Adultâ* Imitatione, liberè permittam exerat se & vagetur per scriptorum omne genus. Legat, videat, & flores ex omni prato carpat ad Eloquentiæ hanc corollam. Sed inprimis suadeam Salustium, Senecam, Tacitum, & id genus breuium subtiliumque scriptorum iam legi, quorum acutâ quasi falce luxuries illa paulisper recidatur; fiatque oratio stricta, fortis, & verè virilis.

Finij de parte primâ: nisi quod leuiter addo, perutile futurum eundem illum Ciceronem legi cottidiè & relegi; vespertinis præsertim horis, & si oportunitas feret, sub ipsum somni tempus. Mens tunc nescio quomodo melius arripit, retinet, & concoquit per quietem. Tenta, reperies in leui monito non leue momentum.

*De Excerptis; quo ordine ea instituenda, & à quibus
singula carpenda.*

QUID felicias & à quibus, partem feci alteram. de quâ etfi exemplis dicere facilius possem, quàm scriptis; tamen breuiter hæc habe. Lectionem ipsam non sufficere, ne repetitam quidem, imò nec in felicissima memoriâ: sed opus esse *Excerptis* quibusdam & *Notis* rerum verborumque singularium, quas imitemur: quæ excerpta Memorialibus libellis, tamquam ærario, contineri velim, vnde sermonis illæ opes per tempus & ad vsum promantur. Fieri autem libellos triplices: vnum, quem *Formularum* dixerim; alterum, quem *Ornamentorum*; tertium, quem *Diſtionis*. Duo illi ad sermonem vniuerſum magis pertineant, tertius ad diſtinctum. In primo, Formulæ mihi duplices: Ad contextum istæ: *Ordiendi, Narrandi, Continuandi, Transſeundi, Abrumpendi, Claudendi*. Ad Materiem, istæ: *Rogandi, Gratiæ agendi, Operam offerendi, Laudandi, Vituperandi, Aſſeuerandi*: & quicquid istarum rerum communium est, quæ in epistolam creberrimè incurrunt. Secundus, *Ornamentorum* liber est in quo diſtinctè & per capita collocauerim hæc: *Similitudines, Allegorias, Imagines, Acutiora dicta, Sententias*, & ſiqua eiufmodi illuſtria lumina sermonis. Tertius, *Diſtionis*. quam diuido in duas partes, *Phraſum* & *Verborum*. Phraſes quidem enotari velim, quæcumque inſigniores aut nitidiores occurrent: Verba, quæcumque rara, noua, aut nouo ſenſu ſiue flexu uſurpata. In Phraſibus diſpoſitionem non video; niſi quòd ſeorſim eas poni velim, pro diſcrimine ſcriptorum: Tullij ſolas, Plauti & Terentij ſolas, Historicorum ſolas: quod quiſque pro iudicio ſuo aut indiſtriâ facito. In verbis ordinem ſolùm ſeruem Alphabeti. Hæc ſunt quæ ſelegi velim. Sed à quibus? non enim promiſcuè ab omnibus: ſed ad iudiciũ paucis tibi ſic præibo. *Formularum* liber à Cicerone maximè compleatur; addo Plinium, Politianum, aut ſi quid aliunde transferre aut haurire poteris opportuè. *Ornamentorum*, à Cicerone, Fabio, Plinio, Historicis, Senecâ, etiã à Græcis, & inprimis Plutarcho. *Phraſum* exempla à Cicerone maximè, & Comicis petantur: nonnihil ab Historicis,

historicis, atque etiam ab aliis quos non attigi, Varrone, Agellio, Suetonio, Iurisconsultis, imò & interdum Appuleio.

Verborum, vno verbo, ab omnibus: nec inutiliter etiam à Grammaticis & Glossariis antiquis.

CAPVT XIII.

De Expressione & formatione Stili, per tria genera Imitationum.

TERTIVM illud vtilissimum sequitur, Quid exprimas, & quid vites. Frustra enim priora illa duo, si non istud: nec lectio aut selectio adiuuerint, sine probâ expressione. Ea vt talis sit, per triplicem Imitationem distinctè te ducam, & quid sequare in vnaquaque dicam, & quid vites. In *Puerili*, duo hæc tibi propone. Primò, vt formulas inprimis & communia illa contextus totius imitere: secundò, vt ductum, numeros, lineamenta & faciem Tullianæ orationis. Et imitere, non industriè solùm, sed parè adfectatè & cupidè: sic inquam, vt color quæsitus & fucus appareat, imò & furtum. Vt pueros nihil pudet, cum scribere discunt, per singulos litterarum apices alienâ manu duci: non item hîcte. Clausulas, membra, & periodi cuiuspiam partem cum veniâ sæpe inferes; & Centonem è Tullij purpurâ contexes, paullo post daturus tuam. Exercitij genus quod olim in Germaniâ huic rei proposui, dicere operæpretium habeo, etsi non dictare. Fuit tale. Hæc sequere: quid fugies? nihil, nisi ea quæ Grammatici vitant. At in *Crescente*, crescat mihi paulisper iudicium, & seruari præcipiam hæc tria. Primum, vt in furtis iam verecundior sis; non enim vltra decet. Secundum, vt in Formulis exprimendis remissior; non enim vltra opus. Sicut digiti in citharâ ægrè & cum intentione initio ponuntur, iidem postea ad chordas & numeros spontè veniunt: sic mens istis paulùm assuefacta. Tertium, vt Phrases & Verba meliora vndique assumes; & formes, vt sic dicam, cutem illam orationis tuæ externam. Atque hæc sanè præcipua hîc cura. quid vitandum? vitium agnatum Verborum delectui, nimia asperitas aut antiquitas. Quod in Comicis imitandis præcipuè mihi caue, & ne quid aut sordidum ab iis dictio tua trahat, aut obsoletum. Nam vt imperiti pictores in facie exprimendâ, rugam, næuum, verrucam

C

facilè

facile imitantur, indolem negligunt, & ipsum vultum: sic sæpe adolescentes rara aut exstantia verba excerpunt, ingenium omitunt & genium dictionis. Quæ autem verba fordida? quæ iacent, repūt, è face vulgi & è triuivis sumpta, nec nisi iudicio discernenda. Quæ obsoleta? notæ duplicis: Naturâ & Opinione. Illa dixerim, quæ reuerà talia sunt: hæc, quæ sensu dumtaxat vulgi. Nam hodie ita inualuit, vt quicquid ignotum, nec tritum auribus imperitorum, obsoletum censeatur; quamquam ab optimis auctoribus petitum, & ab optimo illo æuo. Priora igitur aut planè vitabis, aut non nisi cum excusatione & interfatiunculâ vteris: ista etiam apperes, & intexes sermoni tuo tamquam gemmas. De quo toto genere, opportuniùs monebo & instruam per exempla. Superest Imitatio vltima, siue *Virilis*: in quâ hoc præcipio, non tam exteriorem illum ornatum spectari debere, quàm virtutes & cultum internum: id est, Figuras, Imagines, Acumina, & ea quæ appellauim Ornamenta. In quo vna cautio, vt cum oratio perfici iam incipiat & summa illi manus imponi, κακοζήλια vitetur & Affectatio: infelix sanè vitium, & quod obrepat specie virtutis. Ea est, nimium cultus studium, & sine modo. Quod per te ægrè videas aut vites: felix cui doctor hîc aliquis aut monitor amicus.

Hæc dictanda mihi nunc super Epistolis censui: cum fructu nonnullo eorum, spero, qui audierunt; vereor vt exiguo, qui tantum legent.

ΕΚ ΤΩΝ

Επεὶ δὲ καὶ ὁ ἐπιστολικὸς
 χαρακτήρ δέεται ἰχνοτήτος,
 καὶ περὶ αὐτῷ λέξομεν. Ἀρ-
 τέμων μὲν ἔν, ὁ τὰς Ἀριστο-
 τέλους ἀναγράψας ἐπιστολάς,
 φησὶν, ὅτι δεῖ ἐν τῇ αὐτῇ ῥόπῃ
 διάλογόν τε γράφειν ὡς ἐπιστο-
 λὰς· εἶναι γὰρ τὴν ἑπιστολήν,
 οἷον τὸ ἕτερον μέρος ὅς διαλό-
 γος. καὶ λέγει μὲν ἡ ἰσως, ἐμὲ δὲ
 ἅπαν. δὲ γὰρ ὑποκατεσκευά-
 σθαι πως μᾶλλον ὅς διάλογος
 τὴν ἑπιστολήν. ὁ μὲν γὰρ, μι-
 μεῖται αὐτοῦ διαλέγοντα· ἡ
 δὲ, γράφεται καὶ δῶρον πέμ-
 πεται τρόπον πᾶσι. τίς γοῦν
 ἔτιωσ' ἀν' διαλεχθῇ πρὸς φί-
 λον, ὥσπερ ὁ Ἀριστοτέλης
 πρὸς Ἀντίπατρον, ὡς ἔστι
 φυγάδος γράφων ὅς γέρον-
 τος, φησὶν, Εἰ δὲ πρὸς ἀπά-
 σας οἴχεται τὰς φυγάς ἔτιος,
 ὥστε μὴ κατάγῃ, δῆλον ὡς
 τοῖς γε εἰς αἴθε' κατελθεῖν
 βουλομένοις, οὐδεὶς φθόνος.

QVONIAM verò ἔστι Epi-
 stolicus character Exilitate
 indiget, etiā de ipso dicemus.
 Artemo igitur, is qui Aristo-
 telis epistolas collegit & emul-
 gavit, ait eodē modo oportere
 Dialogum & Epistolas
 scribi. Esse enim epistolam
 quasi alterā Dialogi partem.
 Et aliquid quidem dicit, non
 tamen omnia. Oportet enim
 epistolam paullo magis ador-
 nari & quasi exstrui, quā
 Dialogū. Iste enim imitatur
 negligenter ἔστι extempore di-
 centem: illa autē scribitur, &
 aliquo modo mittitur quasi
 donum. Quis igitur ita ser-
 mocinetur cum amico, sicut
 Aristoteles ad Antipatrum,
 super sene quodā exsule scri-
 bes ait? Si verò ad omnia ex-
 filia iste ita abiit, ut * nō red-
 eat: manifestū est, quòd ne-
 mo invidet ire ad inferos vo-
 lenti-

* non re-
ducatur.

ὁ γὰρ οὕτω διαλεγόμενος,
 ὁπδεικνυμὲν ὅτι μαλ' ἴσον,
 οὐ λαλοῦντι. Ἐλύσεις συχναί,
 ὁποῖα οὐ πρέπουσιν ἑπιστο-
 λαῖς· ἀσαφές γὰρ ἐν γρα-
 φῇ ἢ λύσις. καὶ τὸ μιμητι-
 κόν, ὃ γραφῆς ὅπως οἰκείον,
 ὡς ἀγῶνος· οἷον ὡς ἐν τῷ Εὐ-
 θυδήμῳ, Τίς μὲν ὦ Σώκρα-
 τες, ὃ χθές ἐν λυκαίῳ διελέ-
 γες; ἢ πολὺς ὑμᾶς ὁ χλῶ-
 περιεσθήκει. καὶ μικρὸν προ-
 ελθὼν ἑπιφέρει, Ἀλλά μοι
 ξένος τις φαίνεται εἶναι, ὃ
 διελέγου. τίς ἦν; ἢ γὰρ τῶν
 παῶν ἐρμηνεία καὶ μίμη-
 σις ὑποκειτὴ πρέπει μαλ'-
 λον, ὃ γραφομένης ἑπιστο-
 λαῖς. πλείστον δὲ ἐχέτω τὸ
 ἡθικόν ἢ ἑπιστολὴν, ὥσπερ καὶ
 ὁ διάλογος· σχεδὸν γὰρ εἰκόνα
 ἑκάστος τῆς ἑαυτοῦ ψυχῆς
 γράφει τὴν ἑπιστολήν. καὶ
 ἐστὶ μὲν καὶ ἐξ ἄλλου λόγου
 παντὸς ἰδεῖν τὸ ἡθικόν ὃ γρά-
 φοντι. ἐξ οὐδενὸς δὲ οὕ-
 τως, ὡς ἑπιστολῆς. τὸ δὲ μέ-
 γεστον συνεσάλειψεν τῆς ἑπι-
 στολῆς, ὥσπερ καὶ ἡ λέξις.
 αἱ δὲ ἄγαν μακροί, ἔπειτα
 ἐπὶ κατὰ τὴν ἐρμηνείαν ὁ γ-

lentibus. Nā qui ita differit,
 demonstranti magis quā ser-
 mocinanti similis apparet. Et
 solutiones crebrae in sermone,
 quales non decent epistolas.
 quia obscurū quiddā in scri-
 ptione solutio. Et illud Imita-
 toriū, non tā scriptionis pro-
 prium, quā contētionis. Si-
 cut in Euthydemo. Quis ille
 erat ὁ Socrates, cum quo he-
 rē in Lyceo disserabas? certē
 frequēs turba vos circūfiste-
 bat. Et paullū progressus, in-
 fert: At mihi hospes quispiā
 esse videbatur qui cū loque-
 bare, quis erat? Hac enim ta-
 lis elocutio est imitatio, histrio-
 nem magis decet, nō epistolas
 scribētē. Plurimum autem
 Morale epistola habeat, sicut
 et Dialogus. Ferē enim ani-
 mi sui simulacrum quisq; est
 imaginē, epistolam scribit. Et
 est quidem ex aliā omni ora-
 tione videre ac noscere morēs
 scriptoris: ex nullā tamen a-
 quē atq; ex epistolā. Magni-
 tudo autē epistolae modica et
 contracta esto, sicut et dictio.
 Valdē autem longa, est elocu-
 tione

καθέστειραι, ἔμα' τὴν ἀλή-
θειαν Ἐπιστολαὶ γένοιτο ἂν,
ἀλλὰ συγγράμματα; τὸ
χαίρειν ἔχοντα προσγεγραμ-
μένον. καθάπερ τὰ Πλά-
τωνος πολλά, καὶ Θου-
κιδίδου, καὶ τῇ σωτάξει μᾶ-
λλον. γελοῖον
ᾧ περιοδεύειν, ὥσπερ ἐκ
Ἐπιστολῶν, ἀλλὰ δίκην γρά-
φοντα, καὶ εἰς γελοῖον μό-
νον, ἀλλ' εἰς φιλικόν. ὃ δὲ
δὴ κατὰ τὴν παρρημίαν, τὰ
σῦκα, σῦκα λεγόμενον, Ἐπι-
στολαῖς ταῦτα ἐπιηδεύειν. εἰδέ-
ναι δὲ καὶ ὅτι ἐκ ἑρμηνεία
μόνον, ἀλλὰ καὶ πρᾶγμα-
τά πνα Ἐπιστολικά ἐσιν. Α-
ριστοτέλης γοῦν, ὃς μάλιστα
Ἐπιτετευχέναι δοκεῖ τὸν τύπου
Ἐπιστολικοῦ, τοῦτο δὲ οὐ γρά-
φω σοί, φησὶν. οὐ γὰρ ἡ Ἐπι-
στολικόν. εἰ γάρ τις ἐν Ἐπιστο-
λῇ σοφίσματα γράφῃ καὶ φυ-
σιολογίας, γράφῃ μὲν, οὐ
μὲν Ἐπιστολῶν γράφῃ. Φι-
λοφρόνησις γὰρ πρὸς βούλειαν
εἶναι ἡ Ἐπιστολή σωτόμενος ὁ
περὶ ἀπλοῦ πρᾶγματος ἐκ-
θεσις, καὶ ἐν ὁνόμασιν ἀπλοῖς.
κάλλος μὲν τοῖς αὐτῆς αἰτε

tionem magis inflata, non, per
Fidem, epistola sunt, sed Li-
bri aut scripta Saluere illud
habentia. sicut Platonis plu-
rima sunt, & Thucydidis.
Et constructione quidem e-
pistola soluta esse debet ma-
gis. Ridiculum enim per pe-
riodos ire, tamquam non epi-
stolam sed iudicialem caus-
sam scribentem: imò non ridi-
culum tantum, sed nec familia-
re aut amicū. Illud enim quod
proverbio fertur, Ficus, ficus,
epistola oportet accommodare.
Sciendum autem, quod non so-
lum Elocutio quaedam, sed &
Res sunt Epistolis propriae.
Aristoteles igitur, qui formā
maximè epistolae cōcepisse &
asscutus videtur, ait: Hoc ti-
bi nō scribo: nō enim esset e-
pistolicū. Siquis enim in epi-
stolā Sophismata aut cavillos
scribat, aut Naturales disser-
tiones; scribit quidē, non tamē
epistolā. Come enim quiddam
vult esse Epistola; breue, & de
re simplici expositio, etiā ver-
bis simplicibus. Pulchritudo
enim eius est decor, amica be-

φιλικαὶ φιλοφρονήσεις, καὶ
 πυκναὶ παροιμίαι ἐνούσαι.
 καὶ τοῦτο γὰρ μόνον ἐνέσω αὐ-
 τῇ σοφόν, διότι δημοδικόν τι
 ἐστὶν ἡ παροιμία καὶ κοινόν.
 ὁ δὲ γνωμολογῶν, καὶ περ-
 τσε πόμῃρος, οὐδὲ ἑπιστολῆς ἐπι-
 λαθομένη ὅμοιος, ἀλλὰ μηχαν-
 ῆς. Αἰριοτέλης μὲν τι καὶ
 ἀποδείξεισι που χεῖται ἑπι-
 στολικαῖς. οἷον διδάξαι βου-
 λόμεν, ὅτι ὁμοίως χεῖται
 διεξεγείντας μεγάλας πό-
 λεις καὶ τὰς μικράς, φη-
 σιν, Οἱ γὰρ θεοὶ ἐν ἀμφο-
 τέραις ἴσοι ὥστ' ἐπεὶ αἱ Χά-
 ριτες θεαὶ, ἴσαι ἀποκείσονται
 σοὶ παρ' ἀμφοτέρας. καὶ
 γὰρ τὸ ἀποδεικνύμενον αὐτὸ ἐ-
 πιστολικόν, ὅτι ἡ ἀπόδειξις αὐ-
 τή. ἐπεὶ δὲ καὶ πόλεσι πο-
 τε καὶ βασιλεῦσι γράφομεν,
 ἔσωσάν τοι αὐταὶ αἱ ἐπιστο-
 λαί, μικρὸν ἔξηρμέναι πως.
 σοχαστέον γὰρ καὶ τοῦ περὶ
 ὧπου, ὅτι γράφεται. ἔξηρ-
 μένη μὲν τοι, καὶ ἐχέτω συγ-
 γραμμά εἶναι αὐτ' ἐπιστο-
 λῆς, ὥσπερ αἱ Αἰριοτέλους
 περὶ Ἀλεξάνδρου, καὶ περὶ
 τοῦ Δίωνος οἰκειοῦς ἡ Πλά-

nigritas, & crebra Prouer-
 bia inserta. Atque hoc unum
 sapiens insit epistola; quo-
 niam popolare quiddam est
 Paræmia, & vulgo notum.
 Qui verò sententias loquitur,
 aut sermō cohortatur, non per
 epistolam iam loquenti simi-
 lis est, sed per artem. Ari-
 stoteles sanè & demonstra-
 tionibus utitur interdum epi-
 stolicis. sicut cum docere vel-
 let, pariter magnis & par-
 uis ciuitatibus benefaciendū
 esse, ait: Dixerim in vtrif-
 que æquales sunt. itaque
 & Gratiæ, quoniam dæ, æ-
 quales tibi residebunt apud
 vtrasque. Nam & quod de-
 monstratur Epistolicum est:
 & demonstratio ipsa. Quo-
 niam autem & ciuitatibus
 interdum & regibus scribi-
 mus, sunt eiusmodi episto-
 le paullo magis eleuatae. (mēs
 enim dirigenda & in perso-
 nam, cui scribitur.) eleua-
 ta tamen, sed non uti Liber
 aut commentatio fiat pro e-
 pistolâ. sicut illæ Aristotelis
 ad Alexandrū, & Platonis

ad


τῶνος . Καθόλου δὲ μεμί-
χθαι ἢ ἐπιστολὴν καὶ τὴν ἐρμη-
νεύαν ἐν δυοῖν χαρακτηῖροι
τέτοις, ὅτε χαρίεντος καὶ ἱχ-
νῆς . Καὶ περὶ ἐπιστολῆς μὲν
ῥαδά, ὅτι ἅμα περὶ ὅτε χα-
ρακτῆρος ὅτι ἱχνῆς .

*ad Dionis familiares. Uni-
versè autem miscetor episto-
la, quod ad Elocutionem, è
duobus characteribus istis,
Urbano & Exili. Et de Epi-
stolâ quidem hætenus, &
simul de characterè exili.*

F I N I S .



005644479
005644481



005644479
005644481